

西南文學文獻

第二十一卷

中國西南文獻叢書





20076

1007.87/1:2

144

中國西南文獻叢書·第六輯

西南文學文獻

第二十一卷



本輯主編：徐希平

田耕宇

副主編：肖燕

鄭慧珍

葉南

編撰：王永波

陳堯

邢金良

劉浪

徐立昕

鄧潔

林洪濤

李廣科

艾晶

張麗豐

本卷目錄

眉庵集 上 [明]楊基著……………

眉庵集

【明】楊基著

眉庵集

上

《眉庵集》，詩別集，明楊基著。基字孟載，原籍嘉州（今四川樂山）人，與高啓、張羽、徐賁并稱『明初四杰』，《四川通志》有傳。本書用文淵閣四庫全書十二卷本，原書尺寸爲三十一點五乘二十厘米，版心尺寸爲二十二點三乘十五點三厘米，該本爲明成化二十一年張習刻本，按體裁類編，順次爲五古一卷、七古二卷、五律二卷、七律二卷、五絕一卷、七絕一卷和詞曲一卷。卷首有明成化二十年（公元一四八四年）江朝宗序，卷末有補遺、錄詩十五首，并有成化二十一年張習男后志。此集另有《四部叢刊三編》武進陶氏涉園藏明成化刊本，《盛明百家詩》本等。

欽定四庫全書

集部六

眉庵集

別集類五

明

提要

臣等謹案眉庵集十二卷明楊基撰基字孟載其先嘉州人祖官吳中因家馬始為張士誠記室洪武初起為滎陽縣知縣歷官山西按察使尋以事奪官輸作卒於工所明史文苑傳附載高啟傳中史稱基少以鐵笛歌為

欽定四庫全書

眉庵集

二

楊維禎所稱與高啟張羽徐賁號明初四傑
其詩頗沿元季穠纖之習都穆南濠詩話摘
其佳句十二聯其所品題得失叅半李東陽
懷麓堂詩話謂孟載春草詩最得然綠迷歌
扇紅襯舞裙已不能脫元詩氣習至蕙為看
山盡捲西更過纖巧春來蕙幙怕朝東直艷
詞耳故徐泰詩談謂其天機雲錦自然美麗
獨時出纖巧不及高啟之冲雅王世貞藝苑

卮言謂其情至之語風雅掃地朱彝尊靜志
居詩話亦摘其詩語類詞者至數十聯而獨
推重其五言古體然近體之佳者亦自清俊
流逸雖不能方駕青邱要非餘子所及也集
初為鄭綱板行成化中吳人張習重刻嘉州
江朝宗為之序習為後志云乾隆四十五年
九月恭校上

總纂官 臣紀昀 臣陸錫熊 臣孫士毅

欽定四庫全書

卷之四

楊維禎所撰
總校官臣陸費墀

其後學好之者復繼之皆謂其為

其後學好之者復繼之皆謂其為

其後學好之者復繼之皆謂其為

其後學好之者復繼之皆謂其為

其後學好之者復繼之皆謂其為

其後學好之者復繼之皆謂其為

其後學好之者復繼之皆謂其為

眉菴集原序

予布衣時雅聞楊孟載先生盛名及入翰林為史官奉
勅纂修大明一統誌攷先生先世予蜀嘉州人因大父
仕江左而生吳中遂家焉又誦先生詩云我家岷山更
西住正見岷山發源處於是乎益知先生雖生吳中實
蜀人也先生生於元末仕於國初宏遠之器醇正之學
初任滎陽令再謫鍾離閒居江寧句曲久之被薦陞江
西省幕賓復使湖南廣右累官山西按察使誌載先生

讀書日記數千言尤工於詩與高啟徐賁張羽為詩友
故時有高楊張徐之稱云先生所著眉菴集有五七言
古體五七言律詩及歌行排律絕句詞曲總若干篇教
授鄭鋼編集已板行矣字多訛謬先後失序而缺畧尤
甚識者惜焉吳中張公企翱以名進士累官廣東僉憲
素重先生之詩每遇公暇輒研究之補其缺畧次其先
後履歷之序字之訛謬者悉攷正之釐為十二卷繡梓
以廣其傳其用心亦厚矣哉間以示予俾為之序夫詩

言志也三百篇之後變而為漢魏為六朝宋元以前惟
唐為盛今先生之詩穠麗纖蔚藹然正大和平之音殆
有唐人風味夫豈易得者哉僉憲公能俾先生之詩大
顯於天下後世天下後世即其詩可以知其志知其志
可以知其人然則先生不但有光於吳而且有光於蜀
也予後生小子因僉憲公之命不敢以繆悠辭而僭序
之其景仰之誠得不於是而少舒哉成化二十年夏六
月既望賜進士奉直大夫廣東市舶提舉前翰林侍讀

學士經筵官兼太子講讀古渝江朝宗書

其時前朝為殿計不為文而後請於君父者有至是而
 世前數世古意因分家公之命不期而然其情而為私
 我鄉姻黨入流惟我至不出謀與我與而吾亦不為私
 感然香官為其入其為世仰其前正以真其感嘆其意
 亦感入風之夫其意也古者雖命家必請於其主之若大
 感感全夫之之說然其意也古者雖命家必請於其主之若大
 言感也其言感之為感也古者雖命家必請於其主之若大

欽定四庫全書

眉菴集卷一

明 楊基 撰

五言古體

感懷

十四首

璞王宜深藏白雪乃寡和
 和寡非所悲銜玉徒取禍
 奈何朋足者抱璞不知過
 進非烈士忠退耻愚夫懦
 偏春匪利直販鬻欲自浣
 山中一尺雪且復掩扉卧

其二

清霜凋百草亦令脆者堅士不遇患難智慮何由全
玄德肉生重耳十九年一為三國雄一稱五伯賢苟不
辨菽麥何足攬大權至今巴蜀人歎息後主禪

其三

鄧禹南陽來仗節歸光武孔明卧隆中不即事先主英
雄各有見何必問出處孫曹與更始未可同日語向非
昭烈賢三顧猶未許君子當識時守身如處女

其四

蝮蛇冬未蟄靡草寒更生
陽光泄為電地雷忽有聲
上天號令乖致此災異
并不然多殺傷兵氣之所成
漢廷免三公母乃非政刑
願言調玉燭仰見三階平

其五

三人乃成虎衆口能燦金
流言雖不多足移君子心
人心本無疑理與勢所侵
奈何形似間構結已駸駸
入耳即契合不待間者深
陳平雖云智羽有隙可尋
高祖誠

豁達卒亦誅淮陰營營青蠅詩示古猶示今

其六

位卑諫勿直直諫君心疑交淺言勿深深言友誼虧
謬衆所惡况復違逆之豈不利於行吐藥而含飴朝登
千仞崗振我身上衣丈夫貴自潔毋論他人非

其七

一女不得織三人歎無衣一夫不暇畊八口皆啼飢
寒迫于身誰能不為非西伯善養老仁人為已歸霜寒

草木落禽鳥相背飛民心亦何求在于得所依此理勿
暫失君子慎其微

其八

鵲巢知避歲終為鳩所居巧者勞不足拙者安有餘溪
翁夜結網山人朝煮魚隆準入關中不讀半卷書當時
微張韓乃與勝廣俱大拙乃至巧巧者復何如

其九

驂騑日千里亦在御者功向無造父能乃與凡馬同韓

彭更駕材驅策遇沛公增本渥洼兒意不與項通豈獨
知馬難所貴御馬工駕御苟失宜鮮不敗乃翁蕭蕭悵
下騅千駟何足雄

其十

鞞鷹飲六翮栖息如鷓鴣秋風颯然至聳目思凌霄英
雄在承平白首為漁樵匪無搏擊能不與狐兔遺長星
亘東南壯士拭寶刀落落丈夫志悠悠兒女曹

其十一

善鬪須扼吭善戰須搏膺楚不都關中卒為漢所傾洛
陽非用武况乃居彭城曹公失荊州致使吳蜀爭五馬
渡江南神孫終莫平元帥破襄陽宋社忽已更制勝在
得勢勿云險可輕

其十二

劍可敵一人書足記姓名學之十二年書劍兩不成歸
來吳楚間豪傑已起兵攬鏡照鬚眉一二白髮生老母
在高堂未敢即遠行太息長在夜鷄鳴星斗橫

其十三

浮雲從何來本是山川氣寸陰不終朝一雨浩無際江
河會交流草木奮妍麗但知潤澤功不識真宰意天風
吹玄陰白日照厚地理亂自有常千載可坐致

其十四

東隣夜從軍西隣曉上官一為死別愁一為知己歡歡
者承新恩拂拭頭上冠愁者囑妻孥結束跨下鞍悲歡
何不同一危復一安黃塵障東華平地生波瀾朝榮夕

賜死轉盼異暑寒寄語承恩人莫歎從軍難

漢傑士 楚范增附

淮陰天下士本是飢寒人朝為女子憐暮為惡少嗔身
無兼人勇屈辱楚水濱一朝拜大將為漢伊呂臣王齊
及王楚初假後即真男兒猶龍蛇窮達乃屈伸如何百
世下獨有黔婁貧

其二

蕭何刀筆吏碌碌起沛中初無一矢勞胡乃第一功發

縱及指示帝論亦未公信亡追及之此為萬世雄漢卒
賴信力亡楚定四封曹叅彼何人而欲與之同

其三

子房本韓臣志欲報韓仇亡秦與蹶楚初不為漢謀功
成不貪賞而乃願封留富貴非初心竟從赤松遊寒寥
千載下斯人誰與儔

其四

范增亦人傑不去羽不亡漢非赤帝靈增固不可當紛

紛與楚爭可畏惟漢王危哉鴻門會拔劍舞項莊示玦
羽不決致令漢道昌成敗非失策天命固有常

其五

禮樂治化本百年然後興奈何叔孫通綿蕞為可行布
衣起山東五載帝業成瘡疾有未起詎可謂治平當時
定朝儀事正擊柱爭遂令後賢王禮樂終不明漢道止
于斯俗儒良可輕

其六

陳平素無行終為漢相國陰謀固可鄙奇計凡六出後
來諸呂難卒賴陸賈力豈緣富且貴臨事意反詘智者
猶若斯請為愚者說

秋懷 二首

曉城露氣白旭日猶蒼莽千林木葉墜迥覺川原廣村
虛雞唱獨江靜鷗飛兩瞻眺豈不佳遲暮良可愴菱歌
發清詞助以蒹葭響斯意竟誰同忘悲却怡賞

其二

日沒霧靄黯微茫見羣山茅屋四五家
時有芻牧還豈惟寵辱忘亦喜思慮閒
嗟嗟當世事戚戚念時艱

秋夜言懷 四首

鮮鮮籬邊菊慙慙庭下蕙蕙氣日已銷
黃花自妍麗復恐清商激幽芳亦凋瘵
褰衣步廣除露白月在地鵲飛林影空
蟲語墻陰細昔賢悲絲染徃聖嘆川逝
少壯不我留臨風發長喟雅志諒難酬
蹉跎老將至

其二

西齋近寒徑枯葦接深篠秋風颯然至索索鳴不了拋
書坐孤榻眼溢燈暈繞窻破斜隙明漏斷餘更悄平生
所欣遇此夕紛內擾假寐入冥思南枝有歸鳥

其三

夜坐後不樂起行亦無惊徘徊二者間百憂結心胸歲
事忽已遷復共喪亂逢一身愧無補况乃祿萬鍾月林
鵲翻翻風江雁嗷嗷栖止苟有託遲莫還相從

其四

高梧蔭崇岡，衰草被廣陌。
風微夕露涼，星淡秋河白。
芳辰兼物謝，孤抱緣愁積。
佳人在何許，悵望江浦隔。
昨會月初弦，徘徊又生魄。

送謝雪坡防禦出郭團練

朝催築城夫，暮點團結兵。
兵民皆動搖，一日十數驚。
所賴官長賢，撫勞得衆情。
防禦出郊來，父老拜且迎。
垂髻及戴白，羅列車下聽。
官家百萬師，自足與寇爭。
汝自守汝鄉，汝自保汝生。
閒暇苟不虞，倉卒恐見傾。
我當徵汝

勞薄爾賦稅征父老共感激聞然動徵聲旌旗泊甲子
五色相鮮明豈惟備抄掠大敵固可嬰問君何能然子
弟衛父兄平川雨初收馬嘶鼓鑿鑿相送不同徃極目
秋鷹橫

送將作僉院丁季周奉使兩廣還朝

國家厄中運四海揚風塵蚩蚩弄兇兵皆我耕桑民或
為官府迫漁獵無富貧奮然掉臂起一呼聚頑冥始有
可招徠久之竟沉淪勢結不易解遂同越與秦皇明邈

九重此恨弗得伸，雖居蠻夷中，豈不念帝宸？丁侯京師來，遠使廣海濱。舟師送蛟鼉，陸足披荆榛。所至敷恩威，一一為其陳。上述天子聖，下言將相賢。叶款款漸輸誠，仄仄咸來賓。直氣既侃侃，婉辭復諄諄。邊氓及夷戎，感激爭自新。首長獻印璽，老弱投棘薪。幡然悉改圖，喜極涕沾巾。安知萬里外，復得仰化醇。旌槎駕回風，星斗羅高旻。西風吹征衣，相見吳城閨。呼酒慰遠別，烹鱸煮青尊。念茲歸意切，又問銀河津。嵯峨蓬萊宮，雲霧鬱輪囷。

至尊開天顏前席顧問頻賜以錦綉段翠織雙麒麟追
趨鶴禁晚錫宴龍樓春賞功固盛典况復能諮詢丈夫
志四方策勲貴及辰嗟我獨抱繫戚戚罹蹇屯壯心殊
未已矯首潛酸辛

送陳資深歸廣

大夫輕別離投老欲入廣奈何干戈際萬里涉沆漭茲
城頗阜庶有女供奉養世亂得粗安胡勞問鄉黨君言
苦無家一夕魂九徃鄉書昨日至捧讀屢泚頽四喪寄

淺土未得掩諸壙雖云敏廬在誰復脩祀享感茲歸意
迫無力猶勉強齒髮固已衰尚足嬰提攘敢忘鄉土情
偷安戀茲壤吾聞重感激惜別復加賞天寒霜露繁
撼枯葉響水宿慎蛟螭山行避魍魎田園雖荒蕪果實
羅粟稼鄰居喜均還相邀具醅盎酒薄不得醉且復歌
慨慷人生還鄉樂無物堪比仿喜極繼以悲歡戚同反
掌昔思蘇臺月照女夜績紡此時父子情兩地同愴恍
安得混車馬妻孥共羅幌茲事竟難期淚眼一悽愴我

家嘉陵江踪跡久飄蕩亦欲問前途逡巡覓西溪

贈跛奚

楊鉄笛奴也

人笑跛奚整我愛跛奚跛雖百跂連夔亦一足可履
平疑履盤厯險若箕踞立如鷲聳拳行類鱉龜形散
裙長前肩背鞢短左非斲涉寒脰豈削猷玉蹠附婁濟
水厄晒却構兵禍疾同哀駘佗怒及趙女嫖觸屏屢思
倚守戶每得坐戒奚勿踪步世路方坎珂

登靈石和韻周左丞伯温饒大參介之

單牖集羣英席窄坐每盞烟橫半掩寺木落全見塔斜
流出渠分曲徑轉溪合村妝妍醜並野話悲笑雜童搦
吳音聞僧作梵偈蒼霜苔滑難躋露棘朽易拉磴紆蝘
緣樹扉敞蝸啓闥娛賓列五豆禮佛過三匝晴崖暝夏
雨秋洞寒疑臘窻攀盜果損簷入避鷓鴣拘池萍沾袖
憩石蘚汚衲琴忘荒臺弄屨響回廊踏值險慮思筇得
竒即傾榼感深怒須礫愁極哀鬢颯華年倏川駛雅量
浩海納嘯歌激歎歔雄辯肆交沓禪寂虛無量道祖清

靜益口黃蝸觸蠻愛幻雀化蛤狂遊類飲耐薄宦避嚼
蠟終當謝塵鞅掃屋分坐榻

贈別龔行義

楚龔風雲姿璞素玉不玷隻身躡雙屐十載食破研麻
衣閱冬春睥睨狐貉賤胸中何所蓄經史子集傳酒酣
文思湧強弩機發箭清真謝鉛飾越女巧笑倩紆盤珠
九曲精粹金百鍊粲如星森羅勇若軍後殿吾黨多英
雄氣索皮肉顛西風忽歸來塵土吹滿面從容問所歷

搔首不復辨但云秋水清吳淞淨如練方同華表鶴遽
作幕上燕去住何太輕弗得絆以線君材匪樗櫟名字
已交薦淵泉暫蠖屈霧雨終豹變賢達坎坷多豪傑窮
乏先嗟予書中蠹髀消兩目眩朝騎瘦馬出夕飽藜與
莧志慚點爾狂篋匪由也諺猥遭周秦厄不識舜禹禪
因君動遐想翅塌足若罾螺卮白堯豎耶為江渚餞回
首芙蓉花紛紛落紅片

贈張主簿

有田乃有租有身乃有庸不憂徵需煩但願賦役公東
家倉廩寔西鄰機杼空門戶非不齊貧富有不同縣官
皆賢豪豈不念困窮但為嫌疑迫上下相蔽蒙坐者頽
白民展轉溝壑中嗟嗟華亭簿彷彿古人風

與陳時敏別

近別會有期遠別易慘悽一人失意行衆賓顏色低相
顧各無語握手立大堤白沙飛輕烟赤草漫路蹊竈戶
八九家皮肉瘦且鰲再拜謁官長鵠立無所齋孤廳如

荒郵壁落新補泥日沒官吏散角角野雉啼歸來對寒
燈兒女相孩提雖云去鄉國喜不聞鼓鼙官卑職易稱
牛刀用割鷄回首華亭鶴月白露淒淒

送王國忠之邵武推官

新霜落江楓蘋葉爛如染感秋方惻惻送別復冉冉一
官萬里外舟楫破天險人皆亂離戚君獨笑而憮虹光
拂孤劍酒色暈雙臉平生崢嶸志弗以微物掩經綸二
三策寒誇謝諛諂天子固未遑屢讀首屢點七閩暖無

雪臘月草木斲花濃霧迷驛榕暗日在崦斯時到官舍
勒案手自檢雖無老母笑反獲在不忝顧子坐書癖譬
若秋後葷低回鶴俛啄嚙鱗魚上噲未能東浮越况方
西渡陝文慙英俊逼鬢覺衰颯漸交遊暫雲合乖散倏
電閃憮然成短歌持贈非琬琰

雨中劾韋體寄季迪止仲道衍仲温四首

屢覩歡未終乍違離緒繞冥冥鄉國陰獨坐空齋曉
啼春樹密花落流鶯少不有郢中吟何由寫懷抱

其二

久靜厭紛俗齋居自玄處
遙知久默暇共此瀟瀟雨
屢驚芳節換暫覺清音阻
欲扣竹間扉棋聲隔春渚

其三

叢林翳重岡迢遞僧居獨
憑軒一悵望春雨靡蕪綠
泉香花落澗窻暝松圍屋
憶雨諷經餘絮淡坐深竹

其四

別君俄兼旬芳景已云暮
南風吹新綠欲暗庭前樹
騶

鳴孤驛晚鴉散春城曙
盼此慰離憂新知忽成故

西齋聞晚鶯

南風池館靜深樹野鶯啼
初鳴喜新聽再轉復含悽
念爾來城市山林定鼓聲

初夏過寧真道院

偶來高樹下獨坐青苔石
澗雨落餘霏衣裳淡生碧
道因微物悟理尚玄言
析習靜自無營何妨處
翫寂

賦得淨瓶送衍上人

虛瓶湛靈泉行住一鉢友紅簪天女花碧棟大士柳中
圓涵真虛外潔照萬有自盛甘露漿不貯聲聞酒衍師
時出定提挈每在手詞鋒當建瓴禪寂宜守口

賦得山逐放舟遲送王主簿

舟行山亦移山盡舟亦住青山無故人行人自來去初
辭遠迤谷後接參差樹柁轉暮色分帆駛秋嵐度俄停
風暫弱既遠烟重莖別意即山情依君屢回顧

賦舍利塔送僧人

八萬四千塔歸然天地中靈光忽上下浩劫未終窮法
象諸天護真身五蘊空堅明元不壞生滅豈無同暫住
猶飛錫三匝禮秋風

空齋天王寺比丘號也托友求詩為說偈曰

上人坐空齋峩峩兜率宮兜率乃佛土亦在虛無中兜
率既無有空齋何所從豈獨空齋無四大亦本空萬有
萬法幻如泡影電風隨起即隨滅無聲色與踪以無起
滅故即之了不逢真空本非空去住空色同試舉空齋

偈為扣西來翁

遊北寺竹林

僧居古城陰迢迢通萬竹林
光落虛牖坐愛衣裳綠齊
餘孤磬遠茶罷微烟續道人
悟重玄淡然無衆欲譬彼
石根泉亭亭湛寒淥

久雨

十日雨不止四簷如決堤
今朝雨聲絕又聽斑鳩啼
開門對西郊汨沒失路蹊
往來舟車人拍浮類鳧鷖
我貧

乏車馬徒步兩屐泥歸來冠裳濕焙燎勞山妻側聞關
中旱終年望雲霓燥土及萬里曾不留涔蹄上天本無
私造化自不齊侏儒與方朔斯言非滑稽

雨中期袁宰不至

晨興罷巾櫛撫卷對秋渚幽人期不至值此瀟瀟雨豈
緣俗情牽致此清興阻呼童掃庭蕪落葉深幾許更採
石田芝空齋待君煮

寓感

人心渺烟海浩浩不可量
正茲春風和忽然變秋霜
悽悽不見矜惕惕反中傷
始終非感激愛惡自靡常
豈悅芙蓉鮮厭此蕙葉蒼
蒼請看塵中鏡拂拭耿輝光

贈馮瘍醫為金德儒謝

氣血在人身譬如江與河
擁之不得行崩騰作風波
古來養生術運動及按摩
較之䟽滄功相去苦不多
金君坐文墨錙銖細研磨
氣鬱神不舒顛瘍忽為疴
初疑疹發面頃刻如堆螺
金刀試神巧一抉回天和
神契二豎

緩巧師五禽佗乃知藝學流無不由專科去毒類去惡
艾夷絕根窠滋蔓不可圖未必非蹉跎余非知醫者此
理信靡它作詩代瑤玖語陋將如何

東臯為馬仲蔚賦

初夏藹衆綠霏霏繞園霧橫書散輕策愜我林臯趣衣
涼水氣襲屐潤苔痕汗雨菌結芝肪烟莎綠鶴步意銷
念慮寧景適真樂遇衆妙入靜觀前非覺神悟江花自
孤婉芳草忽已暮為鼓朱絃琴南風在庭樹

觀魚

池陰樹影涼白小紛成隊吹絮圓漚續觸荷清露碎俄
沉静却浮忽遇驚還退幸免釣絲憂江鱸且克鱸

賦得萍贈陳久中

浮蹤散寒星一夕生無數魚跳翠乍開鷗過青還聚微
風和影去急雨連根露惆悵別君時楊花滿衣絮

李迪病目醫令止酒因作此勸之

病目須飲酒飲酒調微疴氣血鬱不舒賴此酒力和所

以雷公方製藥用酒多活血必酒洗散鬱須酒磨製藥
既用酒飲酒良匪他酒可引經絡酒能驅病魔病目不
飲酒此蓋醫者譌李白好痛飲不聞目有座子夏與丘
明不為飲酒過飲酒既無害不飲如俗何清晨呼東家
買置數斗醪爛醉瞑目坐滿日春風醅陶然物我忘夢
見孔與軻此藥豈不佳而乃止酒那我今勸君飲君意
無嫌媿庸醫或見責請示眉菴歌

夢親堂

邯鄲枕中夢要是夢所有余嘗詠斯言嗟嘆為良久漁
夫及畋師所夢必筌苟颯然精誠接昭格固不偶聶君
乃純孝寤寐夢父母思之不暫置猶種蒔得藕啜彼聲
利徒孜孜在升斗

壽萱堂

朝者忘憂花暮者忘憂草母憂日已忘母壽日已老兒
心與母心願得同壽考回首堂下萱秋風幾枯槁

上巳遊虎丘值雨寓平遠齋

層軒構崇立綠樹帶吳苑鳩鳴春竹靜鶴下烟汀遠初
登已神暢稍久竟忘返松高急雨過草弱微風偃幽潭
閱靈跡氣濕龍蜿蜿俯深戒臨危歷險知步蹇歸途極
遐矚蒼茫失西嶽

贈毛生

丈夫遇知己勝如得美官栖栖無聊中握手意便愜古
來豪傑人所就非一端狂言與危行初若不可干從容
兩陣間一語九廟安狐貉不外飾而足禦寒嗟嗟隴

西李願識荊州韓

殘燈

輝輝復熒熒露冷無良燄
帷昏驚暈起隙破愁風颭
幽人對餘光拂拭床頭釵

附李迪和

凝光結重暈逼曙零孤朶
膏空逐漏水焰在同爐
火戀影未能眠更就餘明坐

晚節亭

壽藏名也

人生百年壽六十未為晚胡為鑿玄扃築亭在山阪周
圍松櫟高可翫不可挽日暮春雨晴黃鳥啼睨晚東家
鶴髮翁方置萬金產貽謀非不佳竟為達者菟王君超
物理生死若往返一笑步松陰青山在吾眼

梁溪暮歸

蕩舟入微茫晚烟暮羣山日落村墟遙惟見芻牧還鴉
度風陣低牛鳴月痕彎五噫遺清歌聽之厚人顏

山中言

入山採薇蕨山路多荆杞褰裳避朝露欲往行復止豈
不有饑餓一飯不為耻長歌古松下悲風為之起

憂樂

二首

我有九十母白髮雙瞳青夜禮漫落斗朝誦彌陀經以
茲精進力老而愈康寧百年何足云坐享三千齡

其二

嘗聞古人言五十不為夭嗟予已四旬齒髮固不少有
子萬事足此事猶未了一笑付蒼天禍福詎可曉

贈真性空

上人真如心悟徹物我間廿年住名山已復到彼岸六
觀會萬有一覺破諸幻袈裟坐綠蘚鳥悅林影散琴清
風在竹偈古石當澗贈以青蓮花搖搖落秋瓣

蘭室為醫士徐孟善賦

種德有餘慶種蘭有餘香爾來三十年德與蘭俱昌春
風葉猗猗秋露花的的人言徐翁蘭叟比蘓仙橘翁今
已仙去蘭猶繞階庭瓊芝與玉樹相映蘭青青我雖不

識翁而獲交二子芳名播清芬正與蘭相似人好蘭亦
好愛之久不衰彈君白雪操詠我幽蘭詩

聽松軒

鳥栖衆喧寂月出萬壑靜秋聲松外來歷歷生我聽繁
音雜宮徵空響調箏磬風細覺潛消山虛故相應幽人
掩書坐瞑目兩耳定聲聽忽兩忘道然發孤咏

秀野軒

結茆近東壘清曠接平行新春微雨過芳草綠如剪携

書坐深竹自讀自舒捲興來策杖藜初不賴輿輦西隣
雞豚社落日牛羊圈至貴在無求何勞事冠冕

僧寺感秋

一榻卧僧室歸夢夕九至燈昏燼垂華香斷灰成字斜
光破窻月急響虛簷吹遙想宦游人應憐此中意

守愚齋

百智動不足一愚賢自守神交武子甯氣合刺史柳聰
明與庸智方寸無不有歛之弗著形譬若物在部慮千

每得一問十且對九衆辨默乃消君竚靜而受晨齋掩
書坐草色連戶牖作詩代盤銘庶或置座右

除夕寫懷

晚凍雲正密晚晴雪亦消若松既露頂澗竹咸舒腰感
茲年光徂又復見歲朝漸與少壯辭老景去不遙人生
百年間倏如狂風飄况我患難餘髮黃皮肉焦萬事若
死灰那能復然燒差差青楊枝下蔭朱蘭橋明當長翠
縷繫我春江橈

吳宮遺跡八詠

長洲春

軟波流暖雲花光艷綠蕩津頭洗紅女蝴蝶上羅裙羅
裙秋水明瑤瑤白槳飛下雙鴛鴦溘溘湖水響

橫塘晚

川氣夕氤氳愁雲凝晚綠蘭舟蕩秋水東向橫塘宿橫
塘花正開紅桃間竹栽誰家織白苧機聲度水來

梧宮夜

桐堦白露下濕螢光炯炯銅盤燒蠟黃秋衾夢魂冷粉
泪鈿華滴雲鬢秋蟬整何處玉鑿聲芙蓉嘆孤影

楓陵秋

楓樹落清曉野烟結愁陰聲傳燒竹火人語滄波深鳧
飛秋水黑蛩吟涼露白江月參差光芙蓉照芳魄

越來溪

遠岫如蛾眉紫菱蓋綠漪小娃木蘭槳採菱溪上歸溪
風搖白芷撩亂蘋花起疑是越兵來旌旗照秋水

滄浪波

入苑綠泱泱
穀紋融暖光
東風吹白浪
照見赤龍堂
龍堂負貝闕
陰火春波熱
鮫人賣髻綃
夜夜唱明月

綺川遊

川水東北流
川花照青樓
龍船載鳳吹
日來川上遊
沙明屬玉止
莒香翡翠留
漁郎蒲葉底
網得雙吳鉤

茂苑思

輦路秋蓬滿
野香團綠濕
嬾娥粉黛愁
媽花鈿露泣
鶯

聲舊時好玉砌秋歸早東家胡蝶飛烟姿滿芳草

白門答高二聘君

以上元末在吳作

戊申秋余謫大梁季迪嘗夢余與若平生明日道路
傳余已死季迪有夢余詩已酉春正月余侍親東歸
迪亦應召來京師相對驚喜因出所賦夢余之作余
既感季迪之念而復疑猶夢也歌以答之

結交貴知己不在早與遲嗟我識子晚深淺惟子知每
於朋儕間擊節賞我辭前年吳城破子居我西馳交游

非不多獨念與子離相去日已遠數與禍患罹道路傳
我死可信子尚疑日暮過我廬為我涕交頤今年我還
京適子應召來^叶握手發長嘆示我夢我詩我昔患難
中精爽無不之而子獨夢我與子若有期方子夢我初
正我念子時春風鳥嚶嚶花發滿故枝為買一斗酒痛
飲春江湄生死固常理勿為達士嗤

自題宜秋軒

予去官結小軒自適軒近秦淮松菊竹樹之外無他

花卉且清曠幽寂與秋相宜因號宜秋賦以詩

我軒南山下綠水圍繞之四時非不佳獨與秋最宜秋
風入我軒便覺景物奇紅樹照西崦黃花滿東籬夜深
明月來蕩漾軒東池池光與月色上下相逶迤我時坐
軒中濁酒聊自持微飲不及醉陶然詠陶詩人言秋可
傷我覺秋可怡至潔如屈平至清如伯夷愛彼潔與清
竟忘搖落悲斯意獨領會但恐秋風知

贈錢祐之

祐之過余宜秋軒携武肅王家譜見示感慨古昔賦

此為贈

村居無來轍漸與人事屏軒窗頗宜秋爽氣接西嶺錢
君曉過我楚然破幽靜踉蹌田中來衣屨草露冷臨風
岸烏巾上有雙蚱蜢示我族譜文歷歷星斗炳前王勲
業在千載猶一項諸孫尚醞藉整整若弓在微嗟我昧淺
深所得如捕影潭潭百尺甃汲以尋文縵况茲坐窮僻
習懶不自省君來實起余如夢覺酒醒蟪蛄冒虛戶絡

緯帟廢井何當照寒燈共此秋夜永

淮陰祠

朝登歌風臺暮入淮陰祠
祠荒屋瓦落古木聲差差
當時握漢兵劉項相交持
舉足有輕重不負高帝知
區區假王封如何遽見疑
良平一躡足帝心即轉移
全齊七十城實為陷穽機
後來雲夢遊此禍乃致之
盧縮且稱王耻與絳灌隨
居常獨怏怏握手逢陳緝
事起倉卒間不意成誅夷
呂后固不仁鄒侯亦忍為
先王重報功無

乃此道虧至今淮水南落日啼鳥悲津頭問漂母一飯
竟哀誰

送叅政錢誠夫之淮安

潮落大江渾鳥啼曙色分公侯千萬騎送別隘人門威
儀督府嚴禮秩節度尊兩淮甲冑士十年弓箭痕南陽
與豐沛自古重永恩

寄內婉素

天寒思故衣家貧思良妻所以孟德耀舉簪與眉齊憶

汝事我初高樓映深閨珠鈿照羅綺簪珮搖玉犀梳掠
不待曉妝成聽鳴雞中吳惜喪亂廿口各東西有母不
得將獨汝與提攜我復竄遠方送我當路啼紛紛道上
人無不為慘悽今年我還家赤手無所賫汝亦遇多難
典賣罄珥笄朝炊粥一盂暮食鹽與葢堂有九十姑時
復脩豚蹄膏沐弗暇澤髮落瘦且顰別來復秋深露下
百草淒破碎要補綴甘旨需醬醢安貧兼養老此事汝素
稽作詩遠相寄新月當窻低

客館秋思

閒齋閨秋陰弱蕙風屢偃蕭蕭微涼至坐怯疎簾捲哀
蟬聽漸急歸雁差已晚忽動故園思山川匪遙遠

夢綵堂為俞士評賦

楚客身未歸悠悠念度闌江濤雖云廣莫阻魂夜飛秋
陰天無星猿叫楓樹稀家門倏已到不失舊路微宛然
上高堂獻笑試舞衣焉知空明曙鐘動殘星輝難追夢
中歡益發覺後秋安能附羽翼遠去仍相依

贈許山人 三首

七十世所稀過此尤足喜
山人腰脚健一日行百里
身安子能養飲食具甘旨
擾擾天壤間如翁能有幾

其二

讀書不須多達理斯為貴
讀書未達理不讀亦何異
山人識字少時復見一二
乃知學道人心靜自可至

其三

我笑山中人猶未達此理
患害每過慮聞利輒先喜
利

害何足驚死生亦命耳但使心不欺造物聽所止

送許山人歸長干別業 三首

我從長干來君向長干去春鴻與秋燕相逢不相聚當
時三閣上綠鬢花如霧辱井不可尋桑桑種瓜芋

其二

君家烏衣巷正對朱雀橋烏衣去已久斜陽樹蕭蕭紅
蓋嫩生芽紫芋肥長苗斯時一樽酒時赴東隣招

其三

朝耕硯一區暮耕筆一尺疏食且不飽而況有囤積山
人萬本非富與列侯敵治生不在多勤儉自有益

舟中有感

水性日就下大江日東馳不知舟行遠但覺青山移我
方念儔侶手反坐挂頓天風吹衣裳明月來相隨乘流
非不住逝者乃如斯滔滔適意中忽然令人悲壯歲難
再得修名安可期

出臺獄復還洪都

福至本無象禍來非有因方憂觸羅網遽喜辭妖塵念
此蓬程姿忽遘蹇與七倉黃園扉中日夕與死隣皇明
眷私照寒谷回陽春既免在滌牲復縱克庖鱗重沐飭
冠裳濟濟立要津道路與我慶况我骨肉親歸來向妻
孥秉燭語及晨猶疑是夢寐歡樂恐未真嗟余抑何艱
坎壈多苦辛弱無勝力雖而欲舉萬鈞羸牛服鹽車遙
遙西入秦進逢九坂危退迫尺箠嗔敢惜筋力疲所慮
車摧輪哀鳴徒嗷嗷仰訴空諄諄聽者無不憐誰復為

解頰終當脫羈鞅滄波浩難馴

晚發石頭口

石頭何瀾編左顧踞赤虎自非神力鑿那得此江滸玄
精畜陰霧秘迹曠萬古耽視洪都城百雉列飛堵我
船候明發值此春夜雨方欣土膏潤可以藝稷黍年豐
米穀賤何憂在羈旅披蓬望烟柳春水綠可醑終許着
漁蓑撈蝦富春渚

送陳管勾之鄱陽

朝與吳人辭暮送晉人別滔滔楚江水朝暮流不竭我
來貧兩省僚友皆俊傑怪君氣如虹欲立萬仞節青蓮
出泥滓不沈天性潔相期保貞固百鍊終不折

賦南昌亭送丁子讓之淮安

士不遇知己鬱鬱徒自憐亭長小丈夫不如漂母賢一
飯尚足惜萬金那忍捐季亦泗上人勲業四百年南昌
雖云小豈無士八千當時得英雄劉項可比肩奈何自
棄之各彼粥與餼重腫且沐猴此輩何足矜劫行淮陰

道亭草綠芊芊為我奉卮酒三酌東風前

送漚東宋處士

驂駟駕玉輅志不忘春草譬如燕雀人但識桑麻好十年
遊憂患退縮苦不早回念春江魚洋洋在芹藻聰明
身之累擁腫身所保歸去匡山中雲松可娛老

送方以亨還吳興

以亨來洪都省兄以常予因與之游者累月既而將
還吳興其兄錄所贈詩見示余喜而作三章以餞之

草有不可偃木有不可彫人心非秋蓬安得隨風飄
君玉雪姿明月當清霄歲蕤紫荆花輝映非一朝嗷嗷
寒江鴈去去誰能招

其二

遠別腸欲斷近別泪滿纓交游無不然而况弟與兄荒
塗霜露繁哀角響故城去傷骨肉思住感鄉里情還家
及東作翳翳桑麻成

其三

賢女失之陋壯士失之貧相逢無所遺慷慨不得伸臨
岐歌短章所道皆苦辛淮陰未去楚江摠復仕陳聊沽
客中酒用酌還鄉人

送方員外之廬陵

十年在羈旅未嘗憂別離如何與君辭愴如失羣麋君
才非我倚語默皆可師温温霜天裘細細當暑絺不勞
綺繡文自然適時宜嗟我百無補不異面有眉既乏視
聽功寧免耳目嗤君行值重午高花發榴葵荆人擊鼙

鼓舟楫挾兩旗當時懷沙心後世為水嬉作歌贈君別
秋風以為期

省中樹

掖垣東南有大樹陰可一二畝枝葉翁茂望之蔚然
豫章自兵興來巨材剪伐殆盡而茲木獨歸然城郭
中其壽可喜也暇日步其下賦此

嘉木不常有大材世所稀紛紛拱把中得此翠十圍盤
柯結層陰枝葉大且肥下蔭數畝庭芳映百堵扉六月

不知暑蒼烟盡霏霏豈為枕簟適實為烏鳥依豫草富
材木剪伐事已非此豈不材者獲與斤斧違寒裳步南
風空翠沾我衣徘徊望黃鵠歲久將來歸

午憲坐睡甚適覺而有賦

省中

昨夜風可畏今朝風可憐南風散煩暑稱此高齋眠夢
中聞松聲響如百丈泉不知何身世笙匏奏鈞天浮游
清虛中有類脫殼蟬既信園南樂更覺莊周賢生死俱
兩忘況有俗慮牽何當蔭高樹一卧三千年

白髮

員外方君長余一歲余髮斑白而方君則髭白一二
因相顧笑嘆吾二人之早衰也且聞王政恆二毛則
白髮固所當敬吾人其何悲為述以詩

白髮無貴賤愁人先得之嗟我愁苦多四十髮有絲我
愁寔累髮愁豈髮所為白髮勿笑我可喜不可悲紛紛
霄壤間幾人得如斯

歲暮書事

薄雲竊微陰江遠日易陞蒼然望平楚正與西山對冥
冥孤鴻矯接接昏鴉退感茲歲年暮矧爾時俗背賴有
谷中蘭參差可為佩

雨後遇上藍寺東方員外及泉上人

梵宮鬱蒼堯碧殿抱綠水入門廊廡壞屋漏濕窻紙幽
靜得文室苔竹深且美孤華獨清艷衆綠陰蒹蒹隔窻
新雨足石溜響宮微青山如筆格重疊在書几老僧知
客至合掌來作禮已無干佛念為發一笑喜嗟余服棘

駒局促垂兩耳逢師類脫鞅空澗向萬里聖覺雖異教
迷悟乃一理歸途有餘清作詩示知己

對江望山

二首

朝山翳其麓暮山翳其巔變態孰使之白雲與蒼烟我
久不見山見山喜欲顛以我窺青山料應山亦然喜極
復自笑我何愚且偏青山本無情于人何所憐因茲勿
復道且聽薰風眠

其二

大山如龍蟠小山如虎伏以茲龍虎氣不雨山自綠虹
長飲其左雲長逸其腹山靈既神異過者敢不肅我生
敬青山如對父與叔旦起髮未冠垂簾聽松瀑

晞髮

在南浦驛

道人晞髮坐綠樹啼幽鳥江濶風雨晴雲多青山少無
聞衆幻滅不昧羣迷曉猶有問津人孤帆望中小

發南浦

開船別西山迤邐向南浦帆輕去自速初不用篙櫓蒼

蒼烟中樹索索響斤斧一女沙上汲衆漁洲畔語我行
歲云晏况復遠倚侶回首北歸鴻翩翩下寒渚

過黃牛洲望西山

自我來西江未嘗看西山西山一何秀遙映蒼波間天寒
衆木淨日落孤雲閒當時珠簾雨高捲不可攀至今烟
靄中彷彿帝子還

夜過市汊驛

豐城北時酒醒月
出有懷幕中諸友

驛樓枕迴洲湍汊聲活活霜蘆花猶泛烟柳葉漸脫月

出見鴈鳴孤船寒江濶酒綠風力退詩苦真景奪何處
寄相思浮雲楚天末

汭口與洪鎮撫夜話

我船行何遲君船下來急烏啼月初上鷗靜露已濕褰
衣步危沙細語成久立回瀾激空穴風響相噓吸君才
誠國士富貴可俯拾臨流莫者劬恐駭寒江蟄

霧中望新淦縣

隔窻聞雞聲咫尺望新淦寒江白霧起驛樹連城暗瀟

淵浦淑澗晃晃日色淡亦有渡江人津頭解孤纜

泊五老峰下

初見廬山青再見廬山白山形各異狀轉盼即改色方
陰迷積翠忽靈眩金碧蒼烟與雲霧來往迺蒙霧時時
山中禽不自辨巢室我行三往返真態還未識山水猶
若斯世事那可必

自湖西發舟望瀑布

泊舟廬山下北風吹不休山靈知我來故以風相留牽

衣涉危沙曠然得平時柳色綠尚淺芳草青以柔仰觀
瀑布泉復作河漢流爐熏既冉冉鹿鳴亦呦呦乃因淹
留中終得此日遊向非風濤力那能極冥搜作詩寓所
感萬事無先謀

聞廬山雷鳴

雷霆有定位發聲胡不然茲山無冬春雷長鳴其巔崑
虫不閉蟄蛟龍亦蜿蜒致令山中人厭聽禮不度我行
值孟春豈隆發深淵衣冠凜危坐對越上帝前天變自

當敬心中非有愆

望新州

未見新州城已見新州山諸山初不高蒼石礪且頑想
當至正時民物庶以殷大江楚西來萬里不閉關茲山
獨儲英羣雄出其間遠為禍亂堦滋蔓莫可刪憶我開
亂初我方總兩鬢侍立父祖旁聽說國步艱焉知三十
年見此草與管骨肉亦已零安得髮不斑披榛欲弔古
豺虎愴我頰蒼茫望節宇日落孤舟還

過小孤

大孤俯如盤小孤儼而立羣山如從吏左右相拱揖孤
根屹撐拄萬竅爭噴噏瀏瀏陰風旋慘慘元氣濕江流
亘其下震怒莫敢汲狀為盤渦深馳作奔馬急躋攀或
失手一駛不可及我來值秋晚木落衆鳥集勿鬩夜船
犀鮫人抱珠泣

贈漢陰老父

窮達信有命丈夫乃長貧堂堂七尺軀而憂多苦辛早

隨丁都護馳逐車馬塵歸來不得意灌園漢江濱但恐
女子知不畏醉尉嗔終當返故里共煮秋風蓴

過長沙弔賈太傅

才高衆所妬年少衆所輕奈何文帝賢而乃謫賈生炎
劉握乾運寬大易暴羸涵濡三十年孰不為政成生言
胡不詳恟哭淚滿纓外防夷狄奸內謹七國爭禮樂與
風化無一不可行帝心既未遑廷論乃拂膺長沙卑濕
地落日鵬鳥鳴臨湘歌短篇哀痛弔屈平雖在宣室問

前席何足崇我來欲再拜祠宇久已傾荒苔剝斷碣滿
目皆枳荆汨汨祠下水猶聞太息聲

望岳麓

我為長沙客不醉長沙酒為愛岳麓山繫舟城邊柳峰
巒一何秀膏沐春雨後蛾綠淨洗妝方知朱鉛醜所嗟
山中寺頽圯想已久嶙峋北海碑千載獨不朽信為神
靈惜長使山鬼守塞衣欲訪古日落辰在酉荒烟鳥雀
喧竹密虎兕吼老眼念後期未知重來否

望南岳

我從匡廬來但覺諸山低嵯峨望衡岳雲霄與之齊下
有赤蛇蟄上有朱雀棲仰瞻祝融拔俯揖紫蓋迷五嶺
皆培塿三江為涘蹄巍然南服尊嵩霍相提攜封秩崇
君稱諸神咸朝濟丹書篆寶冊萬古封金泥百王重祀
典赤纁藉玉圭自非精靈通牲帛勞焚費余方向遠道
無由陟層梯蒼蒼烟霞中喔聞天雞緬想昌黎伯恭
默開雲霓靈貺自昭格誠敬良可稽斯人久云沒感念

徒含悽

過魏夫人祠

南岳秘靈氣丹霞凌赤氛中有紺髮姝云是魏元君手
把紫虛錄印佩朱靈文素質如輕霞飄飄上烟雲三華
弭絳節微月來繽紛逸之千靈妃從以萬鶴羣大藥濟
羸弱紫府奏殊勲何當受真典驂鸞入氤氳

衡陽逢丁泰

我素有詩疾逢人即談詩師友憐我勤遂以詩相期早

與高徐輩

乃高季迪徐幼文也

遠慕黃初時

魏年

時時發警策早

為詩人知爾來慙潦倒拙語勞吾伊篇章非不多聊足

克履醢衡陽識丁泰握手誦我辭我疾已成癖君復求

我醫譬彼病渴人却顧相如悲東風吹江花零落湘水

湄情多未忍別因之贈將離

發衡州

一日白一髮十日皺一膚人生冰雪容終作鞞紋麈今

朝清鏡中已與昨日殊不憂須眉蒼但恐皮肉枯肉枯

亦常理所念非壯圖有親恩最深撫養勞動幼憐我幼
失怙愛我如掌珠斯恩未及報不敢忘須臾書來得出
問哀頓空號呼衣衾與棺斂弗得親走趨家山在萬里
那能返故都樹頭啞啞啼愧殺返哺烏有子初學言行
步要毋扶已解索梨栗未知識之無重在託宗祀豈暇
問賢愚弟妹皆漂零遠在天一隅仲氏久無信夢中時
友于艱難斥鹵濱何以保微軀計工當已還母乃東歸
吳童僕各分飛僅有赤脚奴矜竚苦肺疾終夜聲嗚嗚

憐渠亦解事剪伐供樵爇異鄉骨肉遠賴此相支吾嗟
我客梁楚隻身亦崎嶇白晝畏豺虎夜防狸與狐所賴
筋力強窳伏幸無虞今年覺衰倦自怯行遠途東風洞
庭波落日青草湖魚龍來欺人烟濤慘糶糊茲晨過衡
陽齊景差可娛桃花白練帶春水綠菰蒲感此顏色妍
暫使憂心甦萬事信有命拊膺長嘆吁

湘女

湘水綠瀾瀾湘山碧我我空明影上下但覺禽鳥多我

方駐輕梳聽彼湘女歌
湘女淡掃眉素頰垂兩螺
幽蘭結短佩徐行拂青莎
春風吹衣裙芳香動微波
淑質自妍麗不待綺與羅
真修慎所適窈窕山之阿
盈盈青樓婦日暮將如何

湘江道中思常宗

暮江散微雨風定波自碧
一鷺立不飛雙鴻遞相直
餘烟菱女唱新月漁郎笛
此處忽懷人相思杳何極

湘竹有題

朝行湘竹下暮宿湘竹中雲情與雨態萬變俄不同密
密深翳日疎疎細含風新梢露裊裊老節烟濛濛紛如
千靈妃從以萬青童幡幢列縹緲環珮搖丁東來從蔚
藍天步入東華宮悵望不可即翩然若驚鴻夭矯喜
而笑低徊俯乃恭賢堅本外直性潔緣中空籟爾中弦
矢抹之可形弓冰雪誓不易肯與時污隆今朝揭春晴更
覺翠色濃戢戢琅玕叢忽見桃花紅直疑路不遠便與
桃源通我欲捐輕舟褰衣入崆峒春禽迎我啼音響偕

絲桐終當聽山雨自號蒼筤翁

瀝澗灘

一灘復一灘十步九盤錯崖崩亂石嶽轉使水勢惡
豁硤張牙屹岨蛟鬪角百躬牽莫前一駛即退却余舟
何猛銳獨與萬險搏蒿迎旋渦支纜入歌樹縛齊心忘
親讐叶力濟勇弱方危信宜懼過此亦足樂寸岬能摧車
何必盡劔閣向使一不諧羣命未敢托超然望西嶽衆
綠生遠壑丹砂明赤箭中有不死藥服食信可憑願借

麻姑鶴

曉發祁陽別劉啓賢

羣山抱洪流盡日行曲折坡回出平曠始覺人意悅晨
柳辭陰嵐夕飲得皓月微茫縣郭小樹屋遮顯滅深柳
積遠烟孤華燦餘雪入離聞書聲徑就野老謁楚然喜
客至細語共茗吸諸生誠朴野未解習禮節几壁如塗
鴉指鼻墨盡涅皆是農家子釋耒甘受業勿謂此輩愚
畎畝有俊傑出門復登舟暮雨正淒切前途問尚遠高

榕亂啼鳩臨流發新咏聊以散鬱結會合自有時何勞
念離別

過道士泮

楚之沅湘細宴山形如道士俯伏之狀因以名山其
東南麓有呂安撫墓在焉

茲山如青蛻俯飲江水曲邦人失偉觀目以道士泮中
有百歲墳石室蔭繁木當時錮三泉鳧秘金玉畋師
辟虎豹武士禁采收未為茲山榮竟為茲山辱至今湘

漢流到此屢回伏春風吹急雨石斷積蘚綠亦有斧斤
聲丁丁響幽谷

過仙家巖

蒼崖何巖巖衆石鑿紺黝仙人已羽化蛇骨尤未朽當
空玉棺破慙慙見跟肘劍作朱蛇盤函使白虎守及聞
上古氏殞殮初未有委棄無貴賤潏蠅蚋口陶瓦易
衣新宅兆貴深墜方春尚埋瘞掩此骸皆醜斯人獨不
幸暴露歲月久何當絕攀緣擬拾歸培塿雖臨不測險

結搆亦已就叶 茲言信非迂 臨風重回首

零陵感春

舟行苦淫雨 雨晴身亦輕 暢如辭喧卑 振衣登高明 羣
芳沐春容 瑩然眉目清 萬綠陰蕤蕤 孤禽語嚶嚶 憶昨
初戒途 飛雪沾我纓 桃李寂未華 一二春草生 漂泊復
幾時 花落已縱橫 花落非足惜 念此歲序更 慷慨向秀
笛 從容桓伊箏 曠達自不凡 悲憤何當平 嗟嗟高世士
疊疊勤修名

全宋文卷之...

瀟湘八景

霽霽復霽霽橫霄曳夕暉
巴人與湘女相逐買鹽歸
回

望墟烟處蒼茫隔翠微

右山市晴嵐

其二

今朝罷漁早掛網堤邊樹雲斷
一峯青斜陽在坳處
痴

兒晚睡醒却訝東方曙

右漁村夕照

其三

孤塔望中青鐘聲隔洞庭蒼山不可及
烟濶浪冥冥
憶

似寒山寺楓橋半夜聽

右烟寺晚鐘

其四

風攬湍花晚江寒波欲凝凍僵業漁者歸載一船冰一

白迷沙渚柴扉認有燈

右江天暮雪

其五

輕帆挂春風倒映湘江綠天低浦渚遠歸向誰家宿遙

指落花西黃陵廟前屋

右遠浦歸帆

其六

江橫秋草白 日落寒沙淺
鴻鴈萬里來 翩翩下平遠
欲墜更低飛 斜行兩三轉

右平沙落鴈

其七

風急雨浪浪 孤舟夜正長
江湖隨處惡 何況是瀟湘
今夜殘燈裏 無人不斷腸

右瀟湘夜雨

其八

湘水秋更清 湘月秋更白
光輝一相蕩 水月不辨色
何處洞簫聲 巴陵夜歸客

右洞庭秋月

登三夏故城 二首

寒樹無柔柯秋草有勁葉原空鶻孤寨山晚雲萬疊登
高得平曠人馬皆意愜思挽角胎弓相從雁門獵

其二

關前葉猶青關後草已白氣候本不殊山勢有阻隔風
高鼓角動日落川塞黑邊鴻一聲來壯士亦變色

過長平有感

驛路石犂确驅車邁荒村川遠蒼烟涼黃沙浩無痕問

是古戰場長平名尚存有生四十萬共此入厚坤發軔
暴虐秦六國漸併吞至今遺殺氣草木葉盡斃餘哀寄
山嶽上有愁雲屯控馮為追弔白日慘欲昏西風叫邊
鴈淒然傷旅魂

至太原

縣去城南五十里王維太原祁人也

唐俗本儉嗇古風猶在茲山長水流邁泉脉注東菑氓
事耕牧外鄙樸無他為何當起右轄共詠雉麥詩

眉菴集卷一

欽定四庫全書

眉菴集卷二

明 楊基 撰

七言古體

遊穹窿山

昨日出遊今日還登臨未盡湖東山紫藤花落高樹下
 翠羽鳥啼深竹間泉停峻石淨可掬磴倚絕壁危難攀
 攀蘿試上最高頂天風兩腋起塵寰迴視羣峰摠在下

擬接浮丘同解顏

一本無末四句有人生跬步即天險不獨雅塘與劍關二句為結

姑蘇臺

姑蘇臺下清江晚斜日江心照閣榭臺上西施醉捧心
江邊東越愁嘗膽鴟夷裹屍去不還麋鹿散迹游其間
功成却羨陶朱于一葉扁舟弄雲水

雪坡約余同入杭既而弗果臨別索詩賦此

十年不醉西湖酒夢寐春風萬株柳滿意從容覓舊遊
短衣疋馬隨君後孤山梅花斷橋月此興既發中忽否

停驂索我題詩送握手躊躇為之久江堤霜白萬馬滑
城角鑿落掛北斗前鋒已遠後已動弓箭束腰槩在手
借問軍中誰最賢紫髯太守勲名舊范公兵甲陳平計
方寸耿耿無不有當時結束事楚國日間十策悔其九
萬里曾瞻上國光一麾復出三城守至今錢塘與湖秀
父老傳誦弗離口去年逡巡點朝班予得忝為幙下友
今茲祀種尚祀事黼黻遶豆薦芹韭禮樂三千固未遑
趙王鼓瑟秦王正君侯入城如父母兒女掃街霜滿帚

莫向江邊聽蹋歌一夜相思成白首

著色西湖景和張光弼韻

時杭正被苗完虐甚

昔日西湖最佳麗
稚綠新紅無著地
日光爛漫注黃金
恰似而今畫圖裡
繞湖髻鬟翠萬堆
行雲行雨相往來
魚吹碧浪送歌舫
手當玉槃行酒杯
但知身在歡娛內
肯計年光逐流水
若尋昨夢問風流
不及丹青一張紙

約范園看杏花

西園杏花如雪
明年年看花春
滿城烏紗小帽
揷花舞

碧羅窄袖穿山行花今仍發當年道淨洗胭脂眉淡掃
僻處休嗟車馬稀內家園裡猶芳草東風回首幾人存
粉悴香憔不忍論錦瑟金錢誰赴約鳳笙龍管謾招魂
月斜徐步花枝下欲折生紅淚盈把莫怪無人看此花
當年已嘆遊人寒風雨陰晴每願違便須攜酒趁春暉
明朝青子花零落鶯老梅酸蛺蝶飛

草堂芙蓉孟冬始開遲莫可傷作詩慰之

東隣芙蓉花已歇西隣拒霜亦開徹草堂一樹初着花

錦莖瀟瀟間疎葉也知地僻竟開晚不見重陽好時節
池寒夜靜看不休月白霜清照愈潔愧無樽酒流遲暮
且為花從盛時說憶昔開元太液池綠水朱闌颯紅雪
鸞輿每煩天子顧玉鉞嘗詔才人折零落江湖事總非
露草烟蕪共悽切衰颯如君也不多相者勿用長嗚咽

尚梅軒

江堤雪消春水漲吳人看花車百兩梨花輕盈杏花俗
只有梅花清可尚剛風一吹色殊絕霽月暫照光欲蕩

一枝斜橫修竹外
數朶迴臨流水上
孤高百卉不敢先
豈獨區區丈人行
山人尚梅如尚賓
兩屐莓苔曉相訪
清樽慰花對
花飲香雪紛紛落
盆盎莫待東家玉
笛吹
花間容我青藜杖

王叔明長史畫

白雲英英山簇簇
綠蘿陰垂樹如屋
鳴琴彈罷坐碧鮮
手搖羽扇坦其腹
南風徐來生晚涼
衣裳颯然荷染香
世間萬事若流水
呼吸湖光醉一觴

棘竹三禽圖

棘刺搖搖風荻荻一禽驚啼兩禽宿空山日晚腹猶飢
何處蒲籬有遺粟杏花春雨小樓西撫卷彷徨不忍題
愿作尋常雙燕子年年飛入未央樓

食燒笋留題陳惟寅竹間

春雷一聲萬簪玉參差亂迸莓苔綠斬來掃葉當逕燒
何異燃箕煮秋菽登盤查牙玉版肥焦尾碎剝蒼龍皮
山人大嚼無以報寫作林間燒笋詩

詠七姊妹花

紅羅鬪結同心小
七蕊參差弄春曉
盡是東風兒女魂
蛾眉一樣青螺掃
三姊妹娉婷四妹嬌
綠窻虛度可憐宵
八姨秦國休相妬
腸斷江東大小喬

贈鑷工王生

湘娥剪筠編櫛齒
剪刀寒凝鵝鶩髓
鉛華拂灑秋霜飛
兩點春山愁不起
青銅自照顏色好
粉垢脂痕驚一掃
三十六宮妬少年
背指梨花笑春老
細骨輕軀珠翠蛾

玉膚紅映鴛鴦羅明朝面皺白髮多王郎王郎奈若何

畫為包師聖題

疎簾半捲絲絲雨菱葉荷花暗江渚水近松深徹夜涼
不用開襟搖白羽隔岸人家住綠陰偶來聽我坐彈琴
聊將白雪猗蘭意銷盡紅塵汗馬心

沈仲真自德清折苔梅一枝見惠

江南地暖雪不落臘月梅花滿岩壑今年正月冰雪多
梅蕊青青尚含萼夢斷寒窻風雨中遙想西湖總蕭索

野人遠自山中來寄我橫斜春一握碧苔遶枝花半露
翡翠明珠相間錯玉骨寒封紫繡衣冰梢翠剪青螺殼
初疑老樹鱗甲動更覺霜禽羽毛溥生香入手未敢嗅
一日春風到樓閣與君別來鬚髮蒼心跡未遠乍匪昨
忽向江南見似人顏色皎皎殊不惡笑呼春酒白玉壺
且復清吟對花酌苔溪雪消生杜若畫舫青帘恣行樂
明日相思賦遠遊東家許借孤山鶴

趙元畫懸屋圖

金川八口石室詩
卷二
懸崖無根谷無底樓閣參差半空起不信神工斧鑿成
人間至險無如此我對畫圖猶拊膺何況崎嶇險處登
槿樹離邊堤似掌藕花池上月如燈

夜聞異香

玉河低斜衆星皎白露橫飛濕幽艸異香何處忽飄揚
郁郁霏霏遍穹昊驀焉隨風驚旖旎稍久欲尋還縹緲
褰衣四顧但澄碧正似萬株丹桂繞恍疑真仙鳳輦過
芬馥爐熏散雲表復疑寒兔搗玄霜玉白丁東杵龍腦

道人六鑿久空寂臭味色聲俱一掃
默然鼻觀相感通
此豈天花故紛愜細縕自散還
自滅聞侶不聞神不擾
世間萬有等虛幻臭腐神奇心所造
須臾斗轉金氣肅
刺刺微寒欺破襖自展羅衾向壁眠
一任秋風弄池篠

贈道士呂紫岩

岩松青青岩石紫紫岩仙人躡朱履
一簪星斗月光寒
手把芙蓉扣元始岩下琪花樹樹春
岩前流水泛青蘋
前身自是純陽子何用重尋回道人

巧石雙松圖

松蟠怪誕龍形矯石嵌玲瓏雪膚巧何事淋漓水墨圓
高堂六月秋風早秋風吹雪山脚動瀑布飛來濕瑤草
翠幹危撐日月低霜根倒挿雷霆繞山中黃葉已蓋地
獨有烟蘿青裊裊夕露猶含碧海秋春霞已破丹山曉
平生愛松并愛石何異江鳧得蒲藻醉裡徂徠若可登
人間草木慙枯槁豫章將軍顏色好十年走馬淮陰道
索我題詩寫壯懷詩成已覺松杉老

清溪漁隱

清溪秋水清如練
歷歷魚蝦皆可見
綠蓑酒醒鴈初飛
風急蘆花吹滿面
溪南一帶是青山
逢着垂楊便可灣
謾道白鷗閒似我
漁舟更比白鷗閒

聞蟬

眉菴四十未聞道
偶于世事無所好
尋常惟看東家竹
屈指十年今不到
微軀之外無長物
寒暑一裘兼一帽
妻孥屢嘆升斗絕
不獨無烟亦無竈
身輕自笑可駕鶴

全宋文卷之三百一十一
卷二
眼明豈止堪窺豹人情世故看爛熟皎不如汚恭勝傲
有瑕可指未為辱無善足稱方入妙此意於今覺更深
靜倚南風聽蟬噪

畫馬

古人畫馬如畫竹貴在蕭蕭去凡俗骨欲權奇尾欲輕
不用豐腴與多肉當時精妙稱曹霸人與驂駟意俱化
信筆為之自有神忘却龍媒是圖畫此馬滿身花作團
大宛三日到長安若教引見南薰殿應賜殷紅瑪瑙盤

贈故人全王孫

兄為柱國弟開府門吏紛紛皆繡斧
敕賜龍河百畝宮
畫戟彤弓映朱戶金鳳盤胸白錦襦
面如紅玉紫虬鬚
六宮曉逐諸王入八府春隨宰相趣
東風忽念江南好
寶騎看花踏春草茂苑鶯聲醉裏聽
建章柳色愁中老
回首瀛洲草木新蒼顏白髮照烏巾
都將秋水蛇紋劍
贈與長安游俠人

歎道傍野花

烟蕪淒淒秋色老夕陽穿樹照梨棗野花一簇道傍開
細蕊繁英出深草我來米薪露已晡落葉滿地黃葉飛
偶從荆杞得麗質肌膚玉潔生光輝花得人逢花亦喜
靈妃粲然露玉齒小朵誰簪寶髻雲幽香不到銀瓶水
臨風折花重歎息細數花名思未得人生散樂在相知
莫恨從前未相識

夜宿靜嘯軒

寒風瀟瀟枯葉響綠窗梅影隨燈上龍腦香熏雲母錢

鳳團暖送仙人掌東家夜半雞唱獨西林月黑烏啼兩
明朝相憶鳳凰臺臺邊春草青青長

巢雲為周孟基賦

白雲無心本無住聊結雲巢與雲寓十年種得雲滿山
雲復留人人不去以雲作巢人未知雲為窻戶雲梁楣
巢中除雲一無有几席枕簟皆雲為人言我巢雲一朵
我非巢雲雲巢我是耶非耶何足云雲我我雲無不可
雲臺諸將千鍾祿萬里青雲電經目人生富貴等浮雲

何似巢雲數椽屋

金陵對雪用蘓長公聚星堂禁體韻

黃雲凍凝不成葉十載江南無此雪朱簾十二曉開齊
正值千山鳥飛絕墻腰簷角危欲墮竹頂松梢重將折
偏來舞殿關輕盈忽上金釵易消滅誰家沉火吹笙坐
着處銀瓶呵手掣脂凝香燼罷晨妝臉暈微溫散春纈
帶雨欲拈仍作片因風誤觸俄成屑漁棗向晚畫難工
歌樓未曉光盈瞥怪事休驚越犬吠豐年每信吳僮說

欲和東坡白戰詩
冰滿霜毫硯如鐵

聽老京妓宜時秀歌慢曲

春雲陰陰圍綉幄
梨花風緊羅衣薄
白頭官妓近前歌
一曲纔終淚先落
妝淚從容說姓名
十三歌學郭芳卿
先皇最愛芳卿唱
五鳳樓前樂太平
鼎湖龍去紅妝委
此曲宜歌到人耳
潛向東風作慢腔
梨園不信芳卿死
從此京華獨擅場
時人爭識杜韋娘
芙蓉秋水黃金殿
芍藥春屏白玉堂
風塵回首江南老
衰髻如絲顏色嬌

深嘆無人聽此詞縱能來聽知音少說罷重歌爾莫辭
我非徒聽更能知樽前多少新翻調一度相思一皺眉

送劉子遠歸廬陵

宮槐陰陰鶯噫噫細雨楊花飛不得朝回把酒問東風
不獨送春兼送客留春且為行人飲世間萬事邯鄲枕
但得還家莫厭貧十載異鄉空衣錦

喜客來

壯年不愁長作客亦不暇愁鬢雪白但愁金盡酒樽空

辜負長安好春色閉門三日生綠苔
失意忽聞佳客來
急拈春衣典春酒正值滿樹梨花開
花如冰雪人如玉
妙舞清歌歡不足黃昏客醉酒未醒
細雨鶯啼梅子綠

送張教諭

鑑湖五月涼風起荷葉荷花香
旖旎先生到縣花正開
濯足船頭弄秋水聖朝復興文武科
諸生習射更絃歌
他年大比登髦俊應報新昌縣裡多

雨中看花

青青楊柳深深竹
雨裡絳桃開一簇
羞將瘦蹇逐金鞍
着履看花仍不俗
花枝淨洗胭脂面
老眼驚如夢中見
已拚春色過三分
何止東風吹一片
只恐天晴是暮春
半隨流水半成塵
淡烟芳草長干路
作意能來有幾人

春日白門送范謙還四明

白門花開春酒香
參差柳條如酒黃
柳邊沽酒勸君飲
別意迥與江流長
江花近接瀛洲草
宮樹鶯啼燕歸早
白馬銀鞍游俠兒
雞鳴爭入金陵道
金陵自昔稱佳麗
虎

踞龍蟠天子氣綠帽將軍衛霍功黑頭卿相金張貴紫
陌遙遙十丈塵鳳笙牙板奏青春相逢金水河邊客半
是公車待詔人君今掉頭歸故國欲傍雲松看山色親
老宜承菽水歡時清不用芻蕘策到家春深花未稀竹
筍嫩白江魚肥登堂奉親與親喜蜂蝶故遶斑斕衣多
才如君世稀有珠韞玉韞那能久明日徵書到四明期
君更酌金陵酒

送李琴川謫臨海

南風雨來塵作泥稻花豆莢生初齊一人失意解官去
席上衆賓顏色低輜車欲發未忍別感慨握手立大堤
綠荷為盃樹為蓋碧酒蕩漾青琉璃茲行觸熱向甌越
咫尺浙水分東西或登龍門探禹穴或上鴈宕聞天雞
天台桃花千萬樹中有覓晚黃鸝啼雖云竄謫異憂喜
眺望自可窮天梯韓潮柳播夜郎白吉士往往遭傾擠
蕉中之鹿塞翁馬此事何足含悲淒但嗟靈物困汚瀆
無一出手相提携不然寵辱實命致毋乃天不哀羣黎

渡江秋風未十日織女須嫁牽牛妻自甘沉匿守太拙
寧復乞巧陳瓜果嗟余遊志屢遷逐親見郿塢爭燃臍
金多位重胡足恃頃刻變化如雲霓君年五十髮漆黑
壯氣鬱鬱衝端倪驂馱慙塊偶蹙蹙終辰奮迅追風蹄
經過虎阜坐石壁為我拂拭苔中題

宜秋軒桂

軒東古桂一株花已爛漫人無知者偶夜聞香自東來
旦起訪之得于荒庭廢苑中余既嘆其不為人所賞

識而復嘉其不以無人而不香也繞樹嗟悼慰之以詩
宜秋軒東一株桂香葉婆娑擁寒翠秋堂夜靜風滿簾
時覺幽芳來拂鼻清晨曳履訪幽獨一徑青苔雙戶閉
離離嫩蕊冒虫絲較較輕花落深砌麩金泣露濃更密
苞粟凝珠疎復細半粒能含萬斛香一枝解奪千姝麗
當年此地競攀折月戶雲窻敞秋霽金樽灑泛綠色酒
翠袖涼簪寶粧髻西風幾度人跡絕獨有幽花能點綴
村荒地僻霜露繁摧折紅蘭凋紫蕙瞥然一見衆憂失

不意孤懷得佳麗
遠之百匝未忍去
筆以長歌悲莫繼
更深月出擬再來
明日紛紛嗟滿簑

宜秋軒梅

萬松嶺上梅千樹
踏雪年年看花去
湖邊十里翠裙腰
盡是看花醉眠處
花今憔悴不如前人亦飄零
二十年
夢魂不到西湖上
春色自繞南枝邊
今年看花來杜曲
一樹寒香照茆屋
別是人間冰雪魂
肌膚綽約清如玉
雪更玲瓏玉更溫
春風入頰淡無痕
數聲殘角黃昏後

獨自相看半掩門

贈別徐季子

徐君昔為吳學官玉壘劍具魚皮鞋千金每贈壯士別
一語耻作儒生酸庭前手種萬修竹窻戶颯沓烟霏寒
南風醉眠雪覆簟西月對奕星羅盤維時海內富文學
爭飾黼藻窮研鎖諸生面試鸚鵡賦座客頭帶鷓鴣冠
我方年壯髮漆黑朋視班馬慚蘓韓飛鳴欲刷九苞鳳
絢爛未讓五色鸞君來勸我意無銳少抑汝氣槩可觀

驂駟受駕就矩步健鶻欲束搏風翰吳門一別二十載
鬼物變怪驚百端相逢白下恍夢寐方巾闊帶麻衣寬
道傍再拜問所歷細語款按平生歡君言誓欲拜我母
為恐此別重來難毋令九十兩足痺風雨半榻茆茨安
今朝山中得來筍嫩者香軟供晨飧百年自足三釜養
晚景忽此船行灘君才所施無不可經史滿腹皆琅玕
酒酣文史孰比擬強弩激矢江奔湍明朝到京學小隱
惟有遠屋山嶺岼櫻桃爛熟梅子大荷葉出水青團圓

行當散髮坐白石何用束筆趨金臺

送吳居易

黃梅雨晴葉重綠南風棟花開殺殺故人謁我此山隈

帶來烏犀帽輕殺入門相顧如夢寐名姓雖忘面仍熟

久之稍稍憶舊游尚恐非真問童僕遂昌先生

非元祐
乙英中

老客滿座君特雄辨衆賓服先生博學且敬君况我才

疎敢相逐撫臺一別已十載世事飄如電經目羨君遊

俠印屢懸嗟我巢傾卵俱覆去年謫官向河洛手脚酸

皺雙鬢禿歸來親友半死生不意逢君此江曲摩挲老
眼為君喜更覺君頰美如玉龍江花落乳燕飛芙蓉葉
大筍過竹殺雞沽酒招我飲爛醉頽然坦其腹深情密
意語未終舟楫匆匆去何速臨流索我題詩送詩句難
工羞再讀廬山東來五老峰大孤小孤青亂巖著我茅
茨一二間悠然醉把東籬菊

題宋周曾秋塘圖

右宋周曾秋塘圖一卷前元皇姊大長公主所藏也

前有皇妣圖書印記後有集賢學士諸詞臣奉皇妣
教旨所題自大學士趙世延王約而下凡十六人時
鄧文原袁伯長俱為直學士李洄以翰林待制居京
師為監修國史實至治三年也元運方隆皇妣雅尚
文學一時名公鉅儒以文章翰墨寵遇當世其盛蓋
可想見元既革命此卷遂出江左吾友薛起宗得於
其私沈祥氏一日攜以見示且徵題詩余雖不獲援
筆其間而一十六人者猶及親炙一二袁鄧二老又

皆先子之友不可作矣把玩再四敬題於後

陂塘九月菰蒲老菱葉無多荷葉少無數飛來白鷺明
一羣遊去青鳧小寒雲弄影忽成霞雁帶斜行下淺沙
晚色不隨流水去秋光都在拒霜花當時內殿春風細
紫衣傳教詞臣醉鮑謝文章沈宋才詩成曲盡秋塘意
塘水秋來景漸疎低烟斜日照平蕪鷺鴦去盡芙蓉死
空向人間看畫圖

北山梨花

余卜居金川

是金陵城西北門也

去北山無十里每清明時梨

花盛開輒動洗妝之想隣友薛起宗邀余看者再俱

以猥俗所繫不能如約昨又期出郭風雨泥濘弗良

於行起宗為折一枝相贈喜而賦此辛亥暮春五日

北山梨花千樹栽年年清明花正開薛君好事兩邀我

騎馬看花携酒來看花出郭我所愛况是梨花最多態

我牽塵俗不得赴花本無情花亦怪君今折花馬上歸索

我細詠梨花詩冰肌玉骨未受飾敢以粉墨圖西施東

坡先生心似鐵惆悵東關一枝雪重門晚掩沉沉雨疎
簾夜捲溶溶月月宜淺淡雨宜濃淡非浪白濃非紅閨
房秀麗林下趣富貴標格神仙風一枝寂莫開逾徧朶
朶玲瓏者應眩皓腕輕籠素練衣蛾眉淡掃春風面自
須玉堂承露華何事種向山人家不愁占斷天下白正
恐壓盡人間花江梅正好憐清楚桃杏紛紛何足數只
有銀燈照海棠海棠亦是嬌兒女

句容送蔡惟中

昨日立秋今日涼
蔡子東書歸故鄉
我來未久子遽別
子豈與我如參商
自慚貧無橐金贈
解劍換酒澆愁腸
醉酣月出重露滴
梧飄金井芙蓉香
衆賓誼譁噉笑口
我獨不言情悵徨
豈徒戚戚兒女態
感舊懷古增悲傷
憶昔追遊茂苑上
白馬紫轡青絲韉
子方年少富文學
面如紅玉肥有光
黃金曉酬西館客
綠錦夜贈東樓娼
三公走檄辟作椽
兩府交薦除為郎
風塵一別未十載
短鬢蕭颯俱老蒼
黑巾籠頭着野服
微雨鷓立官道傍

自云匍匐事販鬻蓋屐巾筴紙筆將匪爭刀錐競微利
聊復糊口走四方我聞此語重歎息助以唧唧鳴寒螿
丈夫失意固如此屠狗買畚庸何妨曲江之西沙柳黃
夜逐落潮登野航相逢故友或相問句曲岡頭一草堂

贈許白雲

白雲老翁樂且貧眼如紫電炯有神麻衣紙扇跣兩屐
頭帶一幅東坡巾清晨扣戶走過我謂我舊是諸侯賓
入門長揖肆雄辯動引四代卑先秦初疑傲睨意骭體

稍久漸覺情真淳從茲興至每一到不問風雨并昏晨
矯如野鹿不受繫去不可挽送乃嗔我來杜曲少朋舊
一境二姓唯朱陳租徵稅迫夜繼日未暇與我談逡巡
荒村不意得此老洗我三斗胸中塵我時信口答所問
怪我出語多驚人翁年耳順學不倦片言有益書諸紳
我慚習懶竟成癖日影照腹脚未伸起來巾櫛不自理
一飯且飽南湖尊諸生幼弱學久廢數字費我言諄諄
翁來相對輒太息謂可館閣胡沉淪人生富貴等泡幻

連何可喜窮何掣紛紛道路餓死骨半是臺省公侯身
龐公未為無所遺夫婦白首襄陽民翁聞我語乃大噉
呼我共醉華陽春正須狎暱到鷓鴣何必影像圖麒麟
秦淮雨過秋水碧中有一尺黃金鱗明朝買魚期再酌
我自掇拾山中薪

喜雨為黃明府作

今年太歲集在酉謂可三錢糶米斗入夏兩月無雲霓
焦捲黃枯滿田畝句容縣尹黃叔度晝夜感額疾其首

脫巾跣足禱諸廟龍井神祠一一扣精誠信可貫金石
頃刻雷公訶電母一雨五日三尺深高壟低田無不有
芄芄茂葉雲穠稌救救輕花雪紛捺邦民歡喜夜無寐
起賀買盡村中酒清晨扶策謝縣官微君吾儂將散走
尹言此豈我輩力自是天公憐爾叟嗟余貧無牛十角
終歲筆耒事糊口硯田得雨墨濡足庶免饑寒累朋友
今朝野老邀我飲草草杯盤薦梨藕醉後狂歌喜雨時
詩成謾續諸公後

杜伯洲送新米

山人送我明

米粒粒如霜新可喜
雨春風簸落紅芒

照眼明珠絕糠粃
饑腸欲食未敢炊
未及秋嘗羞祖福
憶我初來歲方旱
焦穗萎苗將槁矣
不意茲晨見精鑿
此寶更將何物比
終歲勤勞農可念
不耕而食余堪耻
歸買淞江雪色鱸
持向高堂奉甘旨

月灣秋影

勺容有水號明月
灣每中秋月圓而
水中見影方半

相傳萬仙翁幻術為此分題送友

千江明月秋無際獨有灣頭明月異灣頭十五月方弦
半璧婵娟半猶未月明在天光在水水月天月本無二
豈緣醉眼自圓缺看碧成朱醜成麗不然水府食妖蠶
毋乃神仙為狡獪姮娥亦學半面粉太滿恐為人所忌
圓非真圓缺非缺造化掀騰等兒戲我來送客秋正中
香影娑娑落霜桂邀我同吟月影詩自愧詩脾少清氣

眉菴集卷二

欽定四庫全書

眉菴集卷三

明 楊基 撰

七言古體

夢題雲山圖

夢中有人以雲山圖索詩因題四韻覺後惟記其首
二句為足成之

前山嵯峨後山聳大如盤龍小飛鳳千巖萬壑春雨晴

浮雲載山山欲動平生愛向雲山居漂泊尚作雲山夢
明朝拂袖歸故山萬頃白雲和玉種

省掖觀梅和宋草堂韻

玉肌瘦怯春風惱唇紅不褪香雲老綺窻人靜月初圓
笑覺飛瓊顏色槁羅幄銅瓶小兒邊銀燈疎影硯臺前
一株初破休輕折半朵猶含最可憐宮妝近眼人爭愛
却恐愁多零落快莫教纖手嗅東風誰畫生香與真態

西省海棠

山西陳則威以晉無梅花以管勾職初來江西即求
識之省左掖東檻有海棠一小樹則威尤鍾愛之日
數次至花下風雨昏暮不忍去也嘗索余賦詩余時
迫於案牘不暇舟行湘中梨杏桃李每得厭觀獨無
海棠因賦此補其缺云

山西公子虬髯客到處尋梅認香白春風省掖海棠開
暫去還來拋不得嗟我有癖常自笑不意逢君同此癖花
枝雅麗不妖艷我輩尚德不尚色曉窻雲暖風日妍數

朶娉婷春半折腰損紅綃膩有痕舞酣金殿嬌無力銀
燈不如微月照珠簾更著疎烟隔飛燕輕盈富貴姿玉
環態度神仙格此日凝妝青瑣外當時擅寵沉香北
繁開似妬却冥冥半吐欲言終默默豈惟人愛亦自愛不
獨春惜當誰惜細雨重陰也看來莫對空枝慢相憶

千葉桃花

豫章氣候差早春未半花已岑寂省掖後苑有千葉
桃一株人未之知也衆卉已謝芳草如積偶與員外

方君過其下初開數朶色韻標度殆非人間所有豈
所謂瑶水之遺也歟繞樹百匝賞之以詩壬子二月

十七日

江花先好還先落二月芳菲已蕭索
掖垣一樹獨開遲嫩葉龍從抱香萼
朝來小雨浥輕紅春色千重與萬重
點注定知煩曉露剪裁寧不費春工
春來到處尋桃李不道東闌花自美
傷心世事總如花何用勞勞行萬里

憶北山梨花

辛亥清明予與薛起宗聯騎遊北山飲酒大梨樹下
時花盛開余有詠北山梨花詩壬子清明備員江西
省幕風雨兀坐案牘如山積緬懷北山之集邈如夢
寐撫景感舊紀之以詩

去年清明花正繁騎馬曉出神策門千桃萬李看未了
小徑更入梨花村低枝初開帶宿雨高樹爛日迷朝暎
柔膚凝脂暖欲滴香髓入面春無痕青霞玲瓏翠羽亂
白雪照耀瑤瑤温折花對酒藉草坐花氣暗撲黃金尊

薛君起舞為我壽勸我一曲招花魂須臾明月忽到樹
主人送客唯留髻羅巾欹斜烏帽落醉眼况復知清渾
村中至今為故事笑我自是劉伶孫我慚不答竊自慶
大抵此樂皆君恩今年清明坐西省雷雨兩日如翻盆
羣花削迹淨如掃衆綠既暗不可捫豈無清錢換斗酒
案牘雜沓窮晨昏俾來督責至訶詈面微發紅氣每吞
未能搏搖跨鵬鴞詎免束縛同鷄豚人生屈辱乃淬礪
百鍊正欲逢盤根自知力不舉一羽強欲扛鼎追烏賁

晚晴汲井試新火柴筍綠蓮供盤殮歸來飯飽對妻子
萬事反復何足論

壬子清明看花有感

熙寧五年壬子清明眉山蘇公看花於錢塘吉祥寺
金盤綠藍獻花者五十三人有詩曰吉祥寺裏錦千
堆前年賞花真盛哉道人勸我清明來腰鼓百面如
春雷打徹涼州花始開是其事也洪武五年基與員
外方君看花於西江省掖節值清明歲亦壬子去蘇

公三百年矣歎公之不可見而猶以誦公之詩也因
賦長句以記歲月庶為後三百年張本云

吉祥寺裏千堆錦綠髮仙人對花飲腰鼓金盤五色藍
醉歸猶帶花枝寢東風壬子幾清明三百年來寺已傾
沙河塘上知兒女猶誦錢塘太守名看花我亦逢壬子
况是清明非偶耳莫論南浦與西湖楚水吳山正相似
青蓮居士識前因金粟如來見後身總不能知塵外劫
也須曾是會中人

邀方員外看花

金昌亭西萬株花
胭脂玉雪爭紛拏
春風携酒看花去
騎馬徑到山人家
花深樹密無逕入
下馬徘徊映花立
紫萼風微翠袖香
紅絲露重烏巾濕
別來幾負看花期
客裡匆匆見一枝
白下橋邊寒食後
廣陵城外綠陰時
今年花最逢春早
准擬清樽對花倒
人意方邀酒伴來
花枝已向東風老
花雖漸老仍堪折
猶勝紛紛滿蹊雪
且共芙蓉幙裏人
坐看海棠枝上月

樟樹鎮舟中作

儂是吳淞釣魚叟全家生長吳江口
遲鈍長飛衆鳥先迂疎每落諸人後
城中父老少相知鄉里兒童亦見欺
几上細抄高士傳壁間大篆考槃詩
春風百草承膏沐強擲漁叢親紫牘
昏史猶嘲吏事疎妻孥欲笑形容俗
羸馬長途恐不堪君恩何日許投簪
半蓬秋雨烟籠水數點寒星月滿潭

泊舟桑落洲望廬山

桑落洲前泊舟好對面推蓬看五老石罅泉從樹杪來
山坳雲向峰尖繞風墮初黃未黃葉烟暝將栖已栖鳥
莫問漂零與壯遊飲不能多須醉倒

聞鄰船吹笛

江空月寒江露白何人船頭夜吹笛參差楚調轉吳音
定是江南遠行客江南萬里不歸家笛裡分明說鬢華
已分折殘堤上柳莫教吹落隴頭花

春江對雪

春雲作寒飛鳥絕
花雨紛紛暮成雪
江山最好雪中看
況是東風二三月
披蓑漁立柳邊航
戴笠僧歸竹外莊
草暖尚迷雙鷺白
樹寒先露一鷓黃
我愁春雪看難久
重為江山更回首
莫煮清貧學士茶
且沽綠色人間酒

春江雪霽

烟嵐蒼蒼雨濛濛
春雲淡白春霞紅
扁舟江上行十日
盡在郭熙山水中
今朝推蓬更奇絕
兩地江山皆玉潔
又是王維著色山
十幅屏風盡飛雪
參差琪樹當春起

零落天花隨春水寫鶴三千月殿中芙蓉十二冰壺裏
當時玉堂有畫圖自謂此景世所無而今老眼見真景
始信二老畫不誣人間妙筆奪造化徃徃天真乃如畫
意象經營自逼真按圖索駿風斯下須臾雪霽天宇碧
一色瓊瑤蕩春陌柳自輕黃草自青縱有此圖無此筆
眉菴居士非好奇為歎此景無人知都將摩詰圖中意
寫作春江雪後詩

雪中登黃鶴樓

洪武癸丑臘月十一日夜抵武昌是夜風雪交作向
曉雪深二尺因登樓賦此

黃鶴樓前水平岸春雪當空舞撩亂東風知我欲登樓
助以瓊瑤作奇觀昔人黃鶴去不回我騎白鳳橫江來
遙看歷歷漢陽樹一色盡是梨花開人間何處最佳絕
百尺闌干滿江雪氣壓滕王閣下雲與高庾亮樓中月
瀛洲咫尺非難到鶴背琪花落烏帽載酒誰能問謫仙
題詩未必無崔顥江山得此清無敵頃刻銀蟾蕩瑤碧

更着仙人紫綺裘卧聽呂岩吹鐵笛

雪中再登黃鶴樓

平生不願萬戶侯亦不願識韓荊州但願武昌連日雪
日日醉登黃鶴樓樓前絕景冠今古况有繽紛雪花舞
玉樹參差認漢陽瀛洲浩蕩迷鸚鵡江頭兒女走欲顛
謂我自是騎鶴仙白雲飛盡黃鶴去此景不見三千年
我拍闌干為招手世上神仙果何有桃李非無頃刻花
江湖亦是逡巡酒他日重來五百春樓前花草一番新

相逢不識純陽子何用重尋回道人

湘中見春雁

蘼蕪葉長春簇簇雙雁忘機相對浴東風何事不飛歸
應念江南春草綠燕山密雪正茫茫況有桃花水滿鄉
畢竟不如歸去好楚雲湘水是他鄉

登岳陽樓望君山

洞庭無烟晚風定春水平鋪如練淨君山一點望中青
湘女梳頭對明鏡鏡裏芙蓉夜不收水光山色兩悠悠

直教流下春江去消得巴陵萬古愁

長江萬里圖

我家岷山

先生原籍蜀中嘉州人因祖仕江左生長吳中遂家焉

更西住正見岷

江發源處三巴春霽雪初消百折千回向東去江水東
流萬里長人今漂泊尚他鄉烟波草色時牽恨風雨猿
聲欲斷腸

湘江秋意圖

湘江澄澄漢江綠芷葉蘭花映斑竹一聲款乃雁雙飛

數點青山淨如玉
蒼梧回望是荆州
楚雨吳雲恨未休
無夢可聽湘女瑟
有人方倚仲宣樓

湘漢秋晴圖

讀書不願賢良舉
朝醉霸陵暮湘渚
兩鬢從添鏡裡霜
十年聽遍江南雨
呼鷹臺上愛秋清
鷓鴣洲前看晚晴
紅葉蟬聲湘寺遠
碧潭鴻影漢川明
湘波漢水愁無盡
畫裡江山聊一哂
舉世惟稱王仲宣
當時亦有周公瑾

湘陰廟梨花

癸丑二月廿日泊舟湘陰廟下廟東圃有棠梨一株
花猶未開因念辛亥春與薛起宗賞花於鍾山之北
賦詩酌酒為一時勝集壬子歲宦居豫章追憶舊游
嘗與員外方君道其事復有詩寄薛今年見花於湘
水之上不惟北山之會不可尋而豫章僚友亦相望
數千里外人生漂泊蓋如是也舟中岑寂賦詩一首
且歸以示方君預與起宗締來歲之約云

平生厭看桃與李惟有梨花心獨喜海雪樓前雪一株

歲歲清明醉花底北山岡下花最盛千樹玲瓏圍綠水
前年騎馬賞花處我與河東兩人耳青苔滿地芳草合
只有黃鸝映花蕊當時美人東閣上寶髻慵梳初睡起
鏡裏爭先試一枝真態欲將春色比樓空燕去花自落
細雨黃昏泪如洗疎籬蕭蕭茆屋破况復臨春開結綺
我時賞花仍弔古花亦燦然為露齒歸來娑娑簪滿帽
十日羅衣香不止去年相憶豫章城咫尺春江如萬里
今年邂逅洞庭曲細萼含愁照清泚人至魂消楚雨中

花應斷腸湘烟裏三年勝遊不再得百歲歡娛能有幾
吉祥牡丹非舊夢玄都桃花亦如此更約明年載酒來
莫笑花前人老矣

留題湘江寺

瀟湘縣前山繞城綠陰滿地聞流鶯入門下馬松逕濕
樓閣花開春雨晴山僧知我携客至袈裟鐘磬下榻迎
汲泉敲火煮新茗茶香鼎潔泉甘清龕燈照佛佛像古
舍利五色真身明黃金布地孔翠帳幙蓋聯絡皆珠寶

飛來巨石卧青兕以爪扣擊成金聲十年足跡走萬里
福地徃徃迷榛荆茲山信是無量壽百千萬劫完不傾
乃知願力自廣大天神守護邪魔驚我來作禮統三匝
寶花如雪天樂鳴便從真如入妙覺豈有世網能相嬰
同行僚友二三輩勸我寫石留芳名他年老眼得再覩
風雨剝落莓苔生

初陽行

黃鶴樓前漢陽雪岳陽樓前洞庭月自謂人間無此清

到處相逢向人說祁陽江頭春更佳彷彿似是神仙家
黃鸝亂啼萬竿竹綠水縈抱千株花千紅萬碧深相映
雞犬無聲茅屋靜野老回頭喚不磨恣恣况是通名姓
水流花落岸東西只隔疎簾路已迷天下於今皆樂土
何須更覓武陵溪

皂角灘

烟蘿毳毯樹蒙鬆夏綠更換春花紅千山萬山無所聽
鷓鴣杜宇啼春風穿崖瀾漏高百尺快劍無痕鏡翠碧

寶氣朝凝五色霞
丹光夜燭三分日
我從章江出彭蠡
巴陵長沙洞庭尾
者遍衡廬兩岸山
行盡瀟湘一江水
輕舸短楫辭零陵
似與亂石爭功能
牛刀慣熟中肯綮
郢斧神捷回鋒梭
男兒性命固可惜
底事矜誇向羣石
鷗邊短草一枝筇
牛背斜陽數聲笛

湘中四詠

黑翎紅嘴花間鳥
映花一點珊瑚小
當時如意擊東風
萬語千言啼未了
雕玉龍開出綉楹
海棠庭院雨初晴

美人按拍教鶻鵝學得霓裳四五聲

右鶻鵝

其二

棠梨花開滿山白白鷗飛來春一色黃鸝紫燕大匆忙
不道花間有閒客却嫌香露污春衣立向湘江映夕暉

鷗鷺相逢莫相妬一雙還拂楚烟歸

右白鷗

其三

湘江兩岸無笳字湘竹陰陰覆江渚春來未聽一聲鶯
只有鷓鴣啼暮雨憐渠亦是他鄉客苦向人啼行不得

縱教行得也消魂那得行人不頭白

右鷓鴣

其四

暖風晴日融春晝閒看花陰難吐綵綺縠都將絲羽粒
紅絲不待金針綉疊疊胭脂縷縷金龍紋盤錯鳳紋深
憑誰剪作鴛鴦帶雅稱佳人翡翠衿

右錦雞

過高郵新開湖微雨有詠

殘虹曉落西陂岸雨脚斜飛鷓鴣亂扁舟盡日畫中行
荷葉荷花香不斷船頭老翁一尺鬚斗量菱舟兼費魚

兒能鼓柁女蕩楫何用聰明多讀書

夢綠軒

余與徐君幼文同謫鍾離結屋四楹幼文居東楹余居西楹文嘗賦詩曰夢裏綠陰幽草畫中春水人家何處江南風景鶯啼小雨飛花蓋深有意於故園也

蜀山

蜀山乃吳中山名幼文所居在焉非西蜀之山也

江頭萬章木細草幽泉

蔭修竹五月六月山雨晴空翠紛紛滿衣綠杖藜或來陰下行雲影不斷涼風生青連翠結欲無路彷彿上有

黃鸝鳴去年吳城正酣戰却倚危樓望慈憐今年放逐
到長淮萬綠時於夢中見夢中見綠覺始知索我亦賦
夢綠詩逢人說夢子堪笑替人作夢余何癡世間萬事
同野馬覺後非真夢非假五色過眼本虛空富貴於人
誠土直南風剽然吹夢破樹頭不知微雨過從今寤寐
俱兩忘靜與白雲相對坐

舟入蔡河懷徐幼文

憶初見君江浦外七尺長身齒含貝君年未冠復新婚

錦帶吳鈞紫絲佩，豪姿俠氣颯蕭爽。春鴻輕便秋隼快，
結交梁楚燕趙間。追慕廉藺羞郭解，誓將弓槊事鞍馬。
耻作寒儒服中帶，余時瑣屑箋虫魚。折几寒燈寫秋芥，
相逢一笑恍自失。不異低岑仰高岱，殺雞為黍三日談。
深中肯綮入骨髓，方喜師君竟兄我。卮酒動輒受百拜，
停觴爛漫出險語。磔裂鬼膽窮百怪，天然清真去雕飾。
王媵西施洗鉛黛，漱芳雋腴再三讀。項上之鬻左手蟹，
技痒礪棘互犄角。十捷一二八九敗，余實羨君敏且博。

君亦憐余強而邁英雄敢誇君與我強弱不止楚敵蔡

孟潛豪士渤海高李迪也時復峙足如鼎鸞高才於我十

倍丕尚歎追君力不逮縱橫千字成生筆迭宕百韻余

公萊幼文與余唐卿作萊僧房秋迥鉢聲長雪屋香銷

燭痕在清游未竟夕漏終落月殘星悲一慨激烈正醉

金陵酒漂泊共泛濠梁載城荒地僻生計拙時脫春衫

倩人賣破樓夜雨隣鐘急委巷秋風茅屋壞斯時愁絕

正難禁君獨相看勸余耐別來奔走向西洛面色痿鰲

卷之三

眉庵集

去

病新羞章臺握手須臾立胸臆梗塞若有碍平生耻作
兒女悲此別戚戚若有槩今朝過蔡將入陳漸見舟艫
艫灘瀨平將細石魚跳渚斜日低烟雁橫塞相思無奈
客中愁聊述長歌歌一再

鄭州道中

北風如刀吹面裂敝裘無功塵絮折星稀日出勢尚嚴
滿袖霜花厚如雪馬上沉吟苦憶家江南十月賸春華
金錢晚菊低叢葉綠萼盤梅小樹花

寄題水西草堂

為楊公輔作

鴛鴦湖東武塘西
桃花滿川蒲葉齊
春風二月微雨霽
鶯鴨拍水黃鶯啼
推窗只有參差柳
柳色波光淡於酒
烏紗官帽半籠頭
紫竹漁竿長在手
平生愛讀內景書
往往適意追禽魚
開門懶迎俗士駕
拄杖每扣高僧廬
客來舉酒邀明月
細瀟松濤煮春雪
但覺身無俯仰勞
安知世有東西別
今年扈從來大梁
錦袍白馬青絲纜
信陵宅畔暮鴉集
朱亥門前秋草黃
輪番夜直中書省

霜華滿巾鬢髮冷粉署香銷紫綺袍碧梧影落黃金井
魂夢時時到草堂曲欄花藥漫分行他年得遂歸田計
多種墻陰十畝桑

留別楊公輔

將還滎陽夜集公輔東齋酒酣索詩時銀燈結花漏
下二鼓賦此留別

紫簾凝烟碧香繞銀燈結花金粟小主人捧酒起勸賓
離別長多會長少明朝騎驢鄭圃東白沙黃葉滿林風

知君此際能相憶
笑指燈花映酒紅

送朱明善少府

昨城主簿冰雪骨
天濶霜清見飛鶴
家住西湖第一橋

半生詩酒笙歌窟
斜肩兜子總宜

舟名

船九里松陰十里

蓮松下看山船上宿
小娃隨索賣花錢
鶯嬌蝶妬春如

綺一夜東風變桃李
回首梁園望故鄉
咫尺吳山四千

里吳山漸遠音書絕
兩鬢青青未成雪
烏帽朝辭鄭圃


烟鹿車夜挽蘭臺月
上官不憚路道長
豈問富庶并荒

涼正須到縣招竄匿要使枳棘皆耕柔婦女養蠶男種
麥食有雞豚衣有帛兒童不識成丁勞父老能歌縣官
德慚余亦是滎陽簿虎牢關下成臯路有酒誰流紀信
魂無人敢盡鴻溝渡鄭衛由來本懿親相思只隔大河
津愁將良嶽風前柳持贈山陽笛裏人

并州對雪

春風雪花大如手
匝匝襪從撲窻牖
入水消融鴨綠醅
隨鶯點綴鶯黃柳
人誰能來剡溪棹
我獨痛飲淵明酒

白髮沙頭罷釣翁
睡覺蓑衣頻抖擻



大紳齊古時年八十三
當年齊陸太李早草色龍從日夜芳白
大紳長春村大紳於今同製歲五十年前三十二記
化開六仙兒新來折青塔宮住觀齊老子登科此樂

欽定四庫全書

眉庵集

九

<p> 涼正須到將招竄區委使林行耕桑婦女養蠶男種 麥食有雜豚未有帛兒童不識成丁勞父老能歌縣官 </p>	<p> 肥所食亦是榮陽薄虎牢關下成阜路有酒誰流紀信 </p>	<p> 鴻溝波鄭衛由來本熱親相思只隔大河 </p>	<p> 風前柳待暗出陽笛裏人 </p>	<p> 春風吹花大如手 匝匝離披撲窻闥 入水消融鴨綠醅 </p>	<p> 眉菴集卷三 命似漢東木 願掛樺我獨痛飲淵明酒 </p>
--	--	---	-----------------------------------	--	--

欽定四庫全書

眉菴集卷四

明 楊基 撰

歌行

齊老曲迺夫婦齊壽時年八十三

生齊年復齊老當年齊種長生草
草色龍從日夜芳白頭夫婦長春好
夫婦於今同幾歲五十年前三十二
記得花開共撫兒新來折得蟾宮桂
親齊老子登科此樂

人間殊不多東家新婚奈爾何

鐵笛歌為鐵崖先生賦

鐵崖道人吹鐵笛宮徵含嚼太古音一聲吹破混沌竅
一聲吹破天地心一聲吹開虎豹闥彤庭跪獻丹宸箴
問君何以得此曲妙諧律呂可以召陽而呼陰都將春
秋二百四十二年筆削手譜成透天之竅價重雙南金掉
頭玉署不肯入直入弁峯絕頂俯瞰東溟深玉綱正統
著高論唾彼傳癖兼書淫時人不識我不厭會有使者

徵球琳具區下浸三萬六千頃之白銀浪洞庭上立七
十二朶之青瑤岑莫邪老鐵作龍吼丹山鳳舞江蛟吟
勗哉宗彥吾所欽赤泉之盟猶可尋更吹一聲振我清
白祖大鳴盛世載廢阜財解愠南風琴

先生註春秋一
本名透天關

擊筑吟贈張思廉

擊筑和短吟一擊意已深但聞筑聲怨未知擊者心君
子復何如而欲酬萬金萬金不足貴所貴在知音

董君行贈董冠軍

金匱石室書
卷四
陷敵非失榮脫死尚稱智纍纍几上肉一一生頭翅同
行數十人謫戍遠將置翻言念君親向指白日誓臣不
棄鄉井臣不背主義願瀝方寸血洒濺天與地江潭白
虹起斜貫日色翳亂堪奸守胸用飽饑鱣噬歸來皮膚
在顏慘色逾厲乃知壯士勇異彼兒女戲或降或為虜
此寧不少愧我歌董君行庶發丈夫志

白頭母吟

白頭母烏頭婦婦姑啼寒抱雙股婦哭征夫母哭兒悲

風吹折庭前樹家家有屋屯軍伍家家有兒遭殺虜越
女能嘲楚女詞吳人半作淮人語東營放火夜斫門白
日橫尸向官路母言我儂年少時夫妻種花花繞蹊夫
亡子去寸心折花寶花窠成瓦埽十年不喫江州茶八
年不歸姊妹水蘭芽菊本已凍死惟有春風薺菜花只
憐新婦生苦晚不見當時富及奢珠簾臺榭桃花塢笙
歌院落王家府如今芳草野鳥啼鬼火磷磷日未西儂
如葉上霜死即在奄忽新婦固如花春來瘦成骨婦聽

姑言淚如雨妾身已抱橋邊柱總使征夫戍不歸芳心
誓不隨波去

附杜彥正同題次韻

白頭母征人婦銀釵零落鳳凰股天寒日暮練裙薄
脉脉無言倚庭樹良人何在西從軍出入干戈死為
伍腰間寶劍霜雪光逐隊齊行斫妖虜鼓衰力盡生
死決野曠天青塔鈴語鬼妻悲號鬼為舞淚血如珠
濺行路郎今一去歸何時櫻桃花開春滿蹊側身西

望骨欲折千里烟塵暗邊埒君不見東陽御麪顧渚茶
年年上供天王家月圓小餅盤龍鳳玉塵十襲浮霜花
祇今喪亂殊未已武夫競爾誇豪奢大明揚輝照村塢
願見清平好官府延秋不聞烏衣啼版圖復入無東西
翻慮此身先奄忽不見親叔祀梁骨落花冥冥墜紅雨
遲郎歸來華表柱若為化作紫鴛鴦一雙飛上青雲去

李道士歌

先生學醫并學仙朝采參朮夜煮鉛丹成雞犬飛上天

靈氣化為五色烟珠宮瑤樓花爭妍紫鳳白鶴青瑤編
亦有窈窕蛾眉千綠鬢青頰雲垂肩手把玉磬彈水絃
儵然而來忽而旋一語不洩空留連但見碧霧籠蜿蜒
歸來城郭久已遷海水枯涸成桑田疲癯之人瘡痍臄
偃若病鶴脊贅跼寸七入口無不痊嬰鏗起舞衣踟躕
報以白壁直萬錢珊瑚木難雲錦箋長揖自愛禮數虔
倒騎赤虬不用鞭疾如飄風送飛鳶曾不少留我意懸
丹臺峻嶒俯九淵清虛自是龜巢蓮我無羽翼相後先

譬彼食蜜皆中邊十年空齋坐寒飈兀與老衲叅枯禪
時有嗔愛來相牽未若得兔忘蹄筌歲月滾滾東逝川
欲返內景無賞緣道固可授不可傳恬澹無為神自全
何當吹笙導綵旃相顧一笑崆峒巔

九峯行

九峯山頭白雲飛飛來化為游子衣游子思親去不返
青天漫漫白日晚父骨未入土兒心安可休恨恨天河
水夜夜東南流東南流向何處去流向九峯山下住九

峯九朶青芙蓉古今鼎鼎馬鬣封父生有身死有骨何
當函置白雲中豈為吳淞山水好父骨未埋心未了而
今結廬向墓傍休官甘就吳淞老南風吹送孝廉舟買
地千金何足酌白雲倚門兒子去三江明月夢悠悠

招鶴詞為薛復善賦

朝放黃鶴去暮招黃鶴歸翩翩兩黃鶴朝暮相隨飛朝
飛向三山暮歸向遼海雖云城郭是但覺人民改曾邀
王子晉去謁浮丘公丹霞映碧水萬里瑤臺風瑤臺十

二樓琪樹珠花繞時與五色鸞雙飛啄瑤草天風一飄
蕩瞬息三千春回首清淺處拂拂揚輕塵青鸞既西飛
丹鳳亦高舉獨招黃鶴歸靜對黃鶴語黃鶴如有意起
舞春風前一笑上黃鶴逍遙凌紫烟

黃鶴生歌贈王錄事叔明

君不聞眉山道士徐佐卿化為黃鶴朝太清還君金僕
姑留得千載名又不聞穹窿小仙徐子貞翩翩自稱黃
鶴生鍊形蓬萊山鳳臆紫燕膺千有六百年飛上白玉

京玉京錦具闕十二樓五城娟娟萬青蛾吹笙沓相迎
黃鶴生骨相竒金衣玄霜裙纖指而洪髀不飲華池漿
不啄青田芝耻彼五色鳥賢德輝下之浮丘不能招八
公不能騎飄然從西來不使上帝知帝遣紫虛玄君覩
夫人夜乘白鷺來相追琅霄頃刻九萬里追之不及鷺
聲悲黃鶴生請少留爾為黃鶴舞我為黃鶴謳便須吹
玉笛登爾黃鶴樓樓高幾百尺見三島十洲瓊珠金光
草鐵網珊瑚鈎樓今已槌碎瓦礫三千秋黃鶴生孰為傳

母乘腰纏人扶搖上揚州揚州瓊花已枯死仙人不復
來遨遊黃鶴生鉗爾口母啣紫泥書寄與西王母王母
見爾笑起作小垂手黃鶴生來爾聽崑崙十二峯朶朶
芙蓉青上有翠羽箭金鏃孔翠翎為我取之來射此天
狼星坐令談笑間四海烟塵清爾亦策爾勳我為爾勒
銘更呼薛少保圖爾雲臺形黃鶴不肯頷長鳴掉頭去
路逢鈇龍君疊疊道其故龍君勸不止竟觸龍君怒手
挽黃鶴衣醉叱黃鶴住黃鶴不敢去飛繞三花樹夜深

鍾龍醉不醒黃鶴高飛不知處

玉鸞引

鐵厓翁昔有二鐵笛字之曰鐵龍今亡其一崑山顧
仲瑛得蒼玉簫一具號玉鸞遺翁配之瑛既為謠索
予和之以引云

丹穴鸞蒼霞翰素質琳瑯玕衡度尺只寬中心空洞合
混沌妙諧律呂有七竅如星攢紫鸞彩鳳迺其侶嬌歌
妙舞花成團羿妃久藏桂宮裏弄玉求謀遺蕭史調得

仙家別鶴吟吹落虎頭金粟耳太霞仙伯鐵厓翁昔奉
洞庭雙鐵龍雌龍入海去不返雄兮鯨處瓊林宮虎頭
憐之作婚媾洞房溫和配成偶絕勝玉杵聘藍橋從此
翁嘗笑開口畫堂龜甲釘屏風翠烟凝暖春雲濃大餅
酒瀉鸚鵡綠滿頭花押鴛鴦紅鷺兮運居巢龍兮弄橫
竹不須再奏合懽辭且聽和鳴太平曲太平曲斷還續
一轉一拍相節促諧宮協徵宣八風四海萬年調玉燭

玉仙謠和阮孝思作

二女仙圖從人持旄前引一仙騎白牝鹿一騎青騾
又婢持暈扇在後盡妙入神霄漢錢翁筆

赤岸無波海塵起蟠桃枝上花成子玉仙邂逅赴瑤池
雲角凌空月如水子子干旌引素霓神麈步蹙青騾嘶
珮環流響入碧落霧鬢約掠風鬟低鷲尾金寒歇扇影
朱衣濕露香痕冷銀漢斜回星彩沉漸漸扶桑耀初景
齊州九點春微茫六龍騰駕催晨光踏歌不到碧雲夢
胡蝶牽愁愁正長綠霞一滅瑤臺路想像徒憐舜英慕

青鳥千霜去不還
猶許留情向毫素

附金典籍德孺同題

紫皇宮闕開中天
鸞書畫下邀羣仙
神麈玉斲新蹄圓
蹀躞上送雙嬋娟
虹垂橋雪踏路鞭
馱風馭騰霧寶幢
金節相徵先宛在
銀河影邊渡侍兒
顏色春花明照耀
十二樓五城飄飄
宮徵相諧鳴按歌
齊唱昇天行昇天
未成曲愁壓巫山
綠朝朝暮暮湘水
深湘妃帝子徒勞
心東飛鳥西飛免
海變桑田知幾度
燭龍肯緩羲和轡

流光應向人間住，流光不住將奈何。坐令蛾黛秋霜多，
手摩銅狄嗟蹉跎。人生誰似學仙好，翠掃鬢華長不老。
下視寰垓入烟草，岩堯瓊臺夢杳眇。丹霞姿旁人可望，
不可追珮環一落空中響。世上猶存千載思。

釣鰲海客歌

松陵陶生振嘗遊鐵屋先生門，視予有師友誼。介其
所知周谷賓，索予歌。其號曰釣鰲者，為走筆云。

我昔西游三湘與七澤，洞庭彭蠡一泓窄。鼓枻東游東

海濱丰神飄飄逢海客問之不肯道姓名但見虬髯電
目面鐵色自言平生釣鰲不釣魚曾跨瀛洲涉蓬壺仙
人五六輩拍手相招呼留連寓宿瓊臺上倏見賜谷升
金烏烏光焦燒瀚海底神鰲在焉知有幾把竿垂牻餒
不吞努力載山行鼎鼎金鈎一彎新月如上有徑寸明
月珠珠含夜光炯如火潛精伏怪驚蹒跚眼小鯨鯢似
魴鯉翻濤拔浪吹香餌捲衣欲裂供朝舖爭奈揚鬣掉
尾悠悠逝笑擲長竿亂釣絲肯出海底珊瑚枝珊瑚枝

枝堪翫弄一聲欸乃開烟霏金沙長灘三百里紫泥汚
衣慵濯洗蘆花雪花飲瓢空卧枕綠簑呼不起海客海
客胡為乎勸爾敲針作釣但釣吳淞鱸烹銀斫雪矮篷
裏相薦數斛瑤漿酌洗君平生耳聽我長短歌歌聲激
裂湧海波陽侯九首天吳十眸為我起舞歌婆婆停歌
慷慨三歎息風雪來時繞頃刻不如待時栖舊磯袖手
安心養筋力筋力養既就漁具還持携重施龍伯國人
技一展絲綸連六歸

春風行

春風吹花快如剪柳條
娑娑顏色淺四更急雨作輕寒
零落餘香上苔蘚街泥汚人不出戶強以一樽聊自遣
西家酒熟復苦貴收拾春衣倩人典齋厨久斷魚肉腥
細嚼芹韭勝禁齋時平戚戚恐寒饑况乃厄運愁不免
醜妻念我憂無薪私爨破簣炊戶棧客來嗟吁但枯坐
慙愧不得具茶笋今朝棠梨開一花天氣自佳日色暝
西南諸峯宛在望暖霽晴烟張翠嶽去年驄馬虎丘前

醉折櫻桃隨步輦只今咫尺烽火隔高柵長營依整轉
極目郊原草樹空那得鉏犁到溝畝東吳自經五世亂
四百餘年絕兵燹物盛還衰滿則虧此理甚明知者尠
嗟予親老諸弟隔晝夜感額眉不展巷哭隣呼不敢聞
何暇諄諄問牛喘樓前旌旗芳草濶紫燕未歸簾半捲
呼兒插花向晴昊手把短鬚吟更撚準擬青鞋到處遊
繞堤蒲柳春泥軟

山中雲歌

漠漠山中雲起自山上石天風一飄蕩雲與山俱碧白
雲嵯峨不出山道人心與雲俱閒明朝我亦乘雲去相
遇蓬萊縹緲間

春愁曲

小樓十日聽雨卧春雲作團拂簾過金黃楊柳曉初勻
雪白梨花春半破東家蝴蝶飛無數西隣燕子歸兩箇
玉關萬里尺書稀春風不似春愁大

新絃曲

張新弦彈舊曲新絃聲未和一彈一轉軸莫道換絃聲
亦換響比舊時增一半不敢臨風快快彈卻恐新絃急
還斷舊絃棄置君莫悲曾似初絃新上時

結客少年場行

情如飛絮任悠揚心與游絲共短長花底若教連日醉
座中猶可少年狂新調錦瑟爭傳譜巧製羅囊別貯香
衣以鳳翎分縫織帶將蛇角徧鞞裝豪名獨擅秋千社
俠氣平欺蹴鞠場白璧一雙酬劍客明珠百斛買名娼

金丸挾彈章臺左寶騎聞箏太液傍梅子短墙羞擲果
桃花深塢笑分漿每朝春比人先老不信愁如海巨量
猶有舊時桃李夢尚隨蝴蝶到遼陽

毬場曲

軟紅十里平如掌馬蹄踏沙輕不響金袍玉帶五陵兒
飛騎擊毬珠作賞身輕擘捷馬游龍綵仗低昂一點紅
倏忽飛星入雲表據鞍回袖接春風有時隨地香塵滾
楊花亂撲桃花粉就窩奪得笑歸來月牙輕旋驪珠穩

一生嬌貴厭朝天不信人間有倒懸
但得花間風月好
打毬場上自年年

病馳行

馳峯黃馳茸紫曾馱黃金獻天子
燕山雪深沒馳耳錦
韉模糊馳不死去
年隨軍下東越越江水
渾沙草熱毛
焦肉爛骨欲折
回首却憶燕山雪
燕山雪不得歸馳飢
馳渴誰能知
伶俜反遭牛馬欺
於乎馳兮爾勿悲
爾峯
可食茸可衣利爾衣
食孰爾豎

廢宅行

弓刀掛墻旗拂瓦行人過門須下馬
日暮將軍縱酒歸
白棒橫街人亂打朱門一閉春草積
官印斜封泥洗壁
守卒收鰕屋後池隣翁晒麥塔前石
簾幕當年盡綺羅
網絲顛倒腐螢多杏梁風雨丹青濕
時有野鳩來做窠
樓臺易成還易廢前年猶是桑麻地

負簞行

黑風吹雲江雨急破蓬蕭蕭衣被濕
妻孥頂笠待天明

我亦負囊中夜立大奴操瓢不停手小奴張燈照鼃吼
君不見杜陵茅屋歎秋風此厄命窮無不有

醉歌行贈朱彥明別

西風吹老淮陰柳秋色遙連大江口楚漢爭衡未解兵
一盃且盡高陽酒豎儒可罵冠可溺底用文章呈百醜
亂世功名繞唾手不論鳴雞與屠狗自將雙劍報漢公
更較千金酬漂母英雄百萬賭一擲肯對兒曹奪升斗
東家權利競刀錐聞之恨不雙耳鞋

他口切平
連總也

我生貧

無屋半畝囊錢數緡粟在在凍餓長居野老先飛騰已
落他人後君今著鞭辭培塿野樹遥遥迎馬首為問伶
俜與下人將來頗得蘇息否

梁園飲酒歌

我生之辰木入斗烏啼東井命壁守壁為文府斗為歲
許我文章播人口三齡能言學誦詩四齡指字識某某
五齡琢句對虛實聯青儼黃配竒耦客來當座賦短章
四韻不待八义手九齡六經已畢讀掩卷背誦無掣肘

丰儀翩翩秋宇鶴顏色濯濯春月柳鄉閭每辱師長愛
學校耻與兒童友毫分縷析辨同異務植嘉穀去稂莠
揮毫直欲五色爛倚馬未肯一字苟龍蛇擬將赤手搏
富貴謂可拾芥取文場馳騁竟一蹶鬻鼠局促俯其首
歸來焚膏坐長夜盥櫛不暇面塵垢淬鋒礪鋸期再策
狐豕適突羣兕吼豈惟文運遭迤否無乃歷數厄陽九
自慚定亂非鉛槧束縛經傳事南畝畊童樵稚課朱墨
塗抹破硯掃弊帚東藩諸侯遠見徵白壁玄纁責林藪

屢辭不獲始強起野服長揖坐談久青閨午箭傳滴漏
紫幕爐薰散春牖時翻玉檢題驚鳳復賜銀箋篆科蚪
鴉啼花落燕鶯飛頃刻浮雲變蒼狗遠逐西行泣楚囚
倉卒弗及拜慈母初移鍾離後入汴山路匍匐十日走
皮焦足胼汗浹踵手策羸蹇背有負囊資空乏衣破裂
無以補綴謀諸婦婦言別久簪珥空借舊乞隣無一有
高堂姑老壘女幼日羞魚鮓買梨藕思無紈帛禦姑寒
安得吳綿為君厚余聞愧赧雙臉赤灑淚出門心欲朽

病軀有僕不得將樂食扶持賴親舊寒沙古壘泣英靈
落日疎林嘯猿狖前途尚遠節屢換白露應候月在西
榮枯萬變類觀奕憂憤百結如錯鈕筋力衰頽卧猶倦
鬚髮頽白照逾醜盡將得失付忘言且醉梁園一樽酒

癡頑子歌

癡非癡兮頑非頑清晨掃雪夜掩關耻道焦螟爭觸蜜
齷齪自處癡頑間生涯祇在青嶺岵拾枯汲深忘險艱
披烟捫蘿亟躋攀腫脹月出東海灣謂是上古白玉環

直欲走海赤手扳禁之不可誓不還道逢數翁樂且閒
相顧一笑玉齒殷十年採藥不下山倒駕玄鹿招白鷗
神經秘牒烏家壘時復竊讀見一斑徃徃亦辨跣與顏
今年從翁來帝棗勸師慎勿忘舊山山中春泉響潺潺
松花落蘚香端爛醉聽黃鸝眠草管不博人間玉筍班

白葛篇代贈

白葛細如絺千絲復萬絲南風池上看顏色正相宜昨
日夫君別啼痕滿袖垂

其二

白葛軟含風輕盈望若空
釧露金條脫珮映玉玲瓏
浴罷羞單著催將半臂籠

其三

白葛白如霜裁衣當暑棠冰
紉羞皎潔霧縠讓輝光念
是夫君贈秋風忍棄藏

憶昔行贈楊仲亨

嗟我憶昔來臨濠親友相送
妻孥號牽衣上船江雨急

辟歷半夜翻洪濤濠州里長我所識憐我一月風波勞
呼兒掃榻安置酒買魚炊飯羞溪毛酒酣話舊各涕泣
隣里怪問聲嘈嘈明朝府帖促葢屋旋斲瓦礫除蓬蒿
大竹為楹小棖桷覆以菅草并索綯君時亦自長干來
為我遠致書與袍密行細字讀未了苦語喋喋如蠶繅
收書再拜問所歷燈影照夜吳音操異鄉寂寞遇知己
歡喜豈止餽百字藤牽蘿繞互依附濡沫相潤脂和膏
薰風晝眠竹几靜落葉夜掩柴門高黃鸝為汲東井水

翠袖或送西家醪中書大官捧檄下霜鶻脫鎖鷹解條
君前抗驪我後策陟險攀峻隨猿狖飢腸午渴掬澗飲
甘滑不啻青葡萄到家倉卒席未暖復此赴汴同輕舸
厓高水溢石溜急時復著力撐長篙予生有弟皆異域
漂泊幸與君逢遭君才自是伯者佐比擬管樂卑蕭曹
方期補剝拯焚溺詎肯析利窮秋毫比來縣邑久蕪廢
亦有桑柘祖梨桃遺民可鳩業可復應屈君輩揮牛刀
他時解綬歸故里相期結居吳江皋

飲風樓集卷五

眉庵集卷五

明楊基撰

長短句體

梅邊讀易

世言鹿野我野於鹿幼山嶺間未聽人聲先遠

細行隨桃花飲流水白石清泉語所飲落日雙松薛荔

青東風百草葉無餘亦山山下春親處

大正四十四年

石井集

九

眉菴集卷四

三袖或送西家... 中書大官... 捧檄下霜... 脫屣履解...
 石前... 我後... 陟... 陟... 陟... 陟... 陟... 陟... 陟... 陟...
 可... 不... 會... 青... 南... 到... 家... 舍... 年... 席... 未... 收... 復... 此... 赴... 汴... 同... 程... 秋...
 屋... 高... 水... 流... 石... 涵... 忘... 時... 復... 著... 力... 撐... 長... 萬... 千... 生... 有... 弟... 皆... 異... 域...
 深... 泊... 幸... 與... 君... 道... 道... 君... 才... 自... 是... 伯... 者... 佐... 比... 擬... 管... 樂... 草... 蕭... 曹...
 方... 期... 補... 制... 杜... 英... 瀚... 詎... 肯... 祈... 利... 斯... 故... 是... 比... 來... 懸... 邑... 又... 蕪... 靡...
 少... 可... 奉... 和... 親... 梨... 枕... 道... 代... 可... 鳩... 某... 可... 使... 應... 屈... 君... 莫... 揮... 牛... 刀...

相... 結... 居... 吳... 江... 集...

欽定四庫全書

眉菴集卷五

明 楊基 撰

長短句體

梅邊讀易

世言麋鹿野我更野於鹿呦呦山嶺間未聽人聲先退
 縮行隨桃花飲流水白石清泉諧所欲落日雙松辟荔
 青東風百草蘼蕪綠赤山山下養親處

赤山在吳縣天
 平山南五里許

又曰仰天益范文穆慕文正公而名也先生之家在馬

五母雞豚三畝菽不愁女

子識韓休但恐相知非鮑叔朝來掃葉逸樹吟仰見寒

梅破香玉臘意猶封雪後山春光已到溪南屋信知物

理互消長徃徃天心見於復自取義文一卷書茆簷坐

對梅花讀

觀眠松有感呈醉樵內史

饒參政介之也松在鳳現嶺

朝廷無遺材而我觀蟠松松高僅尋丈足當高景山之

雄外惟英華發內實神秀鍾氣食白額虎勢挾蒼精龍

鱗張角折甲爪露兔絲纏絡苔花封輪菌磔砢盤踞數
十畝葉擁車蓋萬箇青童童東柯西柯尤不同隱若雲
鵬離溟渤六翮始舉扶搖風幾欲飛上天椎碎霹靂鋒
魑魅魍魎莫敢近上帝素有生生衷丰姿森森凜鐵石
靈響殷殷來笙鏞膏流茯苓成琥珀屢起凋瘵蘇疲瘥
胡乃尚爾局束中吳中手持美酒玻璃紅三酌再拜十
八公今之拳擊突兀世不容公其正身直節以答上帝
忠三辰復朗耀四海無困窮野夫獻頌蓬萊宮

霸王丘和楊廉夫

朝上亞夫塚，暮上霸王丘。君臣兩丘土，千古同悠悠。穀
城西來河水澗，澗塋以魯公。其禮已優王，勿悲王自仇。
於乎天意非移劉。

過陳湖贈寄周明府

蘭苕參差桑柘綠，細雨岡頭啼布穀。人家破產給丁夫，
麥未上場蠶未熟。無蠶催絲綿無麥，督稅錢民間比愁。
誰見憐君侯，為我解倒懸。

送孫照庵往松江

吳門花似雪適與佳人別別離苦不遠相看寸心絕前
年送君去練川花滿樹今年送君遊吳淞江水頭吳江
三百里青蘋涵白芷樓船五色旗煌煌照江水潮來江
水明潮迴江水平江頭兩啼鳥勸君莫登程君家高堂
親已老為子不宜長在道歸來為問渡江人舊時楊柳
今多少

七賢過關圖

前乘駿後乘犢牛行何遲馬行速關山雪深及馬腹手
披牛經馬上讀七名賢五童僕愴惶出關非所欲關東
鼓擊民夜哭

李嵩畫宋宮觀潮圖

十五湖上月十八江上潮君王連日醉伐鼓更吹簫簫
聲忽如天上落大內臨江起飛閣碧瓦朱甍十二閑嬪
娥歲歲觀潮樂潮水信可定日夕來朝宗人心獨不如
而不思兩宮兩宮未雪耻屢下班師旨白馬素車神何

不令天吳折食大奸髓奸髓不可食國耻不可滌嗟爾
江上潮雖雄竟何益潮無益於人看潮徒損神橫江鐵
騎來三日飛埃塵歷數固有歸爾潮胡不仁遂令鸞鳳
雛戚戚悲殘春春光浩無主落花隨暮雨回首幾秋風
旌旗又如許又如許君勿悲古來在德不在險一盃之
潮安足奇

漁樵問話圖

君收綸我停斧且向谿頭話今古屈宋文章變下薪彭

韓事業庖中鮒世上功名賤如土何須了了文兼武君貴
魚我負芻有酒可換不可沽青山滿眼同一醉勿論區

區榮與枯

七藝圖

壯藝蹲牝藝坐二子就乳三子卧苑簷北風吹壁破羣
葵饑號愁雪墮君不見東家韓盧逞捷足朝逐狡兔夜

食肉

春賦捕雀圖

棘針紅尖竹梟梟一雙春禽賊春州擗賊何處忽飛來
利嘴如鈎破禽脰春禽引雛肌骨瘦不殺春賊一朝飽
一朝飽尋復饑春山鳩梟如糝肥何如搏梟飽終日留
取春禽引子飛

夫織蒲

夫織蒲妻辟纒田中種豆田下蒲編穰上箔芋脫軸賣
席與布未了官家租重門高接切雲齊盈倉豆給廡中驪
銀鞍鐵甲十萬蹄樓高高馬駢駢居民無廬食無糜嗟

夫織蒲

乃林集

五

君之牧能勿悲

麥田高

麥田高 稻田低 低田年年高 築堤田家 苑屋近江水 築
堤直取江心泥 今年雨多不傷穀 高田得沾低亦熟 百
箔春蠶五母雞 全家衣帛兼食肉 君不見咸陽東來如
掌平 閒田自多人不耕

休採花詞

休採花 採花蝴蝶飛 休撲蝶 撲蝶傷花枝 花枝娟娟戲

雙蝶臨風對花不忍折平生愛蝶仍愛花只恐傷花後
驚蝶君似蝶妾如花花開能幾日蝴蝶過西家

雲樵

朝出雲在野暮歸雲在山十年事樵採朝暮雲中間空
山無人雲濤泱泱聲丁丁四山響曾看仙人石上碁千
歲桃花繞反掌白石礪我斧丹楓裁我柯浮雲去盡青
山晚奈此猿聲鶴夢多

畫鴈

春渚別未久秋風來有期年年燕歸日是汝度關時玉
關萬里音書絕八月寒風三尺雪何以飛來漢水頭湘
浦蘆花洞庭月花滿寒汀月滿塘鴛鴦灘灘兩相忘啼
晴杜若藪邊雨卧冷蒹葭葉上霜

送安定書院山長張宗武

溪頭梅花冰雪妍弟子送師張別筵綠莎為茵柳為幕
次第再拜春風前春風東來吹馬耳馬蹄咫尺長安市
盡道先生自此昇君不見三鱣堂中楊伯起

挂劍臺和黃子邕

生諾諾尚淺死諾諾更深當時季子意即是徐君心嗟
嗟徐君骨已朽寶劍摩挲在吾手正擬臨岐解贈君不
意挂君墳上柳挂劍果何益聊以明不欺當時讓國心
肯使徐君疑於乎劍可折臺可隳死生之諾不可戲

狼山青為許光祿賦

狼山青山前慈烏終夜鳴兒聞烏聲憶慈母母今遠矣
兒心苦三見江南秋草黃淚珠不到墳頭土有母壽且

康有弟垂金章胡不買船歸故鄉故鄉介母壽外孫拜
姑姑拜舅甥已成翁姑白首團樂且共樽前酒酒醒月
斜思早歸江南更有糟糠妻

霜葉紅贈友還華亭幕官

霜葉紅霜葉紅霜葉照人如酒濃青袍幕賓上官去掛
帆開船江水東江邊小娃年十五臨江踏歌對君舞淮
音吳語總銷魂不是瑤花舊時譜憶君折柳西湖曲湖
上諸峯為君綠一夜江南春信通畫舫銀鞍競相逐東

風一分手去酌華亭酒華亭白鶴不歸來二陸文章亦
何有江邊鳧鷖毛羽稀慎勿驚人撩亂飛

君莫疑贈薛起宗

有弓莫朝射有劍莫夜舞舞劍空驚半夜雞射弓須射
南山虎當年意氣雙白虹三尺寶劍兩石弓平沙軟草
馬蹄疾仰面射落南飛鴻歸來面皺頭雪白魚皮包劍
弓挂壁逢君一笑盃酒空憐我衰頰手無力手無力眼
有眵作歌贈君君莫疑英雄老去衆所薄何獨區區揚

去非

先生年五十
更名曰去非

賦得歸帆涇送夏仲信之江北

客舟不肯停相送錦帆涇涇邊數株柳株落秋聲當
時種柳臨涇水柳葉參差間桃李君王日暮看花回一
色錦帆三十里朝從涇上出暮從涇上歸吳訝聽未了
花落鷓鴣飛鳥散春無跡涇上叢叢春草碧自是君王
愛捧心美人那得傾城國古來奢麗那能久菲衣惡食
傳不朽君遇長淮向汴河請君更看隋堤柳

送葛仲行遠遊

子有遠行役我有遠行詩
遠遊幾萬里山川浩無期
青山盤盤日欲暮車輪高
隨飛鳥度笑殺東家白面郎
一生不識城頭路

七色茶蘼花

朝出月在牖暮歸星撒沙
今朝下馬日未晚見此七色
茶蘼花千葩萬萼春無價
綺雪湘雲堆滿架題品當居
芍藥前溫柔豈在蕃薇下
我愛名花天下無中冷之水

四腮鱸誰將十樣天
孫錦織取徐熙沒骨圖

雙椿堂

大椿葉青青小椿葉
蕤蕤堂中兩眉壽共坐
春風裊春風搖搖吹紫
荆兩翁白頭親弟兄
兄當有孫弟有子兩
翁之壽從此始

庚戌元日立春試筆

二首

柳暖已破眼梅寒尚含腮
臘隨除夜盡春逐歲朝來
鳳凰臺下春歸早龍池柳
色瀛洲草一夜東風雪盡
消十

年南國人空老富貴非吾願文章非我能且沽白下橋
邊酒來者金陵市上燈

其二

南山雪已消北山雪盈尺信知南枝花早得春風力帝
城回首春光近柳上梅邊見春信白玉椒盤內史傳紅
羅彩帖詞臣進貧賤何足卹功名非可誇且沽白下橋
邊酒來者金陵市上花

白雲書舍

我家住山深白雲滿長林愛雲如琪壁友雲似同襟去
年辭雲向城市雲亦相隨渡江水我留城市雲還山夢
裏時時看雲起君家茆屋鑑湖西屋上青雲作隊飛
爽氣每沾毛義檝晴光長映老萊衣祇今薇垣番夜直
咫尺蓬萊雲五色卻向昇州望越州吳山萬點吳雲白

九日來贛府宅賞菊

自我離姑蘇已負兩重九不獨無錢對菊花白酒黃花
總無有前年九月吳城破廿口倉黃驚竄走去年重九

客榮陽淚眼西風盼衰柳那知此日來句曲秋水自佳
慚白首到處逢人索佳菊預恐無花孤此酒東隣送我
青兩株細蕊含苞香未剖耐何無花亦無酒不憤有酒
成不偶丞家數本花正繁秀色幽香照窻牖入門一見
清興發亂挿烏巾笑開口主人抵掌怪我狂我自有得
忘老醜三年僅逢一餉樂此後寧知不愧負便須築室
滿山田種菊循籬秋百畝年年釀酒薦秋菊笑引妻孥
壽慈母世事茫茫未可期聊作長歌示佳友

芋隱為句曲山人程好問作

種桑百箔蠶種芋千疋布先生種芋不種桑布作衣裳
布為袴桃花雨晴水滿塘烏紗白芋春風香野蕉山葛
不敢並越羅川錦爭輝光兒童漾紗婦紡織賣布得錢
還買帛黃綿大襖一冬溫白雲中單半襟窄今年芋好
畝百斛堆場積圓長輪困床頭白酒夜來熟殺雞煮鴨
邀比隣東家種桑青逸屋官絹未輸空杼軸婦姑相對
難無衣先生飯飽方捫腹

送汲縣主簿朱孟仁

我耕蘓臺雲君釣茗溪月萬里西來始識君相逢未久
俄相別梁園十月萬樹稀北風滿地塵沙飛客中送客
未忍別感慨握手臨大堤問君此行向何所大河之北
汲縣古桑柘遙連晉都邑牛羊近接曹風土縣民出郭
迎縣官苦酒味薄粗梨酸道傍再拜勸官飲禮數朴畧
誠堪觀知君下馬人爭愛白欄烏帽紅鞵帶百年華夏
總戎衣

中原
方治

忽看中古威儀在父老喜極復淚垂廿年

兵燹悲瘡痍兒孫汨沒骨已朽老眼復得逢雍熙人心
如此亦難治要在從寬布君惠犬足生斃户不扁牛租
減額人長醉嗟我前月除滎陽入門野蒿如屋長日斜
吏散公宇靜時有雉雉來飛翔方除瓦礫治官道已見
居民歸稍稍自愧才疎撫字勞嗟君年少蜚騰早清霜
一夜滿河冰此別憐余白髮生主簿官卑君莫厭鵬程
九萬自茲升

彭蠡阻風

昨日南風顛輕舟掛席如飛仙又如快馬走空闊造父
王良相先後今朝北風吼白浪飛天大如斗舟人勸客
莫恣恣君不見世間快意那能久

舟抵南康望廬山

春山如春草春來無不好况是香爐峯百疊屏風圍五
老嚶嚶厯厯谷鳥哀朱朱粉粉山花開芙蓉削出紫霧
上瀑布倒瀉青天來船頭春山重回首世上虛名一盃
酒李白雄豪妙絕詩同與徐凝傳不朽明日移舟過洞

庭蘭花斑竹遠沙汀
摩訶老子雙愁眼
細看君山一點青

登繩金塔望廬山

過魯必謁岱入洛須望嵩
嗟余夜半入彭蠡月黑不見
香爐峯明登望湖亭雨氣何空濛
山僧指點笑五老五老正在烟雲中
今朝躡層梯高標揭晴空
匡廬遠出百里外紫翠映帶春霞紅
雖云彷彿見顏色已覺浩蕩開心胸
在山看青山佳處未盡逢
不如迥立萬仞表一日覽盡

千玲瓏何當生羽翰
兩腋乘天風不論雨雪與晴霽
回翔下上飽玩八面青芙蓉

過劍江聞岸上雞聲

劍江光似劍霜月寒灑灑
輕舟載月江上歸半夜雞聲
起茆店寒雞自啼人自寢
雞聲不到黃公枕

癸丑元日

霏霏元日雪脉脉人日雨
春來無日不輕陰薄霧寒雲
滿南浦常年有雨復新晴
淑氣韶光淡遠城草色未迎

金勒馬柳條先映玉樓鶯今年風雨兼冰雪忘却春幡
慶春節野杏絨愁待酒催江梅索笑邀人折誰與觀雲
卜大通且須祈殺問年豐相期十二樓前月賸看花燈
萬點紅

憶省掖千葉桃花

穠李積皓雪繁桃炫朝霞江邊日日見春色盡是尋常
兒女花東關一樹能傾國千葉玲瓏誰剪刻半吐疑紅
却勝紅全開似白元非白旁觀淺淡正復濃雅麗稱月

開宜風陰晴晚午各異態
嗔喜笑頰無不工
嗟我匆匆簿書急時復微吟
對花立白苧猶沾夕露香
青鞋不怕蒼苔濕而今漂泊楚江濱
想像丰儀一愴神
惆悵當時看花客對花還說去年人

山西水雲居為劉文丙賦時予有山西按察司副使之命故末語及之

我本山中人看雲三十年
白雲如故舊入我秋堂眠
去年辭雲向城市雲亦相隨渡江水
我留城市雲還山夢

裏時時見雲起明日驅車上太行山青雲白樹蒼蒼憶
君苑屋瀟湘上雲滿衣裾水滿塘

為山西李叅政題紅竹

山西無竹者認竹竹不真儵然山澤古君子忽作年少
如花人想應血雨瀟湘渚洗如琅玕碧如許翠華莫睹
覩霓旌淚洒紅冰啼二女口脂香容未老望入霞光九
疑小鷓鴣聲啞綠烟消丹穴朝陽鳴鳳鳥一雨不知此外
雖異心恒虛報顏訴向誰人道

次春景集卷五

竹卷集卷六

明楊基撰

五言律

新歲元月

柳外紙繖白梅邊
泱泱春年光
魚丹色此夜
一時新木

擬謝金鏡光
將照玉人更煩
三五夜相逐
齊車塵

雪中柳

大正四年

眉庵集

十六

君身處滿相生雲滿水鏡水滿塘

為山西李恭政題紅竹

山西無竹者認竹竹不真偷然山澤古君子勿以竹年少

如花人想應血口滿相浴洗如環玕碧如許草草吳勝

親窺旌淚酒紅水啼二女口脂香容未老望入霞光九

疑小鷓鴣吟吟吟吟丹穴朝陽鳴鳳鳴雨不知此外

眉菴集卷五

欽定四庫全書

眉菴集卷六

明 楊基 撰

五言律

新歲見月

柳外纖纖白梅邊淡淡春
年光兼月色此夜一時新
未擬開金鏡先將照玉人
更須三五夜相逐寶車塵

雪中柳

欽定四庫全書

眉菴集

春雪晚蕭蕭隨鶯上柳條漸將絲共結終與絮俱飄淚
粉凝啼眼珍珠壓舞腰東風自憐惜留映赤欄橋

雪中燕

燕雪兩差池相兼拂繡幃玉樓迷故壘珠箔見烏衣斜
訝銜花落輕疑掠絮飛晚寒人未起還認畫梁歸

元夕前對雨

雪後廉纖雨江南淺淡春鶯花無那客燈火正愁人石
潤苔生髮冰消水有鱗九衢明月夜車馬往來頻

感春

獨立何所愛江空春水遶舊情題竹見新恨對花銷東
脯非沾祿聞鐘豈造朝慚非鞞上鵝風起欲凌霄

近有

近有山東信河南已退兵初聞通漢使又復叛齊城機
笑多疑失師憐少算傾如何金四萬容易托陳平

謝饒內史惠江芷

花掩露猗猗情深寄一枝已看辭衆草還得近華芝綠

艷明書積青芬落硯池野人無以報賴有木桃詩

池閣晚興 二首

池閣敞重扉林光動淺漪病嫵紈扇早愁覺漏籤遲雨
鶴饑猶立風荷弱屢敬冥冥空濶外極目有蛛絲

其二

久陰人迹斷苔暎雨痕交樹密枝藏果池清藕露苞鈴
將驚鳥掣檻或飯魚敲自笑窗間枕多眠覺面坳

秋齋雜賦 五首

劉表知先主懷王識沛公未聞牧夏口先已入關中今
古車書異興衰歷數同方驚雞作鳳當信鷺非鴻

其二

今日長洲苑秋風列羽旗不圖新約法復見舊威儀鼓
舞兒童樂歌謠父老悲烟埃方冢冢禾黍正離離

其三

嘆息馮唐老吁嗟李廣賢窮通元有命生死詎非天鼓
角西風裏江湖短髮前南飛有鴻雁一字若為傳

其四

晚樹霜猶碧
秋花雨未黃
戎衣輕綉錦
旅食尚糟糠
驛路千山隔
河流一葦航
母憂兵不戢
已定法三章

其五

邈卒去不返
行人愁未回
正須犀作甲
毋用玉為杯
清淚尋常落
丹心早晚灰
交仍期管鮑
書或似鄒枚

七夕

樓迥秋河逼
簾虛夕露侵
巧於間處乞
愁向別時深
月

殿蛛絲繞星橋鵲駕臨
年來孤此夜兒女亦傷心

送沙天民之無錫兼簡張彥禎

風雨送君行溪山傷我情
故園春種麥高柳暮啼鶯
亂世難知己常譚愧老生
茲行見張翰懷抱得深傾

謝雪坡參政入淮

維舟竹外坡把酒唱離歌
沙雪融將盡江花開未多
淮兵春入戍津吏夜鳴河
佇望南歸日君恩早賜羅

早冬

沙淺蒹葭白林深橘柚紅
水鳧晴起日山隼夜呼風
世亂嗟親老家貧任歲窮
平生迂懶意未忍即從戎

露

注露濃初滴橫江白
漸多珠光聯玉陸
金氣逼銀河甘和盃
中屑涼侵襪底
羅無人為收拾
的爍滿秋荷

梅花清夢為沈敬賦

霜月路西東梨雲影淡濃
孤燈數聲角急雪五更鐘
時向愁邊得春於醉裏
逢不須尋舊迹湖上兩三峯

夜坐懷天倪

福仄僅容膝歸來方解衣冥冥孤鴈去擾擾亂蚊飛
物
理誰能識人情豈故違隣家有修竹賴爾破愁圍

宮怨

舊寵憶專房羅衣有賜香偶來春沼上閒坐綠陰涼
鳳
髻從教側蛾眉懶畫長新愁千萬種一種一思量

送王季野

為愛王崇教書名虞褚齊龍文題玉軸鳳冊縷金泥滌

硯雲生沼籠鸞雪滿溪諸山多晉刻時復到河西

初夏過寧真道院

真館坐微雨午塔蘭氣清以茲魚鳥性遂識水雲情佳
樹細花落清池圓葉生芳時與幽賞欣此一來并

詠柳

一首二句作春淺愛
驚黃春深葉漸長

裊裊復揚揚春風折又長絮飛疑燕拂枝重覺鶯藏晚
掛初三月秋零一夜霜江邊千萬樹此樹斷人腸

隔隣桃花

春色護依垣
晴梢露未乾
不愁開處遠
深恨折時難
水或漂香出人應罷綉
看願憑雙蛺蝶將夢過東闌

孤坐

春事忽已晚
江雲仍久陰
乾坤芳草闊
風雨落花深
思極惟孤坐
愁多却短吟
豈無遊覽意
觸目總傷心

閏七夕

星橋方泣別
銀渚喜重過
鵲整初回駕
鸞停暫擲梭
歡如前會少
情比去年多
可是勤耕織
息容兩渡河

秋日舟中見蝶

趁暖戲晴川，依人上畫船。
粉銷烟翅薄，香冷露鬚拳。
野菜疎離外，山花小逕邊。
夜深桃李夢，猶在綺羅筵。

孤雲為王子困賦

斷影落平湖，陰雲遠更孤。
山川遺迹在，天地此身空。
澗飛還白氣，氣者欲無何。
須嘆漂泊神，化亦須臾。

聽雪軒

虛簷迸玉鳴，入夜轉分明。
風響不相似，雨聲無此清。
倚

窻心不倦撥火耳頻驚道是梅花落梅花落更輕

直溪閒居

處士居盤谷先生隱直溪水流無曲折沙或湧高低船
向花間入雲來竹外迷怡然冲淡意欲與古人齊

荷葉

圓的破蓬苞孤莖上藕稍雨撐栖鴛屋風捲蔭龜巢溪
友裁巾幘墟人作飽包小娃曾已折新月拜湖坳

桐樹

珍木曙鴉啼瑤枝小鳳栖材憐工製瑟葉想戲栽圭涼
送秋聲早陰移夜月低夢回疎雨滴人在轆轤西

謝徐良夫惠米

玉色西溪米蒲囊手自封恩同粟五秉寵過祿千鍾雲
子鮮鮮滑紅芒細細春加滄愧尸素飯飽一支筇

李迪病目戲作

不寐聽隣鐘聲來覺耳聰夜吟斜避月曉立背當風萬
象空花外千山霧雨中欲行俄觸戶昏畫問兒童

溪山小隱

何處溪山隱衡門對野橋
晚風携鶴子春雨種魚苗
小徑斜通竹疎籬曲護蕉
人生閒自足不用楚詞招

盟鷗亭

舊業水西頭新盟結衆鷗
羣疎寒不散影獨暮相投
菡蓞陂塘雨菰蒲野岸秋
青田無白鶴得此復何求

雨

雨急愁雲黑窻虛愛竹青
石泉流細細山鳥去冥冥
醉

金川八口月
卷六
裏傾荷葉饑來煮茯苓不知劉道士何用換鶴經

愛竹軒

為愛軒前竹平安愜此心雨聲西澗曉秋影北堂深瘦
倚差差玉疎搖細細金閒容扶短策幽處一披襟

偶題

身懶交遊絕時危感慨新清江催短鬢芳草怨歸人花
落縱橫雨鷓啼淡蕩春欲搖舟楫去波浪沒平津

曉起

曉起忽鉤簾青山在短簷花疎風更減衣薄雨重添別
意因詩記閒愁與病兼靈荃龜筮在其奈不能占

送胡鼎文遊越

脉脉寒食雨差差桃李花君能輕遠別我獨愛春華山
縣增新壘江流失舊沙不須探禹穴科斗已成蛙

送孫彥聲都事之淮安

忠襄不可見幕下得遺賢策可西平楚書能北守燕春
旗峽石砦暮雨勻陂田勿易開邊隙兵交又十年

贈沈真仲徵士

花落蒲烟莎蘭舟喜見過壯心丹未已愁鬢綠無多小
燕斜斜舞新鶯婉婉歌都將舊遊意一笑付江波

送王仲容之上海

薄宦依東海孤城隔戍烟花疎寒食後人遠暮帆前深
巷編蒲履斜崗種木綿毋煩厭荒寂微祿有畬田

寄葉德彰戴叔能

江遠樹層層蒲荷葉漸增酒樽池閣雨棋局夜船燈竹

淨州逾瘦花疎掃未能
亭亭川上鵠風雨者飛騰

寄海鹽楊若官

海嶼通村險邊城出敵遙
旗燈秋塞雨鈴柝夜溝潮
士飽爭投石農閒數舞劄
毋令廢叔穫高隴有枯苗

送范彥章之雋里

輕帆掛渚蒲兩日到南湖
寨結防秋伍城添築壘
夫多風棗花落少雨稷苗枯
見說隨陽鴈嗷嗷滿路隅

寄金友直縣令安吉

山柵護層層，城隍過險增。
遠烽朝屢報，高櫓夜頻登。
薄產千株粟，荒租半畝菱。
憐君治斯邑，亦復有能稱。

過東氏廢園有感

苑廢主頻更，纔登意即傾。
燕歸隣屋住，蛙聚野塘鳴。
瓦礫鴛鴦字，溝渠環珮聲。
惟餘數株柳，衰颯尚多情。

壺中挿緋碧桃索高二校書同詠

麗質關春華，纖穠間更嘉。
綠烟縈綺雪，紅雨亂青霞。
醒醉休相妬，仙凡自一家。
春風忽披拂，點綴舞袵斜。

春暉堂

春樹謁晴暉山雲並舍飛雙魚供處饌五綵戲時衣病
每通宵坐貧長負米歸人方念離別得養似君稀

瓶中插松竹綠萼梅偶賦

清肌不洗塵綠萼破初勻松竹為三友芝蘭是四隣未
銷金殿雪曾報玉堂春欲借東風便持將寄遠人

贈婉素

同祀碧雞神絲蘿又結姻文如謝道韞書逼衛夫人冀

缺終相敬梁鴻不厭貧還能事荆布歸釣五湖濱

初夏試筆

池閣已南風鶯殘藥自紅坐憐脩竹裏行愛綠陰中衣
濕蕉無力羅輕扇有功欲搖孤楫去江濶雨濛濛

賀趙季文推官致仕 二首

白髮還家日青衫告老時鄉人邀入社朝士送題詩晚
步鳩為杖晨食肉作糜時時來故里能讀道傍碑

其二

年至即投簪非緣老病侵車無三騏錫囊有二疏金荷
葉清江曲苔花綠樹陰不須休沐暇日日此追尋

方氏園居

十首

北墅花連屋東園菊遶庄病長陪客坐老不厭人狂鷺
鴨雙陂雨楂梨小樹霜他年倘相過里邑定名方

其二

多水少塵埃經年不掃苔竹繁頻洗葉松老別求栽雪
竇看碑入雲窻晒帽開徐文與張羽來月想能來

其三

秋氣入郊墟新涼似雨餘
囊收試驗藥葉集著成書
酒熟知愁滅花開覺病除
何曾廢錢買山果及溪魚

其四

解珮酬琴價將書當酒貨
竹樓聽雪夜梅屋看花時
女嫁為農婦兒從作圃師
隣翁無奈俗招飲豈能辭

其五

昔事李輕車豪名動狹斜
駕聲吳苑死樹驄色武陵
花觀

妓江樓月彈碁水殿霞歸來種瓜果鉏畚是生涯

其六

舊物嗟孤劍春風別五陵未衰先遣妾已靜更疎僧往
事真騎虎中年得縱鷹兩溪千頃月談坐不須燈

其七

春社村村鼓豐年樂事同全家兩溪上連日百花中毋
送歸寧女兒邀請法翁莫言田野意即是有虞風

其八

由來種瓜地隨處即青門習俗羞營利甘貧耻受恩掛
策秋樹濕濯足晚溪潭欲訪韶年友漂零只自存

其九

園廬依綠水無吏索租錢歲計千株橘秋成半畝蓮飲
先諸客醉詩許衆人傳為愛溪光好經旬獨棹船

其十

回汀兼復渚迢遞入漁邦有港皆通棹無山不到窻疎
烟春隴犢深雪夜籬尨過客停舟問而翁恐姓龐

歐陽文忠公集卷之六

眉庵集卷之七

明 楊基 撰

五言律

省垣對雨

木船湖東聞青閣對晚林雨苦行處滿風葉坐來深俯

仰唯緘口交游孰吐心偶逢佳節醉萬事應銷沉

其二

大正十一年

眉庵集

十四

來樓小地隨處即青門習俗益營利甘貧耻受恩掛

不秋樹濕漉足晚漢淳欲訪臨年友洛寒只自存

其九

園廬依綠水無更家租穀歲計千株楠秋成半畝蓮飲

不語空辭詩料琴人傳為愛漢光好難勿初往那

其十

西江水色清迤迤入源邦有港皆通檝無山不到窻疎

眉菴集卷六

人新在過客停舟問而翁必姓龐

欽定四庫全書

眉菴集卷七

明 楊基 撰

五言律

省垣對雨

二首

朱邸開東閣青閨對晚林
雨苔行處濕風葉坐來深
俯仰唯緘口交游孰吐心
偶逢佳節醉萬事總銷沉

其二

舊雨深薰菊新霜小樹楓
醉憐花冷淡愁愛葉疎紅
沙遠無鳴柝江寒有斷鴻
羈懷誰共語默默坐書空

贈秦侍儀

文采玉娟娟班行內外聯
蕃王從學拜邊使候通箋
侍立彤庭上追趨法駕前
今朝退朝早衣上有爐烟

送翰林修撰劉用章赴滇陽

桂苑思戎客薇垣亞相才
人皆期管樂我獨愛鄒枚
務雨爐熏掩星河殿影開
玉堂清切地連雨早歸來

宿高季迪京館

歲晚此相逢鄉情侶酒濃語長銷夜燭夢短及晨鐘急
雪風鳴葦微雲月照松鷄前趨闕去寒樹曉龍愁

春盡始聞鶯聲

衆綠塢園池鶯聲啼更宜愛於三月暮聽似百花時上
苑啼應早南風見自遲綠窓殘夢斷相憶海棠枝

為牛諒侍御題畫

步履近星辰霜凝翠栢新自憐烏府月應照白頭人綉

斧監祠夜封章待漏晨清朝崇孝治一飯不忘親

和牛侍御懷弟之作

春草綠芊芊看雲憶惠連
午陰花萼上秋色鴈行邊
此日臨池坐當時聽雨眠
應將舒卷意成綵北堂前

懷吳中赤山舊業 二首

東林携策處南垞
釋耕時一逕都緣石
諸泉盡到池靜
憐松響續涼愛竹陰移
盛世容歸隱母令解組遲

其二

漸與世紛遠自然塵慮消
沿隨碧溪水徑渡綠陰橋
岐路迷還識孤村近却遙
閒身任來往不爲野人招

夏夜有懷

重露澄秋色輕風生夜涼
碧看湖草亂紅愛渚蓮香
有弟徒相憶何人不異鄉
悲笳在城上雙淚落衣裳

逢鄭校書

一從淮水別千里各西東
又是秋風後相逢客路中
積眉怜我老憂患憶君同
遙想西齋宿孤燈照影紅

江村雜興 二十首

春墅一鳩啼橋危懶過溪徑苔都上壁野菜不分畦倚
杖妨花密看山碍竹低欲知幽隱處風雨白門西

其二

陋巷泥三尺無人訪隱淪窓鳴風減睡炊斷雨添貧野
路花迎客江橋柳送人暫須依薄俗憩此窟餘身

其三

春色冶城東花濃笑老翁燕遲雙壘破蜂早一房通薄

瞑山腰雨疎紋水面風便携蓑笠去垂釣綠蒲中

其四

判醉望愁醒愁因醉轉增已歸仍似客投老漸如僧詩
興風樓笛棋聲雪舫燈莫言渾不解此事野夫能

其五

東滾復西圻村村可釣磯草於烟處窰花較雨前稀小
管催鶯出疎簾待燕歸傷心新柳色猶妬舊羅衣

其六

偶因辭祿去聊傍葦邊居
瓢棄頻餘後衣存屢典餘
晚簾花掠燕春水絮吹魚
復恐沙崩石楊栽挿逸廬

其七

江橋春別後沙舸獨歸時
鶯鳴東西宅菰蒲遠近陂
藕深荷蓋密竹瘦筍鞭遲
野趣誰能識唯應白鷺知

其八

斜檻俯江流輕帘盡小竿
柳寒鶯羽濕花暖蝶鬚乾
酒或臨流酌詩多寫石看
不因迂僻地那得此身安

其九

江影搖春樹潮痕摺晚沙綠蕪三尺雨朱槿一籬花去
國仍思國還家復夢家自無干祿意何必遠京華

其十

將雨山光黑初晴樹色青賣薪沙店遠占穀瓦甕靈石
枕支顛冷江瓢漱齒腥醉餘春睡熟長得鳥呼醒

其十一

乍暖夾衣輕閒依綠渚行鳥喧如有訴花恹似傷情風

度思前輩才華畏後生自緣耽野趣初不爲逃名

其十二

詩廢并無蕙琴亡况有函茵生春藥白苔蝕種花鏡徑
濕慵頻掃畦荒懶自芟畏人詢往事欲語意先慚

其十三

江月盈盈白墟烟細細陰茅茨孤碓急機杼一燈深短
笛多悲調長歌少醉吟自憐知己盡空負壁間琴

其十四

野渡緣沙澗村酤入市逢雨籬花婉婉風箔葦蕭蕭祠
古猶供祭墳荒不禁樵夜來沙背沒漂斷屋西橋

其十五

僧居映柳庄漁市入橫塘晚渡雙橈月朝吟一硯霜療
貧知有術醫俗笑無方種得青青草離憂賴爾忘

其十六

清流曲幾回喫飯此山隈歌斷憐鶯續詩遲畏酒催晚
晴初見月春盡尚逢梅歸路緣江熟支筇不用陪

其十七

江渚疑無岸，蘼蕪遠接波。
花疎遊騎少，醜賤醉人多。
燕已將雛出，蜂能負子過。
祇愁春已晚，欲借魯陽戈。

其十八

咫尺南朝寺，松杉覆短垣。
野猿偷佛供，山鳥學人言。
石氣晴猶濕，泉聲靜却喧。
塵心久空寂，隨意給孤園。

其十九

儀困非無舌，顏貧尚有田。
病多賒藥券，貧乏買山錢。
白

壁交徵日黃金寵賜年都將舊遊夢一笑野溫邊

其二十

情深却倦遊矮屋任低頭花落東風怨鶯啼夜雨愁酒
煩隣媪買詩許社僧求欲駕東家鶴吹笙到十洲

句曲秋日郊居雜興 十首

茅屋人歸後荒村更異鄉樹寒烏送月江冷鴈啼霜影
賴燈相續愁緣酒在忘明朝覽青鏡白髮幾多長

其二

出門山氣夕循徑入谿陰野水經寒淺秋風到晚深
草
潛驚鷓鴣兔莎露啄魚禽自采黃花嗅誰知獨步心

其三

漸老愛秋光升沉意兩忘鴈聲偏到枕蟲響故依床
薛
荔千林雨芙蓉一樹霜故園菘菊在衰颯為誰香

其四

庭樹聚棲鴉溪流沒淺沙瘦憐人似菊濃愛葉如花
秋
色都連水寒雲忽變霞自慚長在客無地不思家

其五

牕掩輝輝燭熅消細細香無風寒尚淺有雨夜偏長飢
鼠搖空素枯些委破囊十年江海夢此夕詎能忘

其六

地與華陽近三峰獨往來草香千品藥松老一身苔書
怪獮偷讀門經鹿撞開塲東有修竹移向北庭栽

其七

編竹補疎籬生芻束酒旗鷄豚田祖廟鷹犬獵神祠玉

糝菰為粉瑤酥豆作糜兒童採蘆葉爭學短簫吹

其八

欲往竟無適意行仍獨遠猿聲黃葉寺牛背夕陽山書
棄將成業身投未老閒相逢莫嘲諍才與不才間

其九

偶隨黃蝶去岸情樹邊橋叩酒紅初散朝霞白漸消沙
平留鴈跡水落見魚苗却愛箕山老從容棄一瓢

其十

落葉擁柴扉村深客過稀
曉車分殺去晚笛飯牛歸
漁負雨蓑立鳥啣霜果飛
此中真小隱予亦久忘機

杜伯寧雨中相遇晚晴送別

念汝能相遇危橋渡野塘
入門巾屨濕滿席芰荷香
我愛秋前兩人誇午後涼
都將耕鑿意一笑送斜陽

懷句容縣中諸友

武師文

山市遠寒廳雲分半榻燈
苔荒征訟少果熟稅錢增
薄

俸長畱客新詩或寄僧朱絃嗟久斷欲續竟誰能

趙仲弘

古貌復長鬚山林一老儒豐城埋古劍滄海得明珠文
氣曹劉並才華沈宋俱故園諸友盡相見獨踟躕

栢師文

白髮已千莖相逢喜氣生看山留十日待月坐三更秋
浦槎頭釣春泥谷口耕莫言蹤跡閱朝市久知名

翟好問

愛爾山城隱柴門對縣衙酒費千畝苧生計一園瓜雨
步荷巾濕風吟蓆帽斜時時扶短杖看竹到東家

居行恕

一榻卧秋陰松明照夜深瓦枰山館奕石薦竹窻琴老
愛籠鷲字貧消買藥金岡頭三日別葉落亂蟬吟

樊楚尹

綠幙雨初涼間齋夕渴長硯生秋鮮碧花落紫薇香教
子抄書法逢人錄酒方自緣耽野趣臺閣意都忘

吳善養

心境兩俱寂
松風時掩關
佩紉蘭葉紫
冠製竹皮斑
飲少長先醉
吟多每自刪
近來登眺懶
滿壁畫秋山

吳損菴

玉笈佩神經
雙瞳煉更青
秋雲分席坐
春雨卧樓聽
掃石持鸞尾
剡泉洗鶴翎
清虛長不食
輕欲駕飛舂

巫山隱

巫山青十二
一一楚江濱
自入山中隱
都忘夢裡身
玉

冠蒼水珮鶴氅紫荷巾
媿我方為客秋風滿面塵

送句容劉少府回揚州

家具一車輕囊書與短檠
更多難別意人有去官情帆

影江沉寺簫聲月到城竹
西尋舊業烟雨綠蕪生

贈華陽道士徐介之

太極仙翁劍相傳此瘞藏
蘚痕皆銹色松影尚雷光斗

閣三花供真壇半夜香
便須邀顧况特地宿君房

客懷

金匱四庫全書
卷七
休官得養親況及楚江春喜極花迎笑情多柳效顰玉
醪銀葉繪紅稻紫絲尊遙想西園草青青待遠人

七月十四日過龍江

親已年逾九兒纔月過週家貧歸似客路遠去如流失
意螢辭火驚心燕感秋平生離別淚相對未能休

沙河舟中

旅懷歸正急春色到非遙草際風初泛蘭心雪未消鷺
明欺白髮臨快避輕橈得遂歸田計殊恩感聖朝

儀真逢張孟恭

相見獨依依都緣會面稀故鄉諸友散獨客幾人歸江
總頭全白劉琨事已非野鷗知別意故繞夜航飛

瓜州逢邱克莊

江水靚如空江華冷未紅憐子猶客裏羨汝已鄉中白
苧青衫雨烏紗短帽風不須搖艇子垂釣五湖東

閏七月二日發淮安

舟行日已晡帆影動檣烏河伯拋錢祭風神酌酒呼紅

憐瓜似蜜白愛芡如珠且就篙師醉何煩問遠途

至鍾離發書寄婉素

漂泊嗟吾遠支吾賴汝賢老親思饌肉癡女憶衣綿刀
尺砧聲裏燈花笑影邊聊將千里夢持送到金川

盱眙懷古

舊說盱眙縣居民不掩關鷄聲啼鳥上人影落花間簾
幙層層雨樓臺面面山惟餘孤塔在秋蘚綠斑斑

舟中聞促織

促織來何處哀吟近短蓬不堪為客裏况復是舟中殘
夢寒衾月孤燈夜枕風此時腸欲斷恨不耳雙聾

元夕前雨

楚澤春初入巴江水又來草憐容易綠花恨較遲開月
暗燈慵試衣單苧懶栽晴光在梅柳應待鼓聲催

人日懷高啟

客路逢人日流光惜易過楚山青漸少吳樹綠還多短
草茸茸雪輕鳧隊隊波無因寄高適詩罷獨吟哦

哭陳仲野都事沒任所 二首

水雪阻修途，畸魂託老奴。
百年鄉夢斷，萬里客墳孤。
囊索遺書在，期功遠姓無。
一盂寒食飯，誰與掃榛蕪。

其二

輿紼暗風沙，丹旌映晚霞。
吏人營殯殮，童僕着衰麻。
骸無遺嗣，招魂有外家。
重來恐迷處，記取路三叉。

送沈自誠任武康縣丞

朱紱還家日，青衫佐縣時。
野鷺春自重，山犬暮生羆。
細

讀隋唐律間臨漢魏碑都將晉陽事寫作送行詩

寄張彥禎

城小更臨邊今聞太守賢牛歸新覆屋農種久荒田
機杼春坊月旌旗畫壘烟直須興禮樂間巷盡歌絃

省中元夕剪綵簇牡丹燈一樹戲題

綵樹玉為柯銀燈錦作窩絳紗籠月小金剪得春多暖
鮑千枝雪天香五色羅掖垣齋事肅相對夜如何

洪都

江流與郡通山勢向西雄綠樹南風裏黃梅細雨中城
門帝子閣鉄柱羽人宮欲就蘇公飲東湖小圃東

立夏前一日有賦

漸老綠陰天無家怯杜鵑東風有今夜芳草又明年蠶
熟新絲後茶香煮酒前都將南浦恨聊寄北窓眠

東湖晚眺

濕沒岸如無涼多柳易枯巫歸神廟靜兵語驛亭孤日
落霞明渚虹收雨暗湖此時蓬底坐天盡是東吳

湖口見月

秋月自嬋娟
澄波照更妍
梳憐宮髻側
眉想鏡臺前
初見愁將墮
猶觀喜漸圓
旅懷何處感
風露九江船

風雨泊舟

江渚初寒夜
全家在一篷
漂零兼主僕
憂患及兒童
柝響孤城雨
鍾聲遠寺風
明朝青鏡裏
鬢髮定成翁

晚過秋浦

淡日雨晴天
江村正可憐
碧雲初見鴈
紅樹尚聞蟬
一

望皆秋色千山各暮烟
自慚簪組累羞近釣魚船

晚登峨眉亭

亭子憑虛好登臨似鏡臺
江分一股折山作兩眉開
濃愛秋烟隔翠疑暮雨來
短歌聊共寫深愧謫仙才

沙河至采石

四首

近午風猶熱微陰日已淒
病軀勞更弱憂色瘦偏驚
路轉蒹葭入舟從絡緯棲
此中腸易斷不待玉關西

其二

河曲帆頻轉波高夢屢驚
學人孤拜月照骨鬼吹燈
斷甃沉沙嘴殘碑露石稜
不知何縣邑芳草沒荒塍

其三

病後難為客天涯獨此身
幾朝纔聽鵲千里未逢人
夢好徒增喜詩工不療貧
悔將孤釣艇拋棄五湖濱

其四

舟中逾一月驛路及三千
老淚青衫上新愁白髮前
蛩聲秋岸雨鴻影暮河烟
不有西征客誰同此夜眠

逢鄉人俞武仲

醜酒酌江神占風欲問津
偶於春草外逢着故鄉人
語
密終難別知新却易親
因君問先輩清淚滿衣巾

江船早起

霽色耀輕霞風搖起曙鴉
防寒憑酒力避淺問漁家
日出鷄鳴樹波清鱗上沙
此時蓬底坐極目看蘆花

夜坐

坐久一船霜神清念慮忘
水當深夜白星隔大川
黃鐘

斷松間寺燈歸柳下庄
鳧鷖方露宿漁父莫鳴柳

夜坐聞江聲

天寒月滿川冬夜木蘭船
人影清於鶴江聲急似弦
書殘燈落爇香在帳留烟
多少關心事相隨到目前

江船聞柝

月皎江逾白沙明岸欲無柝
聲寒郭靜人語夜航孤酒
渴思分橘衣單怯絮蘆蓬
憐抱闕者霜露裂肌膚

宿雲港 三首

新月低江樹回風疊浪花珠明初見斗綺淡欲銷霞轉
枕防危石收帆避淺沙鄰船有漁火兒女自成家

其二

孤檝辨漁舟雙旌識戍樓江山人老去歲月水東流驚
外霞催晚虹邊雨送秋不因風浪急那得此淹留

其三

江濶淨無埃澄澄一鑑開兩帆烟外小單檣月中哀更
靜漚初定秋深鴈未來誰家東戶好蒲柳逐行栽

晚入湖口過大悲閣

石斷岸爭出蘿垂樹倒懸僧吟秋閣雨人渡野航烟鴈
驚清江畔蒹葭白露前終慚累軒冕空學在家禪

至吳城山得南風過湖

沙嘴南風起船頭雨正飛人方離別去鴈又竟辭歸暖
日紅生暈晴波綠漲肥龍君廟前柳顏色妬羅衣

謁鄱陽湖龍君廟

劍履朱袍列幢幡碧殿開舟人沉璧祭神女獻珠來欲

雨蟬鳴樹將風鵲逸
臺瑤函有珉冊猶是楚王裁

出左蠡望廬山時春雨新霽
山色明潤獨不見五

老峰為賦

瀑布銀河落香爐紫霧分
諸峰皆翠碧五老獨烟雲
澗濕雨猶滴坡香草自薰
遙知幽絕處麋鹿自成羣

夜泊琵琶亭聞笛

夜泊古亭邊春愁滿畫船
青衫司馬淚紅袖琵琶絃
故國人在澄江月又圓
誰將折楊柳三弄落花前

江邊小旗亭

亭子枕春沙青旗趁雨斜
滿湘新畫壁桃李舊栽花
換酒來雙鯉當鑪立兩鴉
當年下江客相約送新茶

雨中登望湖亭有懷幕中諸友

水接虛無白亭浮浩蕩開
登臨能幾日風雨又重來
藕濕花初斂蒲深葉半摧
乍同諸友別吟望獨徘徊

鷓鴣洲

綠遶武昌城遙連漢口營
廉蕪昨夜雨鷓鴣舊時名
詩

句憐崔穎才華惜，桐衡誰能洲下泊。不有釣蓑情

江夏朱元瑾折蘭花見寄

幽蘭不易得，孤潔比秋霜。自可供金屋，何須寄草堂。一
花湘水碧，數葉楚山長。便結參差佩，羅衣十日香。

岳陽樓

春色醉巴陵，闌干落洞庭。水吞三楚白，山接九疑青。空
濶魚龍舞，娉婷帝子靈。何人夜吹笛，風急雨冥冥。

舟中聞杜鵑

落月初陽路聲聲叫子規萬山春盡夜孤枕夢回時客
自傷漂泊人誰念別離無多眼中淚聽汝不勝悲

宿巴陵

楚有巴陵好君山對縣門暮烟湘樹遠春雨蜀江渾日
落船依岸人歸犬吠村憑虛望雲夢胸次詎能吞

入永州

石氣陰才霧嵐霏暖欲霞憩床腥畏虎飲礪毒防蛇紅
葉秋崖樹青蘿晚洞花江山盤屈外遙認兩三家

零陵二首

地僻三苗近江回二水兼青林皆種蠟赤穀半收鹽好
武人輕關多祠俗尚占晚來山霧濕衣薄又須添

其二

古瓦籠山葛荒碑仆石楠江晴初漲雨城午未銷嵐
富鯖羞鹿盃渾酒餉蚶邦人盡麻枲終歲不知蠶

湘中雜言九首

春水連春草遙遙一望同烟江來漢口雲樹出湘中竹

有啼痕碧花仍笑靨紅誰能鼓瑤瑟哀怨向東風

其二

小雨弄春晴湖光媚更清
髻憐新沐後眉愛靚妝成
鵲
潔知無累鷗明覺倍輕離
離川上草端為客愁生

其三

鄂渚雲歸後巴山雨過時
鶯啼湘女廟花落楚王祠
家
遠身如夢愁多鬢易絲
聊將身暫泊沙嘴看鷓鴣

其四

風起一湖香青青杜若長花迎衝浪楫燕逐使風檣欲
采蘭為佩仍褰荔作裳何如山閣上屏裏看瀟湘

其五

江晚樹沉沉羣山入漠陰驛亭千柳暗僧院百花深鷺
曝愁融雪鶯流欲墮金旅懷元易感非有壯遊心

其六

鷗聚江初靜鴉啼樹已昏碧湘悲帝子芳草怨王孫帆
影烟中浦漁燈雪後村匆匆萬里客極目正銷魂

其七

城近江臨郭沙虛月在川柳宜春雪後花怯晚風前野
雙三家市鄉音幾處船坐聽磯下水嘈雜響湘絃

其八

山霽雲猶濕江寒雪未消雙旗樓鼓急孤塔寺鐘逢水
綠鳧鷺藻洲香翡翠茗巴人暮歸急橫渡不停橈

其九

指點鷗飛處人間是岳州湘潭山亂出江漢水兼流深

竹新祠宇飛花舊酒樓平生巴楚夢明日洞庭遊

初入山西境

晉鄙不識稻來麴常在庖民居多土窟官賦半羊毛七月裘寒着千山狼夜嗥遺風唐儉晉古廟享阜陶

山西秋日

澹日荷香外微涼樹影邊俄聞落疎雨便覺是秋天塞近風寒早天高氣候偏忽思陳鼓吹萬馬向居延

和宋大叅省垣對雪

和風春前入瑤花
雨後寒廉疎
穿每易闌曲最偏難
客自衣裳薄
人誰夢寐安
披坦今夜直離恨
正多端

題

以下俱原闕

五言排律

水邊見新燕

昔別秋風後今歸社雨前
巢非金屋舊人是玉堂仙
願領公侯似腰肢妓女憐
花明春殿雪柳暗御樓烟
羅幕樓長並銀屏過每聯
尾寒鶯共濕衣暖蝶爭妍
忽見青帘外俄逢綠水邊
莫嘆茆舍小臺樹總蕭然

早秋送趙景普東歸

歌斷復依依情多忍速速
未緣春色晚自感故交稀
舟

傍倚花宿人先燕子歸乍涼才却扇多病欲添衣驛樹
風蟬咽江祠雨鶴飛幾時搖艇子來扣竹間扉

元夕京城觀燈與楊廉夫先生同賦

琪樹遶春蛾銀燈爛絳羅風柔宵漏永天近月明多瑞
靄浮雙闕繁星動兩河仗迎仙佩出香拂輦塵過萼萼
層層雪魚龍澗澗波清時更良夜遊燕莫蹉跎

送傅子敬憲使

朝散掖垣風恩秉憲使驄星辰天咫尺山水浙西東民

力凋零後君心屬念中江晴鷗汎雪雲淨鶚橫空草復
新年綠花仍故苑紅無因送君去鄉夢託冥鴻

送竺孟容戍營丘

內殿朝辭日東藩報命時白門花婉婉青杜草離離山
雨朱袍濕江風錦帽欹禡牙朝進祝散敵夜吹篳士馬
驚銅鼓兒童織綉旗突圍當左拒射敵中斜枝赤手干
人服丹心一劍知功成正年少雙鬢未如絲

趙宜人衛氏挽章

故國王孫貴名家母德新令儀推冢婦榮寵錫宜人讀
史青閨夜治絲錦帳春野烟條綠柘溪雨采香蘋熊膽
資諸子虬髯識衆賓鏡臺俄掩月琴匣久蒙塵遺範傳
宗閭悲歌動縉紳霞坡原上草相望一傷神

八月九日祀社稷述事

祝史祝王冊儒臣奉誓詞衣冠陳盛典拒電降洪釐用
報金穰瑞仍祈雨露私勾龍嚴配位神素肅明祠幣玉
趨宗伯笙鏞奏藝師精靈潛格爾肸蠁儼來思赤壤

新封國主牲舊制儀豈惟宜土穀還得奠邦畿師出常
依主君行每告期禮終受多祐民物正熙熙

晉邸北狩

剛戊吉初涓藩宮武用宣猶田之藪隰旌節邁闌郿
帀驪為飾幘銜驛作纏彤弓臣累百貝胄士逾千雲路
龍章袞璇霄鶴駕輶和鸞軾前奏輶服鞵傍懸笳鼓鳴
翻海置羅布匝烟獫狫過走兔鷹肅捷飛鳶沫沮多糜
鹿幽岐盛豕研延賓左髀達登豆右膈穿殪兕才方著

當熊卷又傳骨都魂亦散勅勒部齊遷固以異文象不
殊詩雅篇邊氓瞻紀律勲業可銘錫



眉庵集卷七

欽定四庫全書

眉菴集卷八

七言律

明 楊基 撰

送路季璉問聘河東時東駕出師太原 二首

三晉封疆拱帝圻
兩河山色照戎衣
青虹貫日隨星出
赤鳥如雲夾電飛
使者梅花春後折
王孫芳草夢中歸
入朝若問東南事
積粟如山萬馬肥

其二

三讓祠前酒一卮
杏花紅白柳絲絲
古來使者稱吳札
此日行人得趙咨
老祖山河終不改
諸侯勲業已如斯
青宮賜宴如前日
為賦栖栖六月詩

聞官軍南征解圍有日喜而遂詠

四首

天師南下靜風塵
正月樓船渡孟津
中外諸侯元有約
東南豪傑豈無人
十年白骨埋荒楚
一日蒼生去暴秦
喜極自提孤劍舞
不知雙淚落衣巾

其二

巴江東去動旌旗此變還應責望誰
尺土未歸終自復一夫作難彼何時
北來兵勢當無敵南向人心賴不離
見說兩淮消息好已將牛酒犒王師

其三

兩河精騎向襄陽全蜀材臣出鳳翔
天下風雲爭會合江東子弟謾搶攘
人皆厭亂思平世誰不將歸說故鄉
我有先塋依古井十年不奠一壺漿

其四

官軍聞說下揚州夢裡扶搖賦遠遊天運未容人力勝
民心須順物情求遭逢喪亂生何補見得昇平死即休
沽取一壺花下酌弟兄兒女笑相酌

寄楊鐵厓先生

不見雲間楊鐵史寮中七客近如何老來詩句竦狂甚
亂後文章感慨多長笛參差吹海鳳小璫楊柳舞天魔
春明且盡嬉遊樂莫解梁鴻五噫歌

先生所居
名七者寮

懷悼朱秦仲總制

力盡戈鋌援不回猶揮赤手搏風雷
波濤失意蛟龍伏肝膽如杠虎豹推
漫使張遼說關羽誰將全武易秦裴
煩君更緩須臾死要對春風酒一杯

送雪坡太守之武林

湖上烟飛開畫船鳧鷖鴻鴈滿前川
舊遊未覺英雄老遺愛猶思太守賢
驛樹籠蔥春雨裏江花零落晚風前
遙知不著登山屐先向問問問倒懸

送謝參政朝京

萬方臣妾歸降日四海諸侯職貢秋
七冊寶書銀葉篆九重珠絡翠雲裘
舍人入奏臚傳早天子論功寵遇優
正及燕山三尺雪馬蹄須過御街遊

郡齋養疴呈醉樵內史

三首

江雲倏忽暝還收五月猶寒着敝裘
芳草斜陽看易晚綠荷疎雨聽如秋
池塘空澗蜻蜓喜簾幙蕭條燕子愁
不是無言成獨坐暫將心事靜中求

其二

小軒新沐喜神清
短幘單衣覺漸輕
松下琴書晴亦潤
竹西窻戶晚猶明
愁來對酒心先醉
病後看花意懶行
却憶故山深處立
綠籬千樹叫流鶯

其三

亂裏情懷苦未開
更兼貧病兩相催
翻書自取醫方讀
寫券頻賒藥品裁
有子問安催啖粥
無人療渴漫思梅
東山謝傅能相憶
風雨圍丁送韭來

送潘省參穀北覲

黃鉞專征異撫軍
薊門擊鼓接西秦
江淮久賴齊桓伯
中外方思李泌臣
鶴駕蕭聲丹禁曉
龍池柳色舊宮春
邦交不用縱橫術
况復東周有古人

挽呂輔之參軍

老來不作華亭尹
死後仍書貞惠君
猶有緋袍憐范叔
更無珠履哭田文
練兵每到防秋試
積粟多緣歎歲分
欲奠一尊招夜月
紫藤蒼栢繞孤墳

送錢思復曲江

皮信文章四十年一官今喜便宜遷諸侯賓客青雲表
亂世功名白髮前弟子年來金馬詔故人天上玉樓宣
先生且向江南老草閣東風聽雨眠

登石湖山亭和胡宣古宋仲溫

危亭百尺瞰奔湍落日清虛縹緲間石壁倚風青鳥下
洞簫吹月玉龍還霸圖猶在英雄夢雲氣或連吳越山
無限興亡眼前事五湖烟水不相關

虎丘遊和張雲門韻

烟草離離接故宮
劍光無復吐長虹
虬髯一怒江山定
烏喙重來苑囿空
佛宇勢凌雲海日
梵鐘聲和塔鈴風
峯前虎去高丘在
野草殘花泣露紅

追送徐孟岳

長洲苑前春草生
騎馬送君君已行
東風楊柳忽淡蕩
新水鷺鴨自縱橫
青松堆雨晚飯足
白苧裁雪春衣成
隣家有酒可贖買
我欲相從聽早鶯

寄王常宗

不為春愁減帶圍自緣多病故人稀無多的的梅花在
有幾斜斜燕子歸月上湖平還蕩槳酒醒風起更添衣
微官未得追隨去定悒爐熏靜掩扉

寄號醉樵饒介之

萬里西風到井梧泠泠秋水接平蕪清虛自是松間鶴
瘦硬何須石上蒲千古英雄雙醉眼四山風雨一樵夫
正須斤斧收材木要向凌烟見畫圖

送胡布張憲二軍咨 二首

鳳凰出世不多見
神駒汗血非全功
子龍勇冠萬人敵
劉表氣壓三軍雄
會使策勲夸海內
何必紀姓歸遼東
遲子縱橫覽八極
當駕巨浪乘長風

其二

丈夫許國亦何蚤
中興紱冕皆吾徒
絳火流雲赤雀下
神劍入海妖龍屠
秦人玉琯不自惜
宋客燕石何其愚
會見清明舊雕鷲
騫飛萬里騁良圖

送趙智之海濱兼柬乃伯元鼎

十月肅霜霜未嚴
片帆歸去雨纖纖
鴈飛空澗雙斜影
山隔蒼茫一翠尖
自笑楊雄登館閣
誰憐膠鬲在魚鹽
到家為我寒暄問
汝伯違應雪滿髯

寓雲間送人之上海兼簡曲江居士

嗟予多難未能歸
念爾無家更別離
春近江花開次第
雪消沙鴈落參差
英雄惟贈劍三尺
貧賤相逢酒一卮
為語海州錢博士
白頭誰與細論詩

同雲間謝嘉書張夢辰舟

手持三尺青琅玕鼓柁來往凌風湍放歌吳淞江月白
濯足洞庭秋水寒黃金何用鑄范蠡紫萼自足供張翰
扁舟早晚落吾手便當相逐投魚竿

將歸吳中留書雲間齋舍

讀書喜逢明主知直節不受儒官欺男兒自當萬人敵
少壯恥為童子師江總還家何草草仲尼去魯獨遲遲
蜀雲亭下春消息雪白梅花開一枝

元夕次韻鐵崖先生 三首

千輪萬騎影參差
盡道風光勝舊時
珠果亂拋金並蒂
銀花交射玉連枝
星緣燈映看偏密
月為人留下轉遲
白髮老仙逢盛事
綵毫先詠太平詩

其二

星斗嫺嫺落絳河
魚龍潑潑出滄波
尋常巷陌皆車馬
到處笙歌盡綺羅
人意尚嫌春夜短
燈光更比月明多
謾教夷女僂僂舞
細按吳兒宛宛歌

和謝雪坡錢塘見寄

經旬不見謝宣城
小楷烏絲寄遠情
黃篋樓高春夢破
綠羅衣薄暮寒生
鶴臨沙渚鷗俱浴
花落江泥燕與爭
亦欲雨蓑搖短楫
西湖新水蕩空明

送鄭本初還越

深冬未飄一片雪
江梅已開千樹花
出門上馬霜滿屋
舞劍聞鷄月在沙
秦豈無人徒贈策
楚雖三戶復成家
壯懷亦有東遊夢
明日津頭見斷槎

赤山書事寄龜巢謝隱君君南蘭陵人今避兵居
吳長洲之獨樹湖

曾向溪南看藝麻竹杠兜子一肩斜秧苗尚短仍含穀
荷葉才高已上花蠶屋柘烟朝焙蠶鵲爐沉火畫薰茶
而今風雨成拋絕卧聽西園兩部蛙

贈勤上人別兼簡雲間陶宗儀

澄公高義動山川亂後今逢弟子賢四海交遊諸老盡
百年衣鉢一燈傳詩題玉几峰前竹社散東林寺裏蓮

金定已月全書
卷八
惟有赤城陶逸史老懷能說舊時禪

寄林訓導謨

江上雲消春水渾故人書札到柴門英雄所見自相合
貧賤之交誰與論漢室山河終混一秦城樓閣易黃昏
平生不識之無字也學相如與賣文

長洲何明府見過

使君麾節未相訪正及南風百草長新語驚人渾爛漫
奇才化俗更循良西山雲朶金銀氣東閣梅花水雪香

便欲乘桂遠相從
鳧鷖春水綠茫茫

漫興

十日南風吹雨晴
隣家鷺鴨傍人鳴
蒼苔門巷槐花落
青草池塘荷葉生
已喜包茅來楚貢
不勞郢舌下齊城
野情欲買滄浪屋
醉詠鳧鷖歌太平

聞雪坡將還吳門

桑葉重重戴勝飛
行人多報故人歸
鬢從別後星星出
花到春深樹樹稀
詩喜官閒能不廢
身緣謀拙事多違

便須出郭相迎迓
遮莫南風雨滿衣

懷王隱君止仲

小兒支頰却掩書
身閒喜復見秋初
山林自此縱橫落
締綌於人次第疎
沙鳥浴江明白鷺
水花搖雨淡紅葉
相知獨有王摩詰
兩月無詩寄草廬

附王半軒次韻寄答

懷刺歸來卧枕書
白雲滿榻閉門初
草玄未信揚雄
病禮法從知阮籍
疎短障夕陽
悲蟋蟀方塘
秋水老

芙蓉南村口燥呼難得一任狂風攪敝廬

懷高著作季迪

坐看青江飲白虹不知樓閣又秋風
瀟瀟禾黍蒼烟外零落芙蓉暮雨中
富貴逼人驚變豹文章鳴世豈雕蟲
清時欲草征西檄只有陳留阮瑀工

附高青丘次韻寄答

殘雨脩脩映彩虹憐君獨咏楚臺風
遠江帆影秋蕪外故苑砧聲晚樹中
壯歲漸如辭幕燕閒身猶坐蠹

書蟲雅音自古無能好莫向人誇瑟最工

江村寒食

預折楊枝挿繞簷
豆糜香軟麥餠甜
春衣未染新絲織
午篆猶分舊火添
小雨送花青見萼
輕雷推笋碧抽尖
不因人遠傷離別
那得春愁上短髯

乘槎為日者張德元賦

百尺枯槎孕氣靈
清花空影入滄溟
星河弄月珠胎白
銀漢流雲鷗羽青
坐拂珊瑚龍婉婉
卧看蓬島翠冥冥

不須更問君平卜認得黃姑駕彩輶

白雲深處為天平圭上人賦

上人卓錫亂雲中縹緲蓮花第幾峯
行盡崎嶇方見塔望迷樓閣但聞鐘
四山曉氣層層雨一逕秋陰曲曲松
幾度相尋問童子水流花落竟無蹤

聽秋軒為方上人題

聽秋軒前秋滿庭聽秋軒裏貯秋聲
噫噓萬竅西南發搖落四山風雨鳴
定起寶花如雪墮夢回璧月帶潮生

便須飛錫蒼梧野聞取釣天九奏笙

雨中懷沈達卿茂卿

立春一月二十日江鷗野鷺飛滿池杏花差白淨洗面
楊柳半青爭畫眉沈郎多病徵未起王孫不歸吁可悲
南周山頭養親好贈以金盤五色芝

天妃宮贈道士沈雪溪

帝遣神妃降紫芬海波搖蕩赤霞裙月明貝闕金銀氣
日暖龍旂翊颯紋青冊簡書天上錫紺帷靈語夜深聞

方壇露冷三花繞坐演琅函大篆文

題明皇貴妃對尖祿山傍觀圖

深院紋楸敵睡魔玉環用意感雙蛾只因數子藏機密
不覺三郎失著多布陣似窺龍尾道爭邊未至馬嵬坡
有人冷眼觀成敗若個胡兒是爛柯

問梅次趙元昂韻

驚散溪頭一樹雲故人相別又相親兩三枝上幾分月
四五點中多少春不入楚騷緣底事番成羌笛是何因

芳心欲露還羞澁踏雪歸來香滿身

望太湖

天帝何年遣六丁鑿開混沌是雙青湖通南北澄水鑑
山斷東西列畫屏挾雨龍歸霄漢暝網魚船過水雲腥
乘風欲往終吾老用里先生古洞庭

初春二首

雪晴泥軟不生埃春水浮香上綠苔柳色嫩於鶯破殼
筍痕斑似鹿辭胎踏青鞋鞞平頭製試暖衣裳稱體裁

安得草堂江浦上紫桃紅杏一齊開

其二

春色撩人到水涯
草香蘭氣總詩材
酒邀同伴嘗新熟
花趁初晴賞半開
蹀躞馬隨車響過
鞦韆人送笑聲來
直須清夜紅羅燭
莫負東風玉鏡臺

春日雜詠 四首

雨雨風風未肯晴
百年時序逼清明
花無桃李非春色
人有笙歌是太平
黃鳥巧衝蝴蝶過
紫騮驕趁玉驄行

酒家不用逢人問，高插花枝作旆迎。

其二

偶自循籬出，逕苔刺桐花落野棠開。
一年春已無多在，幾個人曾有暇來。
浸穀陂塘科斗亂，浴蠶時節杜鵑哀。
買山莫種閒花柳，多覓松栽與栢栽。

其三

蘭心刺促上枯根，草色淒迷入舊痕。
灘背無泥沙自白，潮頭有雨水先渾。
龍祠神去鴉鳴樹，魚市人歸犬應門。

便織蓑衣與牛薦此身只合老江村

其四

陋巷荒蕪野趣濃小溪春水恰船通
無邊草色猶春雨有幾梅花更晚風
文體敢期盧駱並交情惟許范張同
欲將浪迹隨溫鳥錯比溪南是滾東

見花

聽風聽雨坐空齋不道春花爛漫開
亂世身如危處立異鄉人似夢中來
十年多故塵雙鬢萬事無心酒一杯

明日清明改新火且將榆柳着殘灰

清明後見花狼藉

春到清明花漸稀花應憐我見春遲多情杜牧重來日
前度劉郎再到時莫為東風愁對酒且因流水獨臨池
短牆深處無人折留得殘紅四五枝

立夏

風雨都無半日春滿溪鶯鳴水迷津櫻桃子熟已薦廟
芭蕉葉長才過人壯歲得閑緣性拙故交雖淡却情真

如何蓋得江邊屋
賸采新荷飯綠莼

木茶爐

紺絲仙人煉玉膚
花神為暎紫霞腴
九天清淚沾明月
一點芳心托鷓鴣
肌骨已為香魄死
夢魂猶在露團枯
嬌娥莫怨花零落
分付餘曠與酪奴

竹素園

百尺飛樓似石渠
牙籤五色照窓虛
平生不惜千金貴
喪亂猶存萬卷餘
秦火已來皆斷簡
楚經之外總閒書

晴雲滿榻芝香散應與諸郎校一初

栽竹

斷閒蒼蘚種琅玕移得瀟湘入座看
宿土半含春雨潤短籬斜護晚風寒
紫芭未見搖水雪翠葉終須宿鳳鸞
何處銀笙吹夜月碧袍零落滿闌干

鷺翎菊

曾隨漚鷺浴滄浪又對芙蓉試淺粧
露冷有香栖晚圃月明無夢到寒塘
綠波春草當時雨黃葉秋風此夜霜

莫道淵明最憐惜右軍應為寫千行

卜流

吳人於初正以穀占人一年休咎炒成花者
吉否反是

春入吳門十萬家家爆穀作生涯就鍋裂碎黃金粟

隨手翻成白玉花紅粉佳人占喜事白頭老子問年華

晚來分付兒童戲數片江梅撲髮斜

梅花夢

綠萼仙人曉睡濃香魂縹緲逐東風翠禽啼破春如海

蝴蝶飛來月滿空白玉樓臺渾落莫黃昏時節正朦朧

次定事會書

眉庵集

十五

巡簷欲問神遊處只在孤山淺水東

徵赴京

亂後人如再得生敢於世上望聲名
詩吟白屋惟安隱
詔落丹厓陡失驚
鳳闕有心求柱石
鯁材何量抵瓶罍
不堪故舊愁分手
楊柳楓橋第一程

到京

鬱葱王氣古金陵
泰運重新感盛明
臣庶梯航趨上國
江山龍虎衛高城
六街塵掠秦淮過
萬戶鐘聲魏闕鳴

白髮到蒙期少補敢將詞賦重聲名

奉天殿早朝 二首

雙闕翬飛紫蓋高日華雲影映松濤萬年青擁連枝栢
千葉紅開並蒂桃仗以玉龍銜寶玦珮將金兕錯銀刀
乍晴風日忻妍美闔殿齊穿御賜袍

其二

貂璫綉帽列金撻玉節龍旂拱翠華甘露欺霜凝紫液
卿雲如蓋結丹霞鶯聲近隔宮中柳駿騎遙穿仗外花

聖主直教恩澤遍香羅先到小臣家

新正試筆

寒隨殘臘去匆匆又見年光入眼濃恨不髮如春草綠
笑曾花似面顏紅門無賀客酬佳節座有癡兒壽老翁
已許承恩趨鳳闕珮聲齊到日華東

雪

歇歇整整復皚皚可是春冰細剪裁到處江山皆玉立
誰家庭院不花開幾回旋繞還飛去半餉悠揚却下來

獨有梅邊易消滅也應和氣近蓬萊

東風

曉寒衣袂欲生稜
沉火微薰半臂綾
內苑未消千樹雪
東風先解一池冰
梅驚玉笛吹還落
柳傍珠簾折未能
回首帝城明月滿
六街簫鼓萬家燈

元夕觀燈

綵鸞扶轂駕雲駟
寶騎揚鑣逐隊行
十里燈光欺月色
九衢歌響雜簫聲
綺羅香統長春苑
珠翠人遊不夜城

喜極未能閒坐得也隨僚友看昇平

塔燈應制

百尺浮屠聳半空
闌干十二影玲瓏
日臨銅柱霞標爛
風颺銀花火樹紅
一劍騰光衝斗口
五星揚彩入離宮
高明願與君心並
徧照逃亡草野中

上馬

晴來未覺是春朝
已有東風着柳條
雪自堅牢盈尺在
水纔輕薄一邊消
不愁霧暗看花眼
且倩人扶上馬腰

却憶探春湖上路
小紅船子木蘭橈

新春左掖簡方員外

鷄籌送曉日初長
粉署微薰應漏香
草色才回半痕綠
柳條初染一分黃
玉壺冰解春無迹
羅幕風來澹有光
自愧才疎非畫諾
敢隨鳴鳳集朝陽

送周鍊師玄初還吳

玄都春暖碧桃開
鳴佩朝天到鳳臺
夜檄雨龍江上發
曉呼雲鶴洞中來
黃精却老和泉煮
丹橘娛親迭舍栽

為問長生應有術，早修真籙進蓬萊。

感春

茂苑東風散鼓鼙，草堂近在柳營西。
春衣禁酒聊存着，詩句懷人每謾題。
花有底忙衝蝶過，鳥能多慧學鶯啼。
閒身準擬看山色，又復朝叅逐馬蹄。

春日出郊

偶臨春水賞春晴，更覺身隨步履輕。
人面映花渾一色，竹音和雨恰齊聲。
衣從典盡須沉醉，簪未容投且暫行。

除却鳳林佳麗地更於何處樂昇平

送杭太祝代祀四瀆

馮夷擊鼓走黃能夜報祠宮代祀來虎節不須桐柏去

龍香且向呂梁開古來河海猶三望今日風塵上九垓

若對壽春城下月可能卮酒酌荒萊

黃能之能匡來反水中三足鱉名也

應制送安南使臣杜相之還國

都門車馬曉駢駢勅送陪臣萬里歸使者重聞新寵詔

嗣王仍賜舊頒衣驛亭五月蕉花落江路南風荔子肥

歸報大廷方徹樂也知存沒感皇威

送僧住姑蘇北禪

六年江海一論心又聽鐘聲出禁林
歸路暖風芳草合講堂春雨落花深
未誇葛老三編論獨愛韋郎五字吟
水月仙人塵不染待君重振海潮音

悼楊文舉博士

白髮蒼髯老太常亂離終喜得還鄉
八分書古追東漢七字詩工到盛唐
謫久已無書滿屋病多懼有藥成囊

我慚同姓曾聯職宿草西風淚數行

送鄭與權之官七閩

七閩地暖不飛雪山路早行仍衣綿黃金結客記昔日
白髮上官非壯年荔子曉風人似玉枕柳春雨樹如烟
還家定跨揚州鶴流水寒松遶墓田

題玉真觀

五色琳宮綴玉題萬年瑤冊秘金泥屏風盡是青山疊
旒蓋都將綠樹迷雲氣長陰時嘯虎日華先曉夜聞鷄

金定巴... 卷八
閒身願得同真侶卧看呦呦鹿引麋

送俊用章上人還中竺

五色雲函貝葉牋寶幢花雨下諸天纔參闕下變龍會
又赴山中鹿豕筵萬法西來知幾劫一枝東指已千年
行當着屐藤蘿外共看峰頭玉井蓮

春宵樓

春宵樓上人如玉一刻光陰直萬錢簾底按歌風細細
酒闌私語月娟娟錦窩香暖雲初散羅幕燈昏客未眠

莫怪銅壺太催促長門猶嘆夜如年

狂歌

東風十日不成雨北郭兩山吹作塵縱橫自可二千石
貧賤何須七尺身醉後狂歌皆慟哭老來春色最傷神
且將建業城邊柳持贈山陽笛裏人

秦淮官舍懷春

潮來灘背綠沉沙獨坐微吟送物華強健憶曾身似犢
風流那復鬢如鴉十年金谷園中友三月長安馬上花

春色正濃人意好且教群吏暫休衙

晚春 三首

旌旗獵獵繞高城曲水飄香出綉楹
雨頤風頤枝外蝶花遮柳映樹頭鶯
乍籠紗情羞容老試看羅衣覺體輕
猶憶醉歸湖上路滿身飛絮馬縱橫

其二

宮樹參差帶苑墻暖塵兼霧撲衣裳
新蒲細柳皆春色紫燕黃鶯欲斷腸
沽酒客來花未落祓除人去水猶香

老懷無復坐臨賞
坐對鍾山到夕陽

其三

辛夷如雪照庭柯
老去愁驚日已過
芳草漸於歌館密
落花偏向舞筵多
故人別後皆黃土
南浦春來又綠波
便欲移家勾曲住
採芝種玉此山阿

寓江寧村居病起寫懷 十首

落梅風急晚蕭蕭
病起愁驚雪盡消
卮酒不添前日量
帶圍初減舊時腰
高樓錦瑟花連屋
深巷珠簾柳映橋

准擬青鞋踏春草看他翡翠戲蘭苕

其二

病體支離倦裏巾偶因行樂見陽春
梅緣無恨尋常瘦柳故多愁
日夜顰夢裏笙歌隨驀裏畫中
羅綺繡麒麟相期欲就吳姬飲
却恐江花笑客貧

其三

性懶逢春睡轉昏
曉鶯多在夢中聞
故人錦字憑誰寄
學士銀魚每自焚
布穀雨晴宜種藥
蒲水暖欲生芹

相思未信蓬山遠只隔江東一片雲

其四

望盡吳山是楚峰一緘芳信托歸鴻
丁香暗結盈盈露
豈惹微含細細風
春水染衣鷓鴣綠
江花落酒杜鵑紅
此身曾是登瀛客
未信扶桑弱水東

其五

不知殘雪是春光起見輕雲覆野塘
春草春江相妬綠
新鶯新柳鬪爭黃
裳無太史新頒歷
衣有容臺舊賜香

但使清尊花底醉任教白髮鏡中長

其六

東風拂柳軟婆娑野鳥啼春聽未和世事不隨人意好
雨聲偏為客愁多回文篆小香如蟻凹面杯深酒勝鴛
一帶春江皆碧草却愁無地着漁蓑

其七

醉舞狂歌四十年老來參得一乘禪東風未濕墻腰雪
細雨微添石眼泉無數白鷗閒似我一江春水碧於天

莫言箕澤非彭澤定擬金川是輞川

其八

坐對青山覺眼明山應憐我眼偏青
一官不博三竿日萬事無過兩鬢星
花底蛛絲迷蛺蝶草根蝦蟆變蜻蜓
文章無預封侯相莫向人誇識一丁

其九

十里吳堤踏暖塵老懷忽憶故鄉春
泥金孔雀裁歌扇刻玉麒麟壓舞茵
翠袖錦筇邀上客畫船銀燭照歸人

而今白髮東風裏疑是前身與後身

其十

門外春泥一尺深
窓間雲氣十分陰
寒毡溜雨衾如鐵
濕竈凝烟火似金
酒解驅愁時強飲
詩多感舊懶長吟
貧家不願千金粟
但得陽烏照晚林

新柳

濃如烟草淡如金
濯濯姿容裊裊陰
漸軟已無憔悴色
未長先有別離心
風來東面知春淺
月到梢頭覺夜深

惆悵隋宮千萬樹
淡烟疎雨正沉沉

春草

嫩綠柔香遠更濃
春來無處不茸茸
六朝舊恨斜陽裏
南浦新愁細雨中
近水欲迷歌扇綠
隔花偏襯舞裙紅
平川十里人歸晚
無數牛羊一笛風

春水

溶溶漾漾欲平橋
知是巴江雪盡消
紅雨落花來袞袞
綠烟芳草去迢迢
沅湘已沒鷗邊渡
潞浦新添鷺外潮

金定已居全書 卷八
向晚漁郎走相報大家齊上木蘭橈

樹底

偶自無眠樹底行不關春色惱人情
蛙當靜夜聽偏聞鳥並深池宿屢驚
楊柳無風偏嫋娜梨花有月更分明
春江一派東流去剛道波聲為不平

白髮

江柳逢春已變金雪消江水到門深
青山識我歸來意白髮消人仕宦心
半醉半醒花冉冉閒愁閒悶

闕

莫言萬事中年後不是中年已不禁

減衣

春衣初減覺身輕老眼緣晴遠倍明
濯足愛臨流水坐看山羞逐少年行
江花一色多於雪野鳥雙啼

闕

莫道飄零易傷感故鄉應更不勝情

清明寫懷

江樹龍葱入苑青
祓除時節又清明
漢宮蠟燭分

闕

唐女羅衣傍水行
一片花飛愁燕燕
三分春去怨鶯鶯

人生幾度東闌雪莫道黃州自有情

江畔尋花偶成 二首

細草平沙暖更融
謾隨蝴蝶步東風
裊髯照水疑添白
老眼看花覺厭紅
且自細聽鶯宛宛
莫教深惜燕怱怱
江村到處皆春色
聊與行人弔客中

其二

偶隨流水到花邊
便覺心清似昔年
春色自來皆夢裡
人生何必盡樽前
平原席上三千客
金谷園中百萬錢

俛仰繁華竟陳迹
野花啼鳥謾留連

上巳對雨

三月長安草滿坡
年年修禊襟笮歌
麗人羅袖珠腰極
中使銀鐙錦鞞靴
江上只今春雨暗
水邊何處落花多
不須惆悵開元事
寂寂山陰長薜蘿

再用前韻書事

三首

春來不到鳳凰坡
辜負江頭白苧歌
輕薄衣裳宜換袂
軟紅泥土不沾靴
鶯綠夢短嗔啼早
雨為花疎厭聽多

只恐新晴便零落南風吹老樹陰蘿

其二

溱水遙連洧水坡周人按舞鄭人歌
轆轤回轉秋千索
龜甲斜縫蹴鞠靴轍迹不教青草合
鶯聲偏向綠楊多
而今折贈無紅葉
枳棘蒙茸蓋女蘿

其三

莫將南浦擬東坡且對吳兒唱楚歌
醉裏那知髯似戟
老來方信面如靴
驚人事業非難做
傳世文章不在多

步逐東風看花柳幾時山月照烟蘿

春日白門寫懷用高季迪韻 十首

得歸雖喜未忘悲夢裏秋鷺在別離尚短柳如新折後
已殘梅似半開時江雷殷夜蟲蛇早山雨崇朝蛺蝶遲
製取烏紗籠白髮免教春色笑人衰

其二

萬里歸來戴鴟冠老懷無復舊時歡沙邊野水鷗隨沒
竹外青山鶴從看花信幾番風作陣江聲連日雨添寒

無心車馬千鍾椽有幸茅茨一榻安

其三

柴門斜對曲江頭農具漁罾晚自收
細雨短莎寒似臘淡烟新柳暝如秋
鷗能來往緣曾識鶯或丁寧解說愁
回首故交零落盡更將詩酒與誰遊

其四

阮途無用苦悲窮已拚衰顏漸老翁
沙鷗隨春衝北雨江花迎暖待東風
文章誤我虛名在貧賤輕人舊業空

惆悵成臯遠謫地夜闌猶入夢魂中

其五

綠髮無多白髮長謫居還復是他鄉
風初晚佩猗蘭弱雨滴春蔬早韭香
碧柳五株千本菊黃牛十角一羣羊
得閒隨地為農好不獨長安與洛陽

其六

未即移家返敝廬且移妻子傍村墟
千金已費床頭劍一字無存架上書
短髮恨因多難白故交慚為久貧疎

卷八

浮名薄俗看俱幻，獨有耽詩癖未除。

其七

遠歸偏惜竄餘身，多難番為異姓親。
前度劉郎非故物，當時燕子總西隣。
家貧母老難為客，酒薄愁深不醉人。
走向津頭看春色，綠波芳草却傷神。

其八

綠蕪迷渚水漫沙，斷岸無舟路轉賒。
細柳已黃千萬縷，小桃初白兩三花。
烟中晚棹兼漚遠，雨裏春旗趁屋斜。

野趣莫嫌渾寂寞近來沙背有人家

春暮有感

春色鮮明不稱貧越羅川錦照烏巾斜陽芳草遲遲晚
流水桃花去去春萬里歸心漚送客片時間夢鳥催人
五湖風雨烟波濶便着青蓑採白蘋

其二

啼鳥匆匆變物華雨池科蚪漸成蛙青鞋謾踏閒邊草
白髮羞簪醉裏花此日驂駒思苜蓿當時鷓鴣喚琵琶

遙憐簫鼓追遊地
薺麥青青已沒鴉

夜坐

看雪曾登百尺樓
江頭回首又新秋
虛名未死猶相累
舊業雖貧底足憂
身暫得閒如換骨
心長無愧勝封侯
夜深風露涼如許
坐對明河澹澹流

漸老

漸老無營萬慮沉
鶯聲喚起向來心
春風顛似唐張旭
天氣和如魯展禽
結客每酬雙白璧
纏頭曾費萬黃金

短筇消得江村路步步菁薇綠樹陰

畲李仲弘寫懷次韻

二首

休對清江嘆逝波且拋簪珮着漁蓑愁邊卮酒歡娛少

老後文章感慨多燕子綠蕪三月雨杏花春水一羣鷺

聊將白髮歸來意總和東風懊恨歌

其二

春來渡口足風波獨立船頭舞短蓑高柳忽驚啼鳥變

故園應是落花多尋人不敢門題鳳愛客都將字換鵝

獨有屋西山數疊也應憐我醉時歌

移家

不思歸隱却移家旋買輕舟繫淺沙
飲興已拚今後絕吟情方悔向來差
龍將急雨拋成電虹入輕雲映作霞
交友十年零落盡與誰同看上林花

寄張學錄孟兼揭應奉孟同二文學

何用聰明萬卷書自須卑陋一廛居
草於閒處生偏密花到春深看漸疎
綠水滿渠澆藥後青山無數卷簾初

相過莫道柴門窄
細柳高槐可蔭車

寄潛齋夜坐聽雨

獨憑書几坐空齋
靜裏孤蛩語自哀
雨點故隨更點落
秋聲偏逐鴈聲來
一奩香篆銷仍在
兩穗燈花鬱未開
不用追思十年事
此心今日已成灰

不寐

斜河轉影月當樞
舊事牽愁酒漸醒
半紙功名雙夢蝶
十年辛苦一囊螢
麒麟照眼嗟還失
鴻鴈驚心忍暫聽

如此老懷如此夕鬢毛那得不星星

雨中獨坐有懷滎陽道中用寄潛齋夜坐韻

山色秋光澹遶齋雨聲蟲響互悲哀清尊憐我攻愁去
白髮欺人送老來江柳淨無餘葉在渚蓮遲有一花開
馬蹄却憶成臯路野曉西風滿面埃

早秋江墅晚步

秋前秋後十日雨村北村南千頃麻晚渚芙蓉輕落片
午前秔稻細含花仙翁蠟屐高中幘溪女銀釵小髻髻

老我不知官府事水邊吟到日西斜

自笑用前韻

自笑多愁鬢有華懶求真訣飯胡麻庭蕪綠是今年草
羅槿紅非昨日花西月墮江沉半壁北山當屋露雙髮
此身那得如鷗鷺雨泊風飄片片斜

梅杏桃李

落莫香魂繞舊宮詎知色相本來空笛聲黃鶴高樓上
詩句孤山小店中曉樹烟霜千萬點晚籬松竹兩三叢

相思咫尺憑誰寄，目斷天南樹樹鴻。
右梅花

其二

當時庭館醉春風，客裏相逢意轉濃。
只恐胭脂吹漸白

最憐春水照能紅，一枝爭買珠簾外。
千樹遙看小店中

惆悵先生歸去後，江南烟雨又濛濛。
右杏花

其三

深深翠竹映嬋娟，湘女梳粧立曉烟。
流水落花成悵望，舞裙歌袖是因緣。
也無人折休相妬，纔有鶯啼更可憐。

却憶東園碧千葉暖風香雨為誰妍
右桃花

其四

憶與盧仝共看來花光月色兩徘徊
江村遠處長相識
風雨寒時已早開霽雪玲瓏愁易濕
春水輕薄笑難裁
江城二月城西路誰惜柔香滿翠苔
右李花

相思咫尺恐難寄自新人南樹梅滿右枝化

其二

當時庭館醉春風客裏相逢意轉濃只恐胭脂吹漸白

飛烟春水照西池誰替柔香惹翠苔苔可對蠅看小店中

雨雨來孤好果開寒窗燈火夜寒驚春水野蕪寒突鑿綠

野與盡全共香來外長月過兩牀臥玉林夢魂尋酥點

水寒風吹冷娟娟和文梳柱立鏡烟流水為花成悵望

眉菴集卷八

欽定四庫全書

五眉菴集卷九

明楊基撰

七言律

罷職初寓句曲山居

在句容縣南一舍近三節峰背陶隱居所處也

兔逃且罟鳥投林脫彼官資暢此心便覺夜來清夢出

始知人住碧山深詩窮任使金銷索酒樂何妨雪滿簪

更擬怡雲問弘景華陽仙洞事幽尋

欽定四庫全書

眉菴集

二

賣袍

鶴鷺行中舊賜緋
團花分縫織秋葵
齋宮夜直雞前著
內殿春朝馬上披
仙露滴身猶點點
御香薰袖尚離離
山中無復瀛洲夢
換取金錢當酒貲

寄諸葛同知彥飛

白髮慵梳步履遲
老於田野最相宜
每當酒熟花開日
正值身閒客到時
雪屋夜燈因婦織
月波秋舫為僧移
而今此樂同誰說
只有鄉人馬遠知

宜秋軒對月并序 四首

余自懼患奔走南北佳景良辰往往愧負及來
杜曲時豐景幽秋氣既中月色倍常自十四至
十七與杜氏兄弟舉酒邀月夜分乃休感佳節
之難逢而良會之易失也夜賦一詩以示諸杜
留以為故事云洪武辛亥寓句容

仙家玉斧斲猶偏天上瓊樓看欲全未滿固當勝既滿
已圓終不似將圓今宵對影人先醉明日成珠蚌有緣

惆悵吳宮與唐殿冷風魚鑰夜如年

右十四夜

其二

龍宮浮出白蓮花海宇通明濕素霞琪樹有陰銀闕冷
玉盤無缺絳河斜十分夜色初開鏡多少離人正憶家
但舉觥籌行百罰莫聽更鼓疊三過

右十五夜

其三

已覺來遲未捲簾漸經樓閣照東簷清光念爾隨秋減
白髮憐余向曉添自對嫦娥歌宛宛誰教楊柳舞纖纖

昇州憶似鄜州看香霧雲鬟濕翠奩

右十六夜

其四

坐久星繁影漸虧也應天轉玉輪歆葵丘伯主初盟後
天寶君王欲倦時繞樹鶻驚霜落早吹簫人恨夜眠遲
不須戚戚悲圓缺長使清光灑酒卮

右十七夜

中秋約登茅峰不果寄羽士蔣玉壺

仙人待月大茅峰樓閣高寒近可通表裏山河俱皓白
古今烏兔自西東一塵不住空明外萬象都懸倒影中

欲便吹笙跨黃鶴人間或有雨兼風

宿清元道館簡羽士巫山隱

手閱靈文對羽流道心真境兩清幽雙松過影知將晚
一雨生涼覺近秋丹井有靈泉似玉石碑無恙字如鈎
欲求大藥調精魄却笑山人已白頭

哭高季迪舊知

鷓鴣才高竟殞身思君別我愈傷神每憐四海無知己
頓覺中年少故人祀托友生香稻精魂歸丘隴杜鵑春

文章穹壤成何用
哽咽東風淚滿巾

豫章早春

茸茸草色變枯荻
蔌蔌寒梅落逕苔
山頂雪惟朝北在
水邊風已自東來
不須銀管催鶯出
便好珠簾為燕開
見說嶺南春更早
桃花流水勝天台

登洪都城憶滕王閣故基

豫章城郭楚江濱
帝子笙歌迥不聞
十載以前猶有閣
三王之後豈無文
春風南浦青草暮
雨西山淡淡雲

若對畫圖悲蛺蝶落霞孤鷺正思君

浦口逢春憶禁苑舊游

春水消盡草生齊細雨香融紫陌泥花裏小樓雙燕入
柳邊深巷一鷺啼坐臨南浦彈流水步逐東風唱大堤
還憶當年看花伴錦衣駟馬玉門西

過豐城

雲樹參差接遠汀隔沙誰識是豐城芙蓉不禁行人採
薜荔多依古樹生寒店雞聲烟寺遠滄江鴻影暮川晴

欲將三弄桓伊笛吹向船頭喚月明

夜泊臨江城下江清月白悵然有懷

萬里清江急有聲一蓬愁影對寒檠當時鷓鴣杯中酒
何處龍香火底笙斗轉東南知夜半月臨子午應潮生
不多鏡裏青青髮又向今宵白幾莖

省垣對雨有懷方員外

二首

老去惟耽是詠詩擬將詩癖待君醫何愁不到王摩詰
自恨無過杜牧之城外綠陰聯騎日省中春雨聽鶯時

歸來莫待秋風後荷葉荷花正滿池

其二

煮得新醅灑灑紅省垣誰與晚樽同人當暫別情偏惡
詩到無聊語更工江浦荷花雙鷺雨驛亭楊柳一蟬風
論文若到虞楊地應對清江憶范公

江郭對雨

鴉鳩催雨一雙啼江郭崇高竹樹低嫩葉暗將枯葉換
新梢爭與舊梢齊席因留客長虛左簾為看山盡捲西

自笑為郎尋白首也曾通籍向金閨

寄牛理問斗南

每笑揚朱谷一毫恥將刀筆事蕭曹鯨鯢未覺滄溟濶
鷹隼寧知華岳高白璧一雙酬劇孟黃金百鎰鑄山濤
小牕新種娟娟竹深映春風紫蒂桃

懷班大叅景通

一榻凝香省署西短屏深掩樹陰低笑談每為相知發
詩句惟應送別題不以學從當世曲直將名與古人齊

別來幾日偏相憶風雨江村半夜鷄

懷萬郎中伯玉

憶曾替筆侍金鑿華髮驚看照鷓冠
倩可承家如有子
俸能供祭勝無官
杯緣量減常先醉
帶為愁多覺屢寬
應念故園秋色裏
露珠香滿菊花團

寄劉儀部子高

開遍芙蓉雨滿津
西風又冷楚江蘋
眼前替紋流如水
天上羲和釀得春
黃葉亂蟬南浦樹
紫髯一騎上京塵

此時詩興誰能識
還憶山陰賀季真

懷王節推彥文

烏帽輕籠雪滿簪
古苔怪木訟堂深
官清猶有長憂色
年老惟存不競心
與吏議刑秋寂寂
教兒讀律夜沈沈
酒闌可解時相憶
月落霜飛鵲繞林

立秋日懷方員外

幾日西清晝掩屏
綠塵幽僻遍閒廳
病中事少翻嫌健
醉裏愁多只願醒
候響閤鈴飛夜鵲
偶攤書卷落秋螢

萍蹤已辦東南別風雨長更各自聽

次前韻遣興

已覺新涼入畫屏江聲樹影在西廳
人情近午猶思浴客夢驚秋却易醒
月淡渚蓮香掩鷺雨深池草濕栖螢
從今不恨無情緒茅屋西風細細聽

冬夜宿江右省垣懷劉子高司業

曖曖微宵耿玉繩澄澄夜色麗觚稜
月明鷓鴣千枝雪霜冷枇杷一樹冰
魚鱗戒嚴森畫戟鳳團銷醉擁青綾

瀛洲盡是羣仙府鶴背應須得共登

七月三十日祖母初度時年八十九

白髮青瞳壽者身每逢佳節話咸淳
百年未盡四千日來歲還週九十春
遷客無家空望拜孤臣有表竟誰陳
今朝風雨茅茨底應對兒孫說遠人

思親

一割鴻溝消息稀隻身湖海尚流離
乾坤何事有今日父子可憐逢此時
悵望只添新涕淚艱難應變舊鬚眉

愁心恨不隨春雪飛上吳山椿樹枝

將歸金陵留別省垣諸友

吳山歷歷向東遙望盡寒雲意未消多難定煩慈母憶
時魂時賴故人招曉霜猶凍枇杷樹春雨還生杜若苗
歸去不愁江水濶野鷗羣裏木蘭橈

望夫石

在米石東山上

古荔荒苔綠滿身至今翹首望歸人玉容已化峰頭石
戰骨應為塞上塵風雨不銷千載恨鶯花又度一番春

誰將湘女爛編竹種向東風侶有因

登峨眉亭

在牛渚山

峨眉亭上看秋山低感輕颺淺淡間雨過微雲添一抹

晚來新月闌雙彎不愁商女行相妬長恨離人去未還

我亦峨眉山下客偶因西眺憶鄉關

先生祖蜀中故末句及之

謁小姑廟

月帔星冠敞翠屏白腮紅頰兩眉青魚鱗小殿波紋滑

龍尾長旗雨氣腥巫女沈牛歌宛轉彭郎回馬拜娉婷

蘭舟願祝東風便一夜夷猶過洞庭

大姑山廟遇老衲年七十餘云是東林寺僧時廟

厄回祿方謀建興有作

白髮星星照赤髭春風邂逅水仙祠我非當世陶彭澤
渠是前生遠法師結習已空終不染塵根俱盡竟何思
猶將大乘神通力笑寄須彌向一枝

鄱陽湖喜晴

鄱陽湖裏看春晴山色波光蕩漾明短髮已羞芳草綠

閒身靡羨一鷗輕風來柳上偏無力雲到松梢更有情
却羨蘇堤舊游路碧桃千樹響流鶯

舟泊潯陽懷申屠衡

江烟漠漠草毵毵且泊蘭舟近水南一鷺暝投槎外石
雙鴻低拂樹邊嵐夢隨春雨歸華屋愁逐東風上短簷
柳色漸深人漸遠幾時花裏共停驂

晚泊湓浦逢冷節

小雨籠陰護晚霞柳邊停棹聽啼鴉湖光已綠皆春草

風信猶寒是杏花到處青鞵隨蛺蝶誰家紅袖泣琵琶
匆匆客裏逢佳節那得行人鬢不華

過黃州

當年逐兔跨神州此地羣雄首建謀亂後江山猶故物
春來花草亦新愁歸人拜塚營茅宇過客停舟問竹樓
惆悵臨臯驛邊柳淡籠烟雨白沙鷗

武昌夜泊懷古

郭渚柔莎夜雨餘漢陽雲樹暮烟初休誇健筆題鸚鵡

終悔空緘託鯉魚遺臭功名成底用
浣人塵土欲何如

滔滔黃鶴樓前水日夜東流恨未除

欄衝般浩
桓温庾亮

呂仙祠

祠在黃鶴樓東江山形勢非神仙
不足居此風

清月白之夜時聞鐵笛之聲

兩點方瞳漆有光紫髯眉綠面如霜
千年一笑來黃鶴
三度長吟到岳陽日月自隨天地老
江山不為古今忙
又携鐵笛瑤池去亂挿桃花醉一場

過洞庭

雨後春江似潑醅
洞庭猶更綠於苔
碧湘樓閣千花繞
紫府旌旗十殿開
春色不隨流水去
暮雲長帶客愁來
閒身也是滄浪客
鷗鷺匆匆莫浪猜

過洞庭龍君廟

陰陰微殿肅神都
地位清嚴鎮五湖
水府奏工題玉檢
淵泉錫爵送珠符
雨分赤暉衝波出
風遣青鼉踏浪呼
時有蠻商獻袍笏
廟前拋肉飼神烏

岳陽回仙有題

夢覺邯鄲月未西
碧紗斜插杏花枝
丹霞淺淡微生頰
白酒甘甜不上眉
戲畫榴皮成鶴舞
笑揮銅劍作龍騎
夜來小宴瑤池上
贏得麻姑一著棋

夢覺

囊衣單薄藉無繡
天氣將寒每自憐
歲月無情人老大
風塵如此路三千
片時兒女燈前笑
多在關河夢裏船
那得全家江浦上
短蓑微雨卧秋烟

舟中聞隣船吳歌有懷幼文來儀

輕帆短檝沂烟波疊渚回舟奈遠何一路詩從愁裏得
二分春向客中過江通漢水晴偏綠山入湘雲晚更多
何處思君腸欲斷楚妃祠下聽吳歌

途次感秋

嫋嫋西風吹逝波冥冥顥氣逼星河宣王石鼓青苔澁
武帝金盤白露多八陣雲開屯虎豹三江潮落見鼉鼉
沅湘一帶皆秋草欲采芙蓉奈晚何

渡漢江

九天灑氣肅高秋，萬里銀河入海流。
西楚人才多用晉，中原豪傑暫依劉。
久無翠羽供王貢，時有彤弓賜列侯。
自惜飄飄雙短髮，也隨江漢一輕鷗。

經潭州哭李太守

潭州即今長沙府太守名
輔字子威死節元忠臣

丁卯科中第一人，誓將孤壁障妖塵。
百年事業歸儒者，萬里江山泣老臣。
肝膽當時紹余闕，英靈此日配張巡。
我來竟就船頭拜，一盞寒泉薦綠蘋。

三湘

曾向三湘望五溪
水源汨汨盡流西
狂思醉裏千鍾少
老覺人間萬事低
移艇出江當月上
煮茶消睡恰鶯啼
近來詩句慵思索
逢著青山趣謾題

過黃陵廟

萬里蒼梧接桂林
九疑雲氣隔湘陰
東風又洒瀾瀾淚
明月長懸悵望心
雨裏鷓鴣春色晚
廟前莎草落花深
荒碑獨有元和刻
苔色蝸涎已半侵

江邊尋花值雨

獨自尋花傍水濱
霏霏小雨浥輕塵
正憐啼鳥能留客
却笑東風也妬人
柳色半昏先近晚
梨花漸濕更多春
湘娥應解知人意
兩點脩眉結翠顰

興安道中

青山一半入青雲
碧磧千回轉夕曛
松碣看來多漢刻
竹祠隨處是湘君
路經猿洞諸峰直
泉入灘江兩派分
莫據孤鞍聽蜀魄
野棠疎雨又紛紛

二月晦日來陽江口寄書

自笑無家類轉蓬年光何事更怱怱
數聲鶯響千山裏一樹花開萬竹中
夜入瀟湘偏厭雨春來杜若自宜風
兒童別久應驚問華髮飄蕭侶老翁

初陽道中見海棠

桂陽江口望初陽疊疊烟雲入渺茫
高樹綠陰千嶂濕野棠疎雨一籬香
縱無春在猶回首況有鷓啼合斷腸
惆悵東湖堤上柳暖風輕絮正悠揚

衡陽有懷 二首

寒郭沿洄楚水陰
鶯花寂寂雨沈沈
江山不盡登臨意
節序偏驚老大心
客裏茶烟長自冷
衡陽柳色為誰深
峰前亦有回歸雁
不肯隨人到桂林

其二

鳴鳩日日喚春陰
坐挹爐熏萬慮沈
對雨只添鄉國恨
看花無復少年心
烟皆榆柳青猶淺
水是瀟湘綠更深
不道沙邊有城郭
短籬茆宇映疎林

客中寒食有感

客舍蕭條百尺天，衡陽城下柳陰船。
梨花又濕初晴雨，草色仍含已禁烟。
車馬看花悲昔夢，綺羅傳燭待明年。
三吳八桂東西路，萬里空山哭杜鵑。

其二

減衣時節尚寒天，暫倚東風泊畫船。
十里樓臺仍細雨，五侯池館又新烟。
且替楊柳酌佳節，莫對桃花憶去年。
總是無情也，腸斷鷓鴣聲裏又啼鵑。

桂林與蔣張二指揮觀兵

大字青旗寫豹韜，連環金鎖束征袍。
千艘夜泊烟江濶，萬竈晨炊瘴嶺高。
燕領將軍髯似戟，鵠形俘虜面如刀。
自慙不得同高適，走馬西河省屬橐。

桂林即興

二首

曾見重華巡狩來，灘江廟宇野棠開。
山無檜柏皆巖穴，地有芝苓盡藥材。
花布短衣齊膝裂，竹皮長帽覆眉栽。
也應風土交州近，丹荔紅蕉不用栽。

其二

江為池塹石為城南去蒼梧兩日程
碧殿尚存虞帝像
青山不廢伏波名
蘭根出土長斜掛
榕樹成門却倒生
時有苗人與徭女
負薪輸布事科征

聞江聲有感

歲事匆匆兩鬢星
坐看簷影下虛屏
寒梅向暖商量白
舊草迎春斷續青
夢以俗牽終夜惡
酒因愁散片時醒
秦山密雪巴山雨
不似江聲不耐聽

晚發瓜洲

江花江草望中稀，相趁畸人萬里歸。
鷗逐晚潮爭北上，雁隨春雨向南飛。
船頭野老新巾幘，馬上王孫小帶圍。
嗟我遠來頭總白，洛陽塵土滿征衣。

宿揚州南門

春風曾在此停舟，白髮重來又杪秋。
何事瓊花猶古物，當時玉樹總新愁。
孤城小驛連荆杞，野水荒墳見髑髏。
夜靜有人船上哭，可應鄉井是揚州。

舟次邵白有懷徐幼文

文章小技恥雕虫也遂羣才赴洛中多病不宜秋色衰
相思只在暮江東鷄豚籬落茅茨雨鳧鳴陂塘菡萏風
欲買一樽澆寂寞傷心不與故人同

過高郵即景

蒼烟斜日照孤城嗟我情多却倦登田豕白蹄高似鹿
野蚊花股大於蠅人家結屋多蘆葦官府輸租半藕菱
莫向西風詢往事旅懷蕭索豈堪勝

淮安新河候船

城郭逶迤曲遶河塵沙滿眼北風多行人淚落山陽笛
逐客魂銷郢水歌江總歸陳嗟老矣淮陰在楚奈貧何
明朝又鼓征西棹帆影翩翩逐逝波

至龜山有題

在盱眙

魚鱉搗訶激怒瀧腥風沫雨濕蓬窻寶珠佛像山王護
鐵鎖神工水母降石勢參天龜出洛潭光照夜蜃浮江
我行未暇求陳迹且醉船頭濁酒缸

夜宿開封郡齋贈林通判

輝輝燈影照更闌
卮酒憐君為解顏
鏡裏風塵雙白髮
夢中烟雨萬青山
逢迎意懶長思靜
撫字才疎欲乞閒
母德君恩俱未報
不勝悲感淚潺湲

懷汝寧許知府

能以寬閒繼古風
府中無事不從容
諸生秋試多高選
八縣春耕少惰農
富貴何須皆汗馬
文章正欲去雕虫
同庚況有聯曹誼
風雨相思意萬重

太原春日郊行

履齒車輪更馬蹄
綠莎隨處踏成蹊
無人為惜閒花落
有暇來聽好鳥啼
步屨愛沿流水曲
開懷欲與衆山齊
詩成誰復吹簫和
却向藤蘿石上題

清明懷故園

縷縷輕烟細細風
秋千池館萬家同
高低草色相參綠
深淺桃花各自紅
人意盡隨流水去
風光都在笑聲中
多情白髮并州客
坐對西南雪滿峰

春日山西寄王允原知司

并州春半無花可賞追憶舊遊情動于中因賦長句
五首公退之暇詠而味之庶幾春色之在目也允原

知司善詠詩者就錄以贈

是詩先生親筆知司
曾孫至今藏于家

十里烟光濕翠苔二分春色到花朝無人快擊華奴鼓
有伴同吹弄玉簫遍地錦圍歌處席滿身珠壓舞時腰
莫嗔老子疎狂甚曾醉揚州廿四橋

其二

藥苗初出水生葶老麝收香鹿養茸二月春光纔霽雪
一番花信又顛風參差鸚鵡全身白淺淡棠梨半面紅
正是江南寒食近滿簾飛絮雨濛濛

其三

畫船搖槳蕩晴波步障圍風踏軟莎簫鼓隊衝黃鳥散
綺羅人比白鷗多不知酒與愁成敵長恨花為病作魔
回首六橋青草徧水光山色近如何

其四

花時無處不黃鸝偏到垂楊著意啼人立晚風携便面
馬臨春水惜障泥踏歌趁拍催腔急旋舞回身應節齊
遙想故山行樂地紫苔侵遍十年題

其五

一莖白髮已堪嗟況是東風兩鬢華醉裏誤將裙作草
老來羞以帽替花踈狂不識眉雙結敏捷曾經手八叉
閒喜日長公館靜自分新火試新茶

寄舊契張來儀

秦山萬點接烟霞
東出關門鬢已華
無奈異鄉仍哭子
可能孤館不思家
貧逢北客長賒酒
飯比南人只喜茶
我住東林數間屋
每同談坐到栖鴉

懷宋大叅公數

西山暮雨對秋屏
曾共銜盃話北征
五月雪花猶亂落
一春沙草未全生
曉因謀使窺邊略
夜問降王為寇情
東閣畫長香篆小
盡繙圖畫憶經行

寄陳管勾則威

全晉封疆寄太行西來絳水入平陽千山草樹惟無竹
七月衣裘已有霜俗喜背牛兼帶犢人能擒虎類驅羊
憐君詩思清無敵細覓寒梅認色香

無題和唐李義山商隱

嘗讀李義山無題詩愛其音調清婉雖極其穠麗然
皆託於臣不忘君之意而深惜乎才之不遇也客牕
風雨讀而悲之為和五章

一瓣芙蓉是絲舟棹歌離思兩夷猶風鬟霧鬢遙相憶

月戶雲牕許暫留
波冷綠塵羅襪曉
恨添紅葉翠顰秋
雙鸞鏡裏瑤臺雪
任是無情也上頭

其二

纔向瑤臺覓舊踪
曙鴉啼斷景陽鐘
薄施朱粉妝偏媚
倒插花枝態更濃
立近晚風迷蛺蝶
坐臨秋水亂芙蓉
多情莫恨蓬山遠
只隔珠簾抵萬重

其三

細骨輕軀不耐風
春來簾幙怕朝東
人間玉宇三山隔

天上銀河一水通
眉暈淺顰橫曉綠
臉銷殘頰膩春紅
冰絃莫奏清商曲
滿地霜華泣翠蓬

其四

夜合花邊待月來
宮中輶轡響春雷
笙調恨譜參差度
錦織愁紋宛轉回
樓上綠珠知報主
座中紅拂解憐才
傷心兩炬緋羅燭
吹作銀荷葉下灰

其五

為雨為雲事兩難
蕙心蘭質易摧殘
箏移錦柱秋先斷

漏滴銅壺夜不乾
羅幙有香鶯夢煖
綺牕無月雁聲寒
芙蓉一樹金塘外
只有芳卿獨自看

附沈通理次韻無題五首

通理居蘇之崑山
宣德正統間詩人

蘭槩雙欹倚桂舟
隔花臨水思夷猶
香囊玉佩勞相贈
綉幄銀屏惜共留
愁繞鳳臺秦樹暝
夢回巫峽楚雲秋
多才苦被春情惱
鏡裏潘郎雪滿頭

行雨行雲少定踪
夢回時節怕聞鐘
竹枝寄恨心偏懶
桃葉題情意轉濃
香冷綉鞍閒駸裏
燭殘金障掩

次定四庫全書

眉庵集

五

芙蓉紅樓綠水無多遠如隔江山幾萬重

纖纖斜日弄微風腸斷仙山碧海東鸞鏡有塵空自
掩雁書無路若為通愁橫柳葉眉翠翠泪濕桃花臉
暈紅盡道芳年易憔悴莫教青鬢作秋蓬

油壁香車幾度來赤闌橋畔起驚雷夢隨暮雨陽臺
去愁踏春波洛浦回青鳥銜書通密意綵鸞留詠惜
奇才芳心一寸如紅燭總遣燒殘未作灰

瑣隄珠戶別離難蘭蕙柔姿惜易殘曲斷瑤箏銀甲

冷書留錦字墨花乾羅衾積夢驚春晚寶鴨銷香覺
夜寒檻外碧桃花自好一年芳景共誰省

五言絕句

新月

元斜鏡露遺影淡眉銷索香烟隔院來知有佳人拜

殘雪

庭雪早消殘猶存孤履未春風知有意留待隔年看

大邑回車

眉庵集

五

欽定四庫全書

眉菴集卷十

明 楊基 撰

五言絕句

新月

光斜鏡露邊影沒眉鋪黛香烟隔院來知有佳人拜

殘雪

庭雪半消殘猶存舊臘寒春風知有意留待隔年看

欽定四庫全書

眉菴集

二

春夢 二首

春夢復春夢春夢何時曉啼鳥忽相呼花殘人又老

其二

春夢復春夢夢與覺時同縱使風吹破相省侶夢中

五色

五色綉羅衣花多枝葉稀春來不敢著怕引蝶雙飛

陌上桑

青青陌上桑葉葉帶春雨已有催絲人咄咄桑下語

優人乞米

恢諧一面笑慷慨千鍾粟相逢莫歎貧農夫方夜哭

隔簾聽歌

低處最多情聲遲拍轉停坐中腸亦斷況乃隔簾聽

仕女美女二圖

獨立長門裏徘徊無所親可憐前殿月不照後宮人

其二

無人問起遲不語自支頤此意春風解深閨未嫁時

花開

花開醉不休花謝莫深愁縱使花長在東風也白頭

壺中二色桃花

素頰映紅腮西園共折來憐渠竟先落知是最先開

折花贈內并代荅

二首

人面玉娟娟花枝更可憐憑從畫眉手折寄鏡臺前

其二

一朵折春風花濃意更濃而今映花面不似向時紅

詠眉

雙鬢畫得勻烟柳鬪輕顰莫對初三月姮娥妬殺人

詠眼

秋波含脉脉未轉已情通千古風流意都綠一盼中

瓶中插梨杏桃李四花有詠

各自媚春光輕紅映淺妝日融花氣暖忘却是誰香

施君眠雲堂

展雲作衾裯一榻秋陰冷曉睡重惜騰壓碎梨花影

倪雲林畫竹

寫竹是傳神何曾要逼真惟君知此意與可定前身

題畫

二首

重來竹滿陂竟失茅茨處忽記別君時門前五株樹

其二

泉爭亂石穿松激回聽響山經讀未終猿啼孤月上

墨竹

烟梢忽縱橫風葉屢偃仰一榻卧山中靜聽秋雨響

墨葵

晞髮待朝陽黃眉暎墨妝
午時人搗藥衣上有玄霜

竹為僧賦

猿啼石澗幽月出秋林靜
孤僧耿未眠坐對蕭蕭影

九鷺圖

秋塘白鷺栖烟淡草淒淒
一隻來沙晚青山日又低

彈琴高士

江靜月在水山空秋滿亭
自彈還自罷初不要人聽

柳塘春燕

花落燕飛交春風在柳梢
玉樓皆綉幙高處莫安巢

扇上畫

四首

雨歇見青山菰蒲第幾灣
鷗來又飛去只有釣舟閒

其二

江遠愛山低沙虛覺樹危
靜中誰共賞橋上立多時

其三

雙桐石上栽四月始花開
不見朝陽鳳秋風欲下來

其四

別夢蘋花外歸心燕子前齊王不好瑟塵土滿朱絃

刺客四詠

匕首

秋啼聶政魂寒漬荆軻血報讐兼報恩刺人還自殺

筑

朝擊無秦聲暮擊皆死曲誰知腹中鉛矐却壯士目

推

公子終救趙留侯徒中車平生萬金客不及圮橋書

劍

差差三尺光氣奪萬乘貴立成千載功不出五步內

轅門十詠

胄

雙鷹鳳翅開敵見即心摧莫厭黃金重貂蟬自此來

鎧

重函鎖鉄堅葉葉黃花錯將軍勇絕人尋取三副著

素

羽葆轟青雲風搖翠羽分
貔貅一百萬於此認中軍

鉞

寵錫王堦前專征欲定邊
奏功須右秉長在節旄先

矛

鈎鋒紫電明瘦幹青蛇滑
馬上利長兵刺人須丈八

刀

掛帳殺風寒新磨血未乾
酒酣曾斫陣不敢醉中看

次定四庫全書

眉庵集

六

弓

力能穿七札 弣搯金梢短十萬羽林兒
無人開得滿

箭

斜挿虎豹皮 掛向軍前戰射退黑山夷
歸來有餘箭

袍

袍花對縫裁 上刺黃金字著處萬人看
是為君恩賜

馬

未鼓即騰驤 身輕箭不傷明朝卸金甲
歸牧華山陽

天平山十四題

龍門

天開一罅通石古雙崖破中有波濤痕知是龍飛過

石屋

六丁運神斤鑿石為巨屋風雨遶入牕夜夜山鬼宿

五丈石

落星長百尺風雨忽中斷至今雷火焦突兀猶存半

白雲泉

泠泠白雲泉流向白雲邊
泉水流不斷白雲飛上天

一線泉

石竇小如針泉飛一縷金
天風吹不斷穿過白雲深

卓筆峰

露鮮凝斑管烟蘿束紫毫
山靈罷揮洒卓立萬山高

飛來峰

高峰侶玉臺何處忽飛來
定向西天竺巖花頂上開

釣魚磯

老父兆非熊遺石此山久誰操百尺竿重試連鰲手

蟾蜍石

神墓月中來化作千歲石曾吞玉杵霜清露時時滴

頭陀巖

頭陀不可見巖石似當時草長齊肩髮雲裁百衲衣

華蓋松

飛蓋結龍形斜扛九曲清流螢枝上落疑是紫微星

四時亭

泉聲四時清山色四時好不知寒暑移但覺松杉老

宿雲軒

盈盈山中雲就我簷下宿昨夜雲不歸空閒半間屋

照鏡湖

團團山中石下照太湖影如何一鑑中三萬六千頃

端陽十詠

百索

紅映釧金黃雙纏腕玉香閨愁千萬里羞比綵絲長

釵符

紅殺剪金葦輕羅簇艾花不須靈筭篆心靜自無邪

守宮

玉白搗薰風蛾眉怨六宮長門深似海何用印花紅

角黍

紅絲繫綠蔓金糝沃香錫風雨羅江上家家祭屈平

艾虎

踞戶欲生風當門勢自雄未能離草莽亦是駭兒童

蒲觴

蒲葉復蒲根香瓊泛綠樽
亂離誰引壽聊欲與相魂

鬪草

珠玉賭牙籤爭奇手自拈
一籌矜獨勝袖有謝公髯

射柳

弓滿馬如飛沙平見柳枝
雋功收一鏃多是養由基

擊毬

低昂一點紅忽起青雲上
風急下來遲衆人齊面仰

競渡

船頭花帽欹船尾花袍舞江神不敢行百面鼉皮鼓

書懷

朝梳髮尚玄夕鑑髮已斑欣戚苟異懷妍悴即改顏

聞柝

孤館月如霜閣閣鳴秋柝羌兵未解圍淚逐寒聲落

不寐有懷

鵲寒栖未定裊裊風吹竹孤燈不厭貧斜照畸魂宿

聞鴈

天寒霜月苦人遠秋衣綻獨坐聽長夜燈前一聲鴈

夢歸

夢歸片時歡夢覺終夜惡欲起就殘燈鼠搖寒燼落

燈花

遠人無喜報何事有燈花莫是閨中說姑傍伴緝麻

憶母

齒落髮髮參新年九十三寸心猶未報一飯豈能堪

憶子

未知索果啼已解迎人抱平生紙牘心時時背燈笑

憶弟

青州信息稀八桂音書絕思君無奈愁拭目却成血

上書乞歸養

陳情欲上書意切辭語促復恐大官嗔燈前再三讀

志喜

咫尺近天顏殊恩得賜環滿沽彭澤酒歡飲看廬山

對江望山

朝看江上山暮看江上山
山色信不改江流幾時還

陪方員外看花

步屣到花陰花疎更繞林
留連今日意不是少年心

夜坐

曉寒雪亂飛鴈帶邊聲過
對影却增愁吹燈暗中坐

示楊水西

親遠更家貧將歸未有因
相逢難說與君是故鄉人

逢故奴 二首

出門逢故奴倉卒塵中拜不暇
相隨行街頭捧衣賣

其二

出門逢故奴怪我顏危槁
茲事何足驚別離容易老

雜詠 十畫

芙蕖

紅衣寒未脫綠蓋晴猶卷
楚女棹歌回遙遙秋江晚

萱草

大定口草全書

眉庵集

十三

牕間宜男花本是忘憂草
釵頭誰倒簪錢唐蘇小小

夜落金錢

朝開金錢小夜開金錢薄
青閨卜遠人銀燈花共落

蘭

蘭葉弄秋暉蘭花帶露晞
若將紉作佩相稱芰荷衣

山茶

細簇蜂脾蠟深裁鶴頂砂
雪中誰共賞一樹玉梅花

牡丹

當時姚家黃花面潤一尺惆悵洛陽人而今多未識

木芙蓉

江寒浦溆多舉目皆衰草惟有拒霜花遙遙隔江好

孔雀

掉尾立花陰參差萬點金年年蕃國進不是孔家禽

蛺蝶

衣薰細細香鬚染盈盈露特地一雙飛花間惹人妬

蜂

結房山中樹暮歸香滿腹微物詎可輕歲遲能藏毒

白門逢別王之常 二首

一自吳中別于今已十年客邊喜相見風雨白門前

其二

沽取白門酒醉別鳴臯雲君我標仕逸暢樂從此分

長沙雜詠 十首

花深衆禽寂格格啼山鷓撻響一燈來人歸碧湘夜

其二

融融綠烟暖夢遶蘭苔外
時倩鳥呼醒花濃春自醉

其三

東風吹小雨一夜滿滿湘
明月鷗波裏靡無各自長

其四

高樹蘿垂屈低垣竹掩花
門前烟渚潤春水又沈沙

其五

網得湘中魚穿向湘邊柳
一逕入花陰來換長沙酒

其六

寒沙竹塢深細雨烟江渺不聽野鶯啼那知是春曉

其七

密瓦栽斑竹疎籬種紫荊日斜墟市散時有虎經行

其八

筠嶼烟長碧蘭坡水自香只宜行畫裏忘却在瀟湘

其九

湘人愛樓居斜枕湘江起樓下倚闌人簪花照春水

其十

柳色帶輕頻
桃花露淺唇
異鄉寒食近
能得幾多春

胡

長眉短眉柳葉深
色淺色桃花小橋
小店沽酒新火新

烟裏茶

其二

今年去年酒債
三月四月春愁
看山看水出郭聽雨聽

風倚樓

其三

次定口軍

眉庵集

上

全宋詩卷之八十一
本十

大沙竹塢深細雨烟江渺不馳野禽啼那知是春曉

其七

西瓦款題竹疎離種紫刺日斜墟市散時有虎經行

其八

釣嶼烟長碧湖波水自香只宜行畫裏忘却在滿湖

其九

湖人愛棹房斜枕湘江起樓下倚闌人暮花照春水

林香帶露吹林外露寒香異味寒食並指野幾多春

六言絕句

內律一首附

即景

四首

長眉短眉柳葉深色淺色
桃花小橋小店沽酒新火新

烟煮茶

其二

今年去年酒債三月兩月
春愁看山看水出郭聽雨聽

風倚樓

其三

東家西家燕飛明日後日春歸多愁多病送客無酒無

錢典衣

其四

桃花杏花紅白蒲葉芷葉參差飛高飛下蝴蝶行去行

來鷺鷥

小景

二首

白雲浩浩秋色碧碣冷冷雨聲坐得松陰過石先生酒

醒詩成

其二

雨雨風風路迷斷橋流水平堤出門苔徑泥滑喚取扁舟過溪

初歸吳中感事

附郭好山遠近近城流水西東人哭人歌夜月花開花落春風

赤山間居 二首

荷鋪澆籬栽菊解衣石上觀松甘分簞食瓢飲底須千

大正四

眉庵集

七

四萬鍾

其二

抱膝長吟梁父折腰寧愧鄉兒酒呼白墮朝飲米雜雕

胡晚炊

遊靈巖懷古

靈巖吳城西山名也舊為吳王夫差離宮名館娃者

在焉今琴臺西施洞響屨廊採香徑八角井皆其遺

跡尚存

塵埋洞裏金蓮誰調臺上朱絃
廊春盡花落香徑雲
深鹿眠扶目臣亡此處捧心人
去何年莫洗館娃遺恥
山頂空流石泉

濯清亭 二首

半江落日高樹兩岸清風短莎
莫怪滄浪水濁邇來濯
足人多

其二

我濯塵纓水潄君垂雙足清陰
自是秋江清濁滄浪孺

子何心

天心水面亭

二首

海天萬里遙碧秋水一池鑑空莫問鳶飛魚躍看他明

月清風

其二

動中消息春到靜裏工夫夜深三十六宮春意不道水

面天心

畫

三首

芙蓉江上秋色揚柳堤邊月明莫教西軒種竹客中無
奈秋聲

其二

五株樹下待月三板橋頭賦詩童子不知人意棹歌却
怪歸遲

其三

一箇茅亭晚渡數聲啼鳥秋林愛他湖上山色立盡溪
頭樹陰

金匱石經

卷十

自嘆

白髮慈親九十紅塵客路三千歸去桃花源裏綵衣萱

草堂前



眉庵集卷十